

當知尊攝受 定慧金剛拳 二地結風背
傾身觀相好 歷然見如前

旋時誦足鉤 眞言曰

唵引迦引 那引 羯哩囉 合二 庚 唵日囉

合二 唵

步踏時眞言曰

唵引 唵日囉 合二 合 麼 半 唵 短

又見自心月 金剛具五拳 中有所持明

流射金剛火 住是大三昧 持根本眞言

或心一字明 或紫心中心 摘枳王眞言

住定寂極已 方坐誦讚歎 陳供及發願

即作解脫法 以本法四印 四處掣開之

心上眞言曰

唵引 薩怛 唵 二 唵日囉 合二 惹 唵 合 羅 麼

引 羅 唵 二 合 歇 唵 短 發 吃 半 目

又以眞實王四印掣開之心上眞言曰

唵引 薩怛 唵 二 唵日囉 合二 唵 短

聖衆還宮已 即寶髻中拍 護此常恆身

四礼五向等 餘皆同諸教 降三世瑜伽

二羽印當心 慧手持五鈎 努辟如下擬

次箭劍直執 定上五鈎鉤 次弓文執素

皆直引辟持 四面正青色 右黃左綠色

後紅咸忿怒 自在天王妃 為座如前說

金剛頂瑜伽降三世成就極深密門一卷

第四卷 第三

吽迦囉金剛 作如是相好

金剛瑜伽降三世成就極深密門一卷

而午歲高麗國大藏都監奉
勅開造

金剛頂瑜伽降三世成就極深密門一卷

第五卷

大乘理趣六波羅蜜多經序

御製

桓

大朴既散有為遂作名利牽乎代巧
智喜乎真愛惡攻其性情因緣堅其染
習內則百慮無歸外則六根竟誘天
理滅而莫知道源迷而忘返淪溺苦
海劫盡還初唯至人了万物之宗越
三界之表廓獨立而不改通諸有而
常然故能開導群疑濟拔流品六波
羅蜜經者衆法之津梁度門之圓極
也昔日月燈明如來為菩薩說歷劫
曠遠真偈寂寥文殊師利往於耆闍
會中嘗與弥勒菩薩語及斯事成一切
種智會無量義因唯佛能知唯佛能
說教必有主其在茲乎是以釋迦如
來為法而出候時而現三身不異故
處代而常離万行無修故隨方而自
在運慈悲之力開護攝之門因其六
塵示之六度導於法分令證法身結
習紛綸乘理而悟是真般若之言也
故有慈氏善問大音讚言天垂寶花
雲集仙蓋甘露流演光明燭幽使達

方淺深皆得自然之慧恒沙億衆能通般若之智嘗談論之先儒有言誠者自成而道自導也夫誠已於內則不勉而中不思而得誠物於外則不言而應不為而成其內者證法之身其外者大悲之力德產之致也密化育之功也大春風發吹萬類咸滋旭日昇晝群陰盡釋乾坤易簡之道是則大同神明幽贊之情執云區別殊塗一至其理固然

朕虔奉不圖保人蒸庶思唐皇極以昇大猷遐想靈蹤期於叶契而含城妙說久秘梵文徒懷瀉觥未啓遺夾微言不昧將或起予於是劉賓沙門般若受旨宣揚光宅寺沙門利言為之翻譯時大德則有資聖寺道液醴泉寺超悟慈恩寺應真莊嚴寺圓照光宅寺道岸西明寺圓照章敬寺習空西明寺良秀等並門領袖人中龍為證明正義輝潤玄文知釋迦之寶城識衆尊之滿字以貞元四年歲次戊辰十一月二十八日於西明寺譯成上進凡一部十卷龍神異衛如從金口之傳梵衆

大藏經卷之三

護持無異毫光之現

朕齋心稽顙仰求宗源開所未聞實為希有然以汲引之旨流布為先庶惠其養永濟浮俗聊因暇日三復斯經雖法海茫深而波流不讓舉其梗槩照悟將來大乘理趣六波羅蜜多經卷第一

對寶三藏經卷第一

初譯

歸依三寶品第一

如是我聞一時薄伽梵在三舍大城迦蘭多迦竹林精舍時與衆多菩薩摩訶薩住不退轉位階十地十波羅蜜多悉已圓滿復有衆多諸大梵王皆阿羅漢諸漏已盡無復煩惱逮得已利心善解脫慈善觀脫復有阿僧企耶諸有情等皆發阿耨多羅三藐三菩提心

今時慈氏菩薩摩訶薩於此會中而作是念此會衆中諸有情類貧窮孤獨無所依怙流轉生死沉溺愛河欲達彼岸為聞法故願見世尊求一切智無有力能令時慈氏菩薩為欲諮問其深義趣一切有情云何發菩提心求佛決定三無數劫無有疲倦今

佛世尊慈趣難解廣大甚深文句巧妙具足圓滿記別有情因果差別希求遠度無上菩提於是強勒菩薩摩訶薩發如是心即從座起整理衣服告謂六根身口意業皆悉寂靜然其六根百福所生妙相莊嚴八十種好三無數劫之所圓滿摩訶般若波羅蜜多等百千万日光明相莊嚴其身一切有情瞻仰無厭近無等等佛果菩提以如是身往詣佛所五體投地禮佛雙足又以無量功德莊嚴之手如新生蓮華合掌恭敬而白佛言如來世尊於一念中能知一切有情過去未來現在之心或有有情因諮問時獲清淨心或有有情受記之時獲須陀洹果乃至阿羅漢果辟支佛果或得阿耨多羅三藐三菩提記為此義故仰諮如來唯願世尊分別解說世尊今為三世有情所依之主或有有情行大乘行其心柔和唯願世尊慈悲愍念獲甘露法不獨受用而同其味云何令諸有情趣大涅槃安隱正路此等有情當作何事於一切智得不

大藏經卷之三

退轉云何圓滿檀波羅蜜乃至般若
波羅蜜多又此般若波羅蜜多與前
五種波羅蜜多而為其母云何修習
而能圓滿又此大願云何顯發又諸
有情云何修習涅槃彼岸唯願世尊
分別解說為欲利益安樂一切有情
令得歡喜

余時薄伽梵讚慈氏菩薩摩訶薩言
善哉善哉善男子汝今乃能利益安
樂一切有情問是深義勸諸有情修
善業故常為有情勤修習故汝今心
廣為有情頓絕羈鎖勤求法故汝今
以此大慈悲心於三商僧企圖圓滿
六種波羅蜜多大海法故汝今已近
菩提道場涅槃岸故猶如明星沒已
旭日便照汝今亦當當作佛日汝今
諦聽善思念之我今為汝具足分別
甚深之義如有智人能善思惟觀察
生死險道之中真能過於無所依怙
譬如大海舟舩而無商主其中有情
多所漂溺涌浪洄復破壞沉沒種種
諸難常有憂患求於吉祥無上船師
以為依怙又諸有情於生死中常多

大乘理趣六波羅蜜多經

恐懼所以求於力勢之人而為恃怙
不被怨賊之所侵害縱彼怨賊有大
狂力為此之人依附王者而彼怨賊
少無更能作損害者又彼怨賊既見
力勢永捨怨心順從正化一切有情
亦復如是各作是念誰能與我作歸
依要除其憂患今得安樂於此三界
五道之中天龍藥叉阿蘇羅迦魯
健達婆緊捺羅夜叉洛迦人非人等
諸衆之中而求覓之無有能為作歸
依者所以者何彼諸天等自未能免
生死羈鎖煩惱繫縛流轉三界無量
無邊衆苦吞歎諸怖畏事以貪欲網
之所纏縛況能為我作歸依要又諸
天等常被甲冑關戰之具心懷怖畏彼
阿蘇羅而況於人及餘諸趣以是觀
察三界六道無有堪能拔濟我者以
是應當歸依佛法僧除佛法僧更無
有能救護我者一切有情若欲求於
阿耨多羅三藐三菩提涅槃樂者應
當歸依佛法僧寶以是因緣今諸有
情歸佛法僧余時慈氏菩薩摩訶薩
白佛言世尊云何名為佛法僧寶云

大乘理趣六波羅蜜多經

何歸依佛告慈氏言佛寶者則有二
種一者佛身二者佛德言佛身者所
謂如來應正遍知明行足善逝世間
解無上士調御丈夫天人師佛世尊
已於過去無量無邊阿僧祇劫不惜
身命勤修六度萬行圓滿菩提樹下
坐金剛座降伏魔軍新諸結賊獲一
切智成等正覺具足如是諸妙功德
號之為佛言佛德者即佛身中具足
十力四無所畏十八不共法大慈大悲
大喜大捨三解脱門三示導六神通
隨心三摩地四智二智離於知境斷
煩惱障及所知障離諸習氣無功用道
起如化若遠若近遊止自在無有
障礙於一芥子能納無量諸妙高山如
是功德無量無邊諸佛如來悉皆具
足又從一切至無量劫壽命自在無
能損減於神境通往來變現無有障
礙隨意自在諸佛世尊之所經行城
邑聚落先放微妙金色光明照耀其
處其中衆生遇斯光者身病心病皆
得除愈心火滅已身得清涼健者能
申跛者能行盲者得視聾者能聽瘡

大乘理趣六波羅蜜多經

者能言其心亂者便復本心鬼魅癩狂魘魘所持悉皆除愈裸者得衣僞慢心者而得謙下憂惱者心安隱失道者得正路飢渴者得飲食因繫者得解脫恐怖者得無畏丘陵坑坎山澗堆阜皆悉平正猶如拔掌門第卑小自然高大獨路隘狹並皆寬廣市肆塵里自然開豁穢惡不淨應時香潔荆棘毒刺凡礫沙石悉皆不現日光晃曜而無炎毒香風和暢無諸塵坌白鶴孔雀鸚鵡舍利迦陵頻伽拘拏羅拘那羅命命等鳥其聲美妙出和雅音鳥馬牛羊牛牛犛牛犛牛什牛各出本音其聲微妙篋篋蕭笛琴瑟鼓吹如是樂器不鼓自鳴及餘種種巧妙希奇諸神通事悉皆變現如是種種諸希有事日日各異轉加殊勝皆是如來威神之力若有衆生疑佛世尊及佛功德有一異者當作是說佛與功德不一不異譬如燃燈膏炷與明不一不異離於膏炷無別燈明若言燈明離膏炷者明所及處悉應焚蕪佛身功德亦復如是此微妙

身是佛功德無漏法身自他受用干等所依然此佛身亦非是體離是體外無別法身若是體者同於外物有四相故知非相亦非無相若非相者同大虛空同太虛者性即是常無方便過自性清淨無染無著甚深無量無有變易難解難知微妙寂靜且無邊際真常功德絕諸戲論唯佛證知非餘所及亦非譬喻之所校量慈氏當知如此身者即是過去未來現在現報身者謂諸如來三無數劫修集無量福慧資糧所起無邊真實功德常住不變諸根相好智慧光明周遍法界皆從出世無漏善根之所生故不可思議起過世智純熟有情為現茲相演無盡法廣利無邊慈氏當知此即如來報身圓滿言化身者為彼有情隨所應化故現無量阿僧企耶諸化佛身其所以化身或於地獄以現其身度彼有情令離苦導以正法今發勝心便生人天受勝快樂於佛法中深生信樂得佛法分獲聖道果或

生鬼趣化彼有情令離飢渴種種逼迫化以正法使發勝心便生人天受諸快樂深入佛法得聖道果或化傍生在於彼趣或作迦魯囉身或作龍身或作師子為馬熊羆虎豹豺狼野干狐兔蛇蟻螻蛄魚鼈龜鼉白鶴孔雀鳳凰鴛鴦鸚鵡舍利種種之身令諸有情離相殘害惡心相向能離種種怖畏事示以正法今深信樂歸佛法僧得生人天獲諸快樂得佛法分證聖道果或化有情於餘國土或日月光所不能照如是種種無佛法處建立正法今諸有情歸佛法僧剝除顛毀受佛禁戒而作莖薑及茹薑且或作鵝波索迦鵝波斯迦建立僧坊護持正法安立無量無數有情置於人天涅槃彼岸而得果證或生天趣化彼有情令離五欲心無染著導以正法發菩提心歸佛法僧深入正法置於涅槃解脫果證或生人趣現蒙王宮生釋種家以巧方便化諸有情斷除三界煩惱憂患生老病死故現更生踰城出家菩提樹下取吉祥草

坐於道場。金剛座降伏魔軍。成等正覺。為化有情。轉正法輪。放大光明。周遍一切。照曜世間。自利利他。悉皆圓滿。或現寂靜。入大涅槃。是即名為佛化身也。如是種種善巧方便。無量無邊。皆是如來自在神力。此即三身體無異相。

今時薄伽梵告慈氏菩薩摩訶薩言。善男子。於意云何。若有善男子。善女人。歸依佛者。當歸依諸佛清淨法身。若欲求於佛法身者。當作如是發大誓願。願我及彼一切有情。當得如是功德。法身云何。乃令發如是願。為佛應身。剎那遷變化身。佛者疾入涅槃。功德法身。湛然常住。以是歸依清淨法身。歸法身者。即是歸依過去未來現在諸佛。若我捨於眾生。取涅槃者。即同受於地獄諸苦。若與有情同解脫者。雖處地獄。無異涅槃。以是因緣。令諸眾生歸佛法身。證涅槃樂。究竟如如。體無增減。如是法身是真安樂。是故但令歸佛法身。復次慈氏云。何名為清淨法寶。言法寶者。亦有三種。云何

大乘理趣六波羅蜜多經

為三。第一法寶。所謂涅槃。甘露解脫。常樂我淨。而為體性。能盡一切生老病死憂悲苦惱。云何生苦。謂依父母。胎合之時。不淨種子。受母胎中業力。風持時。經九月。住居黑闇。無有光明。生熟藏間。汗穢不淨。八万户虫之所和雜。出息入息。隨母而行。口不能言。眼不得視。飢渴寒熱。種種諸苦。逼切身心。如是諸苦。無量無邊。今諸眾生。不得自在。故名生苦。雖受此苦。而有一德。一切怨家。所不能見。亦不能說。是非過惡。無比涅槃安樂法中。無如是苦。云何老苦。所謂眾生。從少至老。特節代謝。所有充實。悉皆損減。筋力衰朽。行止戰掉。發白面皺。眼耳昏暗。牙齒疎缺。顏貌醜陋。身相偃僂。人所惡賤。所有言教。隨說廢忘。而以此身為其重擔。譬如燃燈膏油。既盡。不久將滅。老亦如是。壯膏既盡。不久將死。又如蠶莫遮帽。覆人面首。今諸有情。見即戲弄。老蠶莫遮。亦復如是。從一城邑至一城邑。一切眾生。被衰老帽。見皆戲弄。以是因緣。老為大苦。除非

大乘理趣六波羅蜜多經

死至無藥能治。雖受老苦。而不厭之。死至無藥能治。雖受老苦。而不厭之。祈禱神祇。恒願長壽。無比涅槃安樂法中。無此老苦。云何病苦。所謂地水火風。互相違害。種種諸苦。來集其身。一切眾生。無問老少。皆共有之。安樂適身。勝妙五欲。金銀珠寶。家族眷屬。悉皆捨離。所有教詔男女親戚。皆不承順。一切怨家。詐來親附。如此病苦。皆不願求。以是當知。病為大苦。安樂涅槃。無比法中。清淨寂然。無斯病苦。復次慈氏云。何死苦。所謂眾生。氣絕識滅。無所覺知。一切苦中。莫過死苦。生老病苦。五趣之中。有無不定。此死苦者。皆共有之。譬如貧苦。能却榮華。如怨憎苦。能却親愛。死苦若至。不揀老少。愚智貴賤。一切盡却。捨此身已。入幽闇。覆衣服。卧具。一切財寶。莫能用之。裸露而行。復無伴侶。貨財不免被訶。無地咄哉。無常能作斯害。甚大。惡不揀怨親。三界眾生。無能免離。皆被死伐。何能救之。設轉輪王。那羅延力。皆被擒獲。當知死苦。無量無邊。以是觀之。死為大苦。解脫涅槃。無比法

大乘理趣六波羅蜜多經

中寂靜安樂無苦死苦難如有人得
河漂溺登陸高山得免怖畏衆生亦
亦常為一切生死瀑河之汗漂溺登
涅槃山離生死畏亦如天雨能除
熱塵穢等障人民安樂身意清涼百
卉滋茂成就果實如來法雨亦復如
是能除一切煩惱毒熱衆生安樂解
脫清涼滋長一切白淨善種成就果
實令得涅槃以是因緣諸佛世尊捨
無常身證涅槃樂今時世尊欲重宣
此義而說偈言

如來妙體即法身 清淨解脫同真諦
如日與光不相離 如來功德即涅槃
真我與佛無差別 一切有情所歸趣
生死涅槃等無二 其性不壞無造作
垢淨如如性不異 唯佛世尊獨能了
衆生悉有如來藏 三寶於是現世間
一切有情入佛智 以性清淨無別故
佛與衆生性不異 凡夫見異聖無差
一切衆生本清淨 三世如來同演說
其性垢淨本無二 衆生與佛無差別
空遍十方無分別 心性平等亦復然
譬如一切衆生界 遍在虛空受生滅

大佛經卷第一 第七十五經

諸根生滅亦如是 處在年為界亦然
譬如虛空火不燒 生死不壞無為性
地水風輪轉相依 虛空無有可依相
蘊處界三亦復然 恒住業種煩惱性
彼業煩惱住何處 常居妄想無明源
妄想之心何所居 恒在無為淨心性
蘊處界三假施設 一切法性本無住
業惑相持如地水 妄想動猶如風
心性本淨如虛空 妄想依空無所有
煩惱業苦從妄起 業苦還為煩惱因
惑業循環無定居 無因無緣無所會
無生無滅性空寂 本體光明智清淨
自性無生無變異 煩惱無明垢所覆
亦如瞽眼見二月 衆生二執亦復然
煩惱猶如衆蜜蜂 其蜜即前如來藏
此蜜衆蜂共圍遶 智者護身能取蜜
無相六度為方便 而能證彼法界身
譬如五穀穰未除 不堪與人充美饌
菩薩煩惱糠未遣 不能施人甘露飯
行人遺寶落穢處 設經萬歲無拾者
天眼見寶知所在 收取洗拭隨意用
佛見衆生性無二 為欲消除煩惱穢
大乘甘露而為水 將盡塵勞佛性現

大佛經卷第一 第七十五經

譬如新生五穀芽 說米有無未定
佛性不離有無中 唯佛自證方明了
法寶自性恒清淨 諸佛世尊如是說
客塵煩惱之所覆 如雲能翳日光明
無法寶實衆德倫 常樂我淨悉圓滿
法性清淨云何求 無分別智而能證
譬如池水淨無垢 其中蓮花妙無染
如月蝕已重光明 亦如皎日出雲翳
無垢功德遍莊嚴 將除煩惱光明現
佛告慈氏當知第一法寶即是摩訶
般若解脫法身
復次慈氏應知第二法寶者謂即或
定智慧諸妙功德所謂三十七菩提
分法謂四念住四正斷四神足五根
五力七覺分八聖道此三十七法與
前清淨法寶而為方便云何方便以
修此法而能證彼清淨法身當知此
即第二法寶
復次慈氏云何名為第三法寶所謂過
去無量阿僧祇沙諸佛世尊所說正法
我今亦當作如是說所謂八萬四千
諸妙法蘊調伏純熟有緣衆生而今
阿難陀等諸大弟子一聞於耳皆悉

大佛經卷第一 第七十五經

憶持攝為五分一素咀纒二毗奈耶
三阿毗達磨四般若波羅蜜多五陀
羅尼門此五種藏教化有情隨所應度
而為說之若彼有情樂處山林常居
閑寂修靜慮者而為彼說素咀纒藏若
彼有情樂習威儀護持正法一味和
合今得久住而為彼說毗奈耶藏若
彼有情樂說正法分別性相循環研
覈究竟甚深而為彼說阿毗達磨藏
若彼有情樂習大乘真實智慧離於
我法執著分別而為彼說般若波羅
蜜多藏若彼有情不能受持契經詞
伏對法般若或復有情造諸惡業四
重八重五無間罪謗方等經一闡提
等種種重罪使得消滅速疾解脫頓
悟涅槃而為彼說諸陀羅尼藏此五
法藏譬如乳酪生酥熟酥及妙醍醐
契經如乳調伏如酪對法教者如彼
生酥大乘般若猶如熟酥趣持門者
譬如醍醐醍醐之味乳酪酥中微妙
第一能除諸病今諸有情身心安樂
趣持門者契經等中最為第一能除
重罪今諸眾生解脫生死速證涅槃

大智度論卷第三 第七經

安樂法身

復次慈氏我滅度後今阿難陀受持
阿說素咀纒藏其部波難受持阿說
毗奈耶藏其部多行那受持阿說陀
羅尼藏其部殊利其部受持阿說大
乘般若波羅蜜多其金剛手菩薩受
持阿說甚深微妙諸想持門如是致
門能除有情生死煩惱長夜黑暗速能
出離證解脫果譬如明燈能除暗冥
使得見道佛亦如是然智慧炬能照
有情十不善闇使見善道設彼有情
慳慳財寶聞此法已便能惠施一切
貧窮若有惡業眾生聞此法已捨惡
修善若瞋恚者便能忍辱懈惰有情
聞已精進散亂眾生聞已寂靜愚癡
有情聞是法已便發智慧得智慧已
悉能迴心修種種善又諸有情聞此
法已開趣趣門開涅槃路猶如甘露
證解脫果當知此即第三法寶是三
法寶一切眾生應當歸依無為法寶
一切法中最尊最勝莫過無為何以
故以於生死大苦海中能為救拔能
作有情甘露良藥又是現加沙等諸

大智度論卷第三 第八經

佛菩薩三無數劫六度万行所證之
果如是妙法功德圓滿以是歸依無
為法寶若有眾生受持經者當發是
願願我歸依如是法寶歸是法已願今
五道一切眾生亦發是願我今歸依
亦今有情安住於此功德法中引至
涅槃真實寶所慈氏當知此即名為
第三法寶

復次慈氏云何名為真實僧寶言僧
寶者亦有三種一者第一義僧所謂
諸佛聖僧如法而住不可觀見不可
捉持不可破壞無能燒害不可思議
一切眾生良祐福田雖為福田無所
受取諸功德法常不變易如是名為
第一義僧

第二聖僧者謂須陀洹向須陀洹果
斯陀含向斯陀含果阿那含向阿那
含果阿羅漢向阿羅漢果辟支佛向
辟支佛果八大人覺三賢十聖如是
名為第二僧寶

第三福田僧者所謂慈藹慈藹尼等受
持禁戒多聞智慧猶天意樹能蔭眾生
又如曠野積中渴乏須水過天甘雨

大智度論卷第三 第九經

需然洪靈應時充足又如大海一切衆寶皆出其中福由僧寶亦復如是能與有情安隱快樂又此僧寶清淨無染能滅衆生貪嗔癡暗如十五日夜滿月光明一切有情無不瞻仰亦如摩尼寶珠能滿有情一切善願如是名為第三僧寶是三僧寶一切有情云何歸依應作是說當今歸依第一義諦無為僧寶所以者何以是無為常住僧故而此僧寶無漏無為不變不異自證之法歸依如是無漏僧寶能滅有情一切苦故復願有情當獲如是無漏功德得此法已演三乘法度脫有情我所歸依佛法僧寶不為怖畏三惡道苦亦不願樂生於人天擔救有情出生死苦是則名為歸依僧寶

復次慈氏若有衆生歸依三寶應發是心我今此身已生人趣得離八難難得能得以善方便當習一切勝妙之法若我違於如是上願不求善法則為自欺亦如有人乘舩入海至於寶所空手而歸如是歸依佛法僧寶

大智度論卷第一 第二十四

脫苦方便若不歸依佛法僧寶及知是已當須勤勵精進修習速願成就善法既成過去罪惡應當懺悔使令除滅復作是說我從無始生死已來身口意業所作衆罪無量無邊皆從虛妄顛倒心起而於父母和上師長佛法僧寶尊重之境所作諸罪今皆懺悔復為二事這作諸罪極重惡業如妙高山云何為二一者親愛二者怨嫌若於生死急難之中而彼二類怨親有情而於我身不能利益應作如是遍觀察之彼與我身悉歸磨滅而我云何乃作斯罪又於十方世界一切有情造諸善業及學無學獨覺聲聞佛及弟子一切賢聖我皆隨喜復次於無始際生死輪轉受五趣身無量怨親於我未曾獲得毫釐利益之事現在未來亦不可得我於無始為彼怨親所作諸罪我願自受捨不擾他一切衆生若我重患之時求親愛人慈心瞻省扶持我身摩拔沐浴供給飲食病瘦醫藥種種相資助則如斯而於我身痛苦之中無相代者

大智度論卷第一 第二十四

沉於未來而能救我生死大苦而我此身於現世中無依無怙何況未來我身既然有情亦不自我及他皆無恃怙是故歸依真實三寶何以故以常住故譬如有智之人於險難中求有力者以為救護衆生亦念生死險難歸依三寶以為其主方能越渡生死大河我若得已亦為其主覆護一切苦難衆生能發如是大誓願者得大信心而於佛前長跪合掌偏露右肩作是歸依佛法僧寶辭如世間貧賤之人一切有情見皆輕蔑榮俊恥使種種可罵凌辱其身既被輕賤遂求尊貴有力之人以為其主便能免離種種欺辱有情亦念或生惡趣及在人中恒被諸苦逼迫其身為求免離歸依三寶如是諸苦悉得解脫歸依三寶已復發是願願我救護一切衆生度生死海到涅槃岸如大商主導諸商人度大曠野沙磧險路至無畏處三寶導師亦復如是導引有情度空曠憂生死長夜至大涅槃得無所畏慈氏當知發心修行大乘行者應

大智度論卷第一 第二十四

作如是歸依三寶

大乘理趣六波羅蜜多經卷第一

丙午歲高麗國大藏部監奉

勅雕造

大藏經總目錄
卷第一

大乘理趣六波羅蜜多經卷第二

恒

施羅尼讚持國界品第二

前寶陀三藏般若奉詔譯

余時世尊欲說甚深法趣受定了義
菩薩摩訶薩六波羅蜜多時即於東
方有大光明金色晃耀照三舍大城
迦蘭多竹林精舍乃至三千大千世
界皆作金色而此世界所有諸天諸
世四王釋提桓因乃至他化自在天
王大梵天王及日月星辰末尼燈燭
所有光明皆不能及除佛世尊及彼
眷屬受職菩薩二種光已餘一切光
皆悉映蔽無復顯現又此三千大千
世界日月威光所不照處如是日月
有大威德有大光明不能照彼幽暗
衆生由佛光明令彼有情各得相見
此諸世界所有宮殿屋舍牆壁山林
草木種種諸物亦不能障如是光明
所有諸山香山寶山黑山雪山及妙
高山鐵圍山大鐵圍山目真隣陀山
摩訶目真隣陀山如是等山遇斯光
已影透内外無所障障下至阿鼻地

獄上至非想非非想天悉亦蒙光靡
不照耀如是三千大千世界所有諸
光合成一光而無二相其中衆生遇
斯光者罪垢煩惱皆得銷除身心安
樂各作是念我等蒙光得是安樂今
時會中忽然而有六十俱那七寶蓮
華猶如車輪從地涌出香氣芬馥其
色美妙種種雜色令人樂見其一一
華復有無量無邊百千萬葉其衆會
上虛空之中自然而有微妙寶蓋珠
網交絡徧覆大衆如迦遮隣底迦柔
更妙服網之悅意其蓮華中所出香
氣周徧三千大千世界諸世界中
有天香龍神等香及餘草木種種香
此香及處無復香氣又此三千大千
世界種種有情衆香所熏喜不自勝
皆悉發心煩惱罪垢一切消滅今時
阿難隨見是光非希有之相奇特殊
妙得未曾有即從座起整理衣服徧
袒右肩長跪合掌而白佛言世尊以
何因緣現此光明奇特之相此之光
明及寶花香香未聞見從何所來而
現斯瑞相願世尊分別解說今此衆

大乘理趣六波羅蜜多經卷第二

恒

會咸悉聞知今時世尊告阿難陀汝今當知從此東方有世界名曰不駒彼有菩薩摩訶薩名無盡藏與六十俱服大菩薩眾恭敬圍遶發意欲來故現斯瑞今時世尊說是語時而此大地六種震動彼無盡藏菩薩放大光明現大神變威德自在雨妙香花無量諸天以種種音樂迎彼菩薩而為供養彼無盡藏菩薩與六十俱服菩薩摩訶薩眾而來至此迦蘭多迦妙林精舍住虛空中高七多羅樹皆悉恭敬合掌向佛異口同音聲遍三千大千世界讚歎如來無量功德以微妙音而說頌曰

大我大悟無染著 無尋妙智清淨眼
斷除三毒無明習 我孔無等大悲尊
遠離怖畏諸疑網 十力辯才無所畏
異道邪徒皆戰慄 自在猶如師子王
如來慧日大光明 普照十方無罣碍
無明闇障已盡 如日舒光照世間
無恃無依若尼者 生老病死久漂流
真實悲感大慈尊 能拔輪迴苦海難
無明顛倒生死源 種種妄想為波瀾

二障已除智自在 遊行不染如蓮花
諸法无我本空寂 捨如谷響性皆空
無造無受如幻化 故世大悲恒演說
佛了諸法如得雲 心如瀑水速流注
世法不堅愚所集 聖智能觀永斷降
佛眼猶若青蓮花 起過日月百千倍
三世人共無讚嘆 我孔調御難思議
佛具如是無邊德 廣度群品若恒沙
無漏功德妙莊嚴 是故我今頭面礼
今時無盡藏菩薩與六十俱服菩薩摩訶薩眾以是微妙伽他讚如來已從空而下頭面礼足右遶七匝承佛聖旨各就蓮花跏趺而坐

今時阿難陀以佛神力從座而起偏袒右肩長跪合掌而白佛言此无盡藏菩薩從何所來彼世界中佛号何等去此幾何唯願世尊分別解說
今時世尊告阿難陀汝自問之彼無盡藏菩薩當為汝說時阿難陀即問無盡藏菩薩摩訶薩言汝姓子從何所來彼世界中佛号何等去此遠近唯願分別時無盡藏菩薩言汝今猶有去來之相而未除耶阿難陀言我

已久知此義無盡藏菩薩言汝若已知云何更問乃生二種分別之心若言來者是緣起義若言去者是緣滅義何處無此生滅相耶然我國土無有去來生滅之相若無去來即是聖智所行之處若有去來即是世間生滅之相若有言聲文字亦是世間生滅起盡之相然我國土本無文字亦无言說起盡之相若無起盡即是自覺聖智所行之境離文字相是則解脫今時阿難陀自無盡藏菩薩言聖者我不敢問辯才大士如是深妙之義唯問聖者所居世界去此遠近及佛名字所未聞事譬如開塞收稅之人但有往來不揀財寶多少有無皆合問之今我聲聞亦復如是從他聞說正法之聲勝解修行自求涅槃是名聲聞今見聖者法應問之我若聞已樂欲修習得安樂故為欲增廣大乘法故又一切聲聞獨覺悉從大乘出故所以我問聖者從何所來去此遠近佛号何等時無盡藏菩薩答阿難陀言如來應正等覺現在不遠何不

問之佛嘗為示記別此事於此衆會
悉得無疑時阿難陀從座而起望理
衣服偏露右肩長跪合掌而白佛言
唯願大聖世尊為我說之唯願善逝
為我說之此會無量無邊有情因聞
此法皆欲被精進甲修菩薩行

今時薄伽梵告阿難陀曰汝今諦聽
善思念之吾當為汝分別解說彼佛
世界非近之事及佛名号功德莊嚴
彼佛如來應正等覺元尊無著一切
智智汝等大衆皆應信受勿生驚疑
時阿難陀白佛言大聖世尊我於今
者願樂欲聞

今時薄伽梵告阿難陀去此東方過
十殑伽沙微塵等世界有世界名曰
不取彼世界中薄伽梵名曰普賢
如來應正等覺明行圓滿喜遊世間
解無上士調御丈夫天人師佛世尊
今現在彼說大乘法無盡藏菩薩從彼
世界而來至此彼佛世尊准以諸大
菩薩而為其衆無有聲聞辟支佛名
何況有實而彼菩薩久積淨業布施
調伏善修六根常行忍辱無所障礙

大乘理趣六波羅蜜多經 卷之六

堅固菩提勤行精進成就善巧隨處
解脫及三摩地三摩鉢底遊戲神通
大智光明自在無礙文字巧妙慈悲
喜捨猶若虛空悉能摧伏異道邪論
降魔勞怨勇猛不退成就佛智微妙
甚深如來十力四無所畏辯才不斷
智慧無礙深入緣起能離有無行於
中道離我我所有情壽命養育士夫
補特伽羅意生儒童作者受者知者
見者斷見常見遠離一切妄執諸見
得陀羅尼素咀纒王以如來印之所印
也普觀衆生堅固不捨等如一子無
有二心演甘露法猶師子吼上中下
類一切有情聞斯法已無不獲益速
疾安住涅槃正路三明六通具八解
脫紹三寶種無有斷絕唯頂受職當
作法王能了有情度未度者諸菩提
樹坐於道場處師子座自在無畏降
伏魔怨能現佛身相好具足能轉無
上清淨法輪純以大菩薩僧而為眷
屬圍遶說法利益有情今時會中一
切衆生聞佛說彼諸大菩薩功德法
已歡喜踊躍不能自勝即以無量天
盟鉢羅華鉢特摩華拘牟頭華奈茶

大乘理趣六波羅蜜多經 卷之六

利迦華身茶羅華摩訶曼荼羅華及
餘種種雜華而散佛上及無盡藏菩薩
等六十俱胝菩薩大衆之上而為供
養歡喜自慶而作是言我等今日得
大善利得見如是大菩薩衆若餘國
土一切衆生聞我供養得親近者亦
獲善利聞彼菩薩功德法者皆發無
上正等覺心時此會中三十六億衆
生皆發阿耨多羅三藐三菩提心
今時薄伽梵復告具壽阿難陀言彼
不取世界無諸苦難及三惡趣亦不
聞名亦無五衆犯禁之名亦無煩惱
勞慮等聲亦無女人嫉妬慳慳懈怠
煩惱亂意愚癡亦無障蓋并諸習氣
亦無種種上中下等雜類之名亦無
三乘差別之号佛法僧寶平等一相亦
無魔及魔民異道邪見亦無飢渴寒熱
等事及我我所男女等相互相攝受
種種異名而彼世界廣博嚴淨以六
十萬億俱胝佛剎為一佛土亦無日
月唯以菩薩願力光明而為照耀地
平如掌純以帝青及吠瑠璃末尼珠
等種種雜寶間錯莊嚴又以衆寶蓮
花而散其上其花鮮明柔軟第一如

大乘理趣六波羅蜜多經 卷之六

天妙彌迦迦隣底迦衣八重寶樹交映蒼鬱周帀圍遶以為垣牆種種難花而為嚴飾亦無沙磧坑坎丘陵土石黑山荊棘毒刺唯有無量妙寶高山雖有天人無別異相不假雜食而用資身亦無便利穢汙不淨常以法喜釋悅為味國土嚴淨唯佛法王化諸菩薩無有文字亦無言說彼諸菩薩受化之時來詣佛所恭敬合掌目不暫瞬瞻仰如來念佛三昧自然成就故彼世界名為不助念佛三昧云何是耶所謂非色相生亦非受想行識生非前後邊際智慧生亦非現在見聞所生佛告阿難其念佛三摩地不可思議於諸法無所行而觀諸法如實相無說無示無相無名此即名為念佛三昧

余時昇殊室利菩薩摩訶薩即從座起偏袒右肩右膝著地合掌恭敬而白佛言大聖世尊若有善男子善女人受持此六波羅蜜多經深妙理趣得幾所福佛告昇殊室利菩薩摩訶薩若有善男子善女人於九十億劫伽沙俱那那度多百十佛所供養恭

敬尊重讚歎於意云何此善男子善女人所得功德寧為多不昇殊室利白佛言甚多世尊甚多善逝佛告昇殊室利菩薩摩訶薩我今為汝分別演說若有善男子善女人能於此六波羅蜜多經甚深理趣大乘佛法寶刀至一項一句受持讀誦書寫解說如說修行而此功德勝前功德所以者何此六波羅蜜多大乘理趣甚深法門乃是一切諸佛之母一切如來從此生故

余時昇殊室利菩薩摩訶薩白佛言大聖世尊我今為欲攝護國界及受持此經典者常為守護為欲消除一切障難說陀羅尼祕密文句第一根本身真言曰

南謨薩婆尾泥一唵二點三點移尼反誼轉二合羅

第二心真言曰

唵一拞

第三頭真言曰

唵一母拞拞

第四頭真言曰

唵一菴暗拞

第五甲胃真言曰

唵一饒司穆莎訶

第六器仗真言曰

唵一鑿合嚩呬拞

大聖世尊此陀羅尼文句是三世諸佛法身肢節過去未來現在諸佛之所宣說若有善男子善女人於閑靜處著新淨衣發大願重無分別心誦百千遍必得聞持永無忘失若有善男子善女人持是經者當知此人即是法師若有人輕毀違犯此法師者當知即是輕毀違犯過去未來現在諸佛

余時薄伽梵讚昇殊室利菩薩摩訶薩言善哉善哉汝今說是諸佛真言作大利益擁護慈愍一切眾生消除障難

余時普賢菩薩摩訶薩即從座起偏袒右肩右膝著地合掌恭敬而白佛言大聖世尊我亦為欲攝護國界及受持此經典者常作守護為欲消除障難說陀羅尼祕密文句

南謨羅純二合且一南謨悉默南二南謨阿利也南三南莫安去怒南四

恒地作也他五毫六止哩止哩尼七
悉哩悉哩尼八四哩四哩尼九四叱
四叱十醫臨步上施羅尼三摩十二

莎訶

世尊此施羅尼秘密文句乃是三卅
諸佛之所宣說若有善男子善女人
持是經者當知此人即是法師若有
人輕毀此法師者當知即是違犯過
去未來現在三卅諸佛

今時大聖觀自在菩薩摩訶薩即從
座起偏袒右肩右膝著地合掌恭敬
而白佛言大聖世尊我亦為欲擁護
彼善男子善女人持是經者常作守
護及所住國土為欲消除一切諸難
說施羅尼秘密文句

南護婆滿多受獸南一恒地作也他
二毫三哩哩黎四哩哩黎五誡囉哩
頭黎六隨陀作也加哩頭黎七尾止黎
八莎訶

世尊此施羅尼乃是三卅諸佛之所
宣說若有人能持是經者當知此人
即是法師若人輕毀此法師者當知
即是輕毀三卅諸佛今時曼荼羅諸
天菩薩皆悉集會其名曰

大乘理趣六波羅蜜經

第五卷

經

◎大乘理趣六波羅蜜多經

金剛薩埵 金剛王 金剛衆 金剛喜

金剛寶 金剛威 金剛幢 金剛安

金剛法 金剛利 金剛因 金剛語

金剛精進 金剛護 金剛藥 金剛奉

金剛嬉戲 金剛勢 金剛歌 金剛舞

金剛香 金剛華 金剛燈 金剛塗香

金剛鉤 金剛索 金剛鎖 金剛鈴

金剛阿尼耨耨等異口同音共說法身

種子施羅尼曰

唵幕欠阿引聲 吽恒闍 二合統哩 二

合惡

此等大士諸大菩薩恭敬合掌前白

佛言大聖世尊我等若見有人受持

此經乃至一項一句我等恭敬供養

尊重是人如毗盧遮那如來等無有

異

今時六波羅蜜多菩薩具足威儀而

於佛前各自說施羅尼秘密文句

第一布施波羅蜜多菩薩說真言曰

南護薄伽伐諦曳二合恒哩二合瑟

拏二合哩二摩訶梭曳迷三吽索

各反

第二淨戒波羅蜜多菩薩說真言曰

大乘理趣六波羅蜜經

第五卷

經

南護薄伽伐諦曳二合賀羅賀羅

施略上動起及過以我易黎梭羅

沒馱吽發叱

第三安忍波羅蜜多菩薩說真言曰

南護薄伽伐諦曳二合蘇羅梭威

及過以我三願尾黑吽你八聲你

次二合灑四索

第四精進波羅蜜多菩薩說真言曰

南護薄伽伐諦曳二合告思你耶

二未藍微毛賀耶三吽發叱吽

第五靜慮波羅蜜多菩薩說真言曰

南護薄伽伐諦曳二合四里四里

枳里枳里三頭里頭里四矩殺叱

矩殺叱二合六幕引哩七慕哩二

合辯平聲莎訶

第六智慧波羅蜜多菩薩說真言曰

南護薄伽伐諦曳二合揭諦揭諦二

波羅揭諦三波羅揭諦四冒地莎訶

時六波羅蜜多菩薩天等皆白佛言

大聖世尊我等亦為擁護持是經者

說此施羅尼秘密文句若有善男子善

女人受持此經乃至一項一句我等

供養恭敬尊重讚歎如佛無異

今時毗沙門天王亦為擁護國界受

大乘理趣六波羅蜜經

第五卷

經

第六六冊

三三七

持經者說自心真言

恒地也他一拘那三阿耨鞞

捺那三阿耨鞞拘那里三莎訶

余時毗樓勒又天王亦為擁護國界

及受持經者說真言曰

但地也他一阿訶憐二我憐三我

哩口岸那摩里五旃黎里六摩訶

耆七卜羯斯八僧紐矩黎九段璽合

濕黎莎訶

余時提頭頰毛天王亦為擁護國界

及受持經者說真言曰

恒地也他一聖黎二怒米黎三怒閉

姊呼聲怒臂黎五閉黎呼聲閉姊呼

七莎訶

余時毗樓勒又天王亦為擁護國界

及受持經者說真言曰

恒地也他一阿尼縛尼二害而主

三怒黎黎迷四怒却黎五慈哩怒哩

六頤哩七怒莎訶

時四天王白佛言大聖世尊我等亦

為擁護國土及善男子善女人受持

經者說此陀羅尼秘密文句若有輕

毀受持經者即為輕毀三世諸佛

余時執金剛菩薩亦為擁護受持經

大藏經卷之三

三三三

者說真言曰

南謨羅恒曩二合怕羅二合也耶一

南謨矢戰二合黎二合日羅二合搭

竿上摩曳呼聲摩訶藥領又二合拍

上那波戴上摩曳呼聲摩訶藥領又二合拍

合撥摩二合入轉二合履多六拍摩

二合獸耶七訖栗二合多八比摩

天俱耶目佉耶九摩摩局哩沙摩

昧孕羯羅耶十的之觀二合那十一

難上摩曳呼聲摩訶藥領又二合拍

二合拾入摩曳呼聲摩訶藥領又二合拍

薩多耶十三薩摩呼聲摩訶藥領又二合拍

耶夜迦尾特問二合婆那羯羅引聲

耶十五此上十五句起摩訶恒地也

他一呼嚕日羅二合矩黎二部主聲恒

喇毛合

余時鈴鐸耳微那夜迦等亦為擁護

受持經者說真言曰

恒地也他一庵二必致必致三摩

必致摩必致四摩尾者摩尾者五摩

入轉二合摩摩入轉二合羅六莎訶

余時闍摩羅王亦欲擁護受持經者

說真言曰

恒地也他一慈哩二尾慈哩尼三

大藏經卷之三

三三三

質哩四尾質哩尼五你呬你呬六

醯子七基上多撥底八莎訶

余時訶哩底愛子母亦為擁護受持

經者說真言曰

恒地也他一娜姊下娑娑娜姊二

恆姊恆姊三薩尾山微那夜迦南四

目佉薩摩南王鑠訖底二合悉搭摩

南六磨磨都七莎訶

余時摩利支天亦為擁護受持經者

說真言曰

恒皮黎二合磨寧一滿恒羅二合撥

娜寧三麼挽底手摩四恒地也他

一遏迦末斯二末迦末斯三頻恒那

去聲南末斯四撥吐迷洛又五盟撥

吐迷洛又六薩摩昧以飄入聲七薩

武撥薩倪上聲飄入易洛又九莎訶

余時迦魯擊王為欲擁護國王大臣

及受持經者說迦魯擊王理趣真言

曰

乞史二合訖一庵二莎訶

余時真實迦魯擊王為欲擁護國界

及受持經者說真言曰

南謨薩多埵二合訖魯擊耶二沒摩

羅摩訶沒摩羅三縛惹平聲縛惹平

大藏經卷之三

三三三

四薩縛上娜岸_三摩羅耶尾沙入索
六溫涅蘇上哩耶_二合你袍八慕上
踏去誡麼哩補九錄訖多_二合薩那
十率親綉寧_上薩茶栗多_{十二}尾搖
十三賀哩多引羅_{十四}簡底_頂仰反
魯實羅_{十六}僧此羅_二合銘_{十七}捺
里與捺羅_{十八}合你迦羅_{十九}捨耶_二
十薩麼裏_{二十}泥度底_{二十一}及商佉
二十七史_二合羅_{十一}聲_二沒哩_二合
娜羅_{二十}窟多_{二十}那縛去聲羅_{二十}
七三藐佉_八尾瓊_九十七史_二合
跋寧_{三十}
時迦魯羅王纔說是真言已一切惡龍
毒氣皆悉摧滅國土安寧
尔時大自在天王為欲擁護受持經
者說真言曰
恒地_你也他_一奄_二恒_三陀耶_三莎訖
口悉恒_陀耶五莎訖_六縛_陀耶七莎
訖_八勿_陀耶九莎訖_十捨_陀魯_二合
你_此鞞_二合恒_三曇耶_{十一}莎訖_{十二}
南_謨迦_陀十三尾_迦陀_{十四}鞞_陀平
聲引迦_去羅_{十五}播_陀羅_上耶_縛多
羅_十你_瑟陀_二簡_你瑟_陀簡_你瑜
意難_上莊_{十八}誡羅_{十九}你尾_二合

大乘理趣經卷第三

第八品

誡羅_{二十}尾_捨羅_二合尾_捨_{二十}
阿尾_捨_{二十二}嚩_捨羅_{二十三}勞_捨
黎_二合那_{二十}汗_囊汗_囊_{二十五}諾
賀_諾賀_{二十六}跋_者跋_者_{二十七}笨
他_笨他_{二十八}尾_特問_二合_笨也_{二十九}
尾_特問_二合_笨也_{三十}瑜_倪始_縛_二
合羅_{三十一}摩_臨始_縛_二合羅_{三十二}
南_謨悉_諦寧_親_{三十三}播_摩臨_{三十四}
四_訖羅_{三十五}天_慈_{三十六}南_謨始_戰_二
合_拏耶_{三十六}莎_訖_{三十七}撥_羅_二
合_戰拏_耶_{三十八}莎_訖_{三十九}跋_此
羅_二合引_耶_{四十}莎_訖_{四十一}跋_此
羅_二合_誦惹_耶_{四十二}莎_訖_{四十三}跋_羅
耶_此_{四十四}莎_訖_{四十五}跋_羅
七_永并_子五_誡_二合_去摩_耶_{五十五}莎
十九_水誡_佉羅_二合_去摩_耶_{五十五}莎
訖_{五十一}一_摩羅_耶_{五十六}莎_訖_{五十七}佉
薩_羅魯_播耶_{五十八}莎_訖_{五十九}祇_恒
上_聲羅_耶_{六十}莎_訖_{六十一}盟_特縛_去聲
羅_耶_{六十二}莎_訖_{六十三}盟_特縛_去聲
二_合繫_合耶_{六十四}莎_訖_{六十五}諾

無量壽經卷第三

第九品

實_那去_耶_{六十六}莎_訖_{六十七}撥_者
那_去耶_{六十八}莎_訖_{六十九}阿_目佉
去_耶_{七十}莎_訖_{七十一}阿_寧_上聲_禪
多_迦耶_{七十二}莎_訖_{七十三}烏_葛識_摩
摩_耶_{七十四}莎_訖_{七十五}烏_葛識_摩
魯_涅羅_一合_耶_{七十六}莎_訖_{七十七}
瑜_上聲_禪_{七十八}你_尾_二合_瑟底_七
十九_也失_者迦_失實_入_{十八}阿_羅捺_羅
二_合禪_底_{八十一}摩_底_底_{八十二}
播_那_{八十三}壤_誡_平_{八十四}迂_囉_八
十五_若拏_羅_{八十六}穀_七史_{十二}八
訖_票奈_監_{八十八}摩_呼_{八十九}塞_建
二_合那_{九十}叱_哩_二合_縛_{十一}聲_九賀
努_二合_那_{九十}叱_哩_二合_縛_{十一}聲_九賀
壽_二合_那_{九十}叱_哩_二合_縛_{十一}聲_九賀
羅_二合_那_{九十}叱_哩_二合_縛_{十一}聲_九賀
九_{十八}誡_賀祇_{九十九}莎_訖_{一百}安
毛_二合_{一百}
尔時毗沙門天王及諸天等各說如
是薩羅尼已俱自佛言大聖世尊我
等若見如是法師受持讀誦乃至一
頌一句常作擁護除一切災難苦
厄及諸毒氣可罵擄打種種疾患魘
魅魍魎不吉祥事皆悉銷滅佛告諸

大乘理趣經卷第三

第十品

大士及毗沙門天王汝等吾能守護如是持經法師此經名字尚不可聞何況盡能受持讀誦恭敬供養尊重讚歎以種種塗香末香燒香華鬘衣服及妙寶蓋繒繡幢幡香油酥燈以如是等百千萬種供養法師應先發願聞此經已如說修行我今以此持經法師付囑汝等應當擁護乃至親屬亦當守護今無衰患使得安樂

本義經起波羅蜜多經發菩提心第三

今時薄伽梵作師子吼顯明秘密慈持門已時慈以菩薩摩訶薩即從座起偏袒右肩右膝著地一心合掌而白佛言善哉善哉大聖世尊能以大悲讚說如是秘密甘露勝陀羅尼守護法師唯願世尊哀愍眾生宜說阿耨多羅三藐三菩提法今諸有情未發心者云何發心已發心者云何修行復何因緣於大乘心得不退轉

大義經起波羅蜜多經

第三卷 經

智心不退轉三者於諸有情起視大想於險難中擔當救護四者常於有情起負債想五者恒懷慙愧何時債畢能發如是五種心者速能證得阿耨多羅三藐三菩提

復次慈氏菩薩摩訶薩云何於大乘中一心修行得不退轉如往昔時有一商人聰慧明達常行仁孝恒見父母宗親貧苦常懷憂惱逼切身心以何方便而能給濟作是思惟無過入海採如意寶而供給之得離貧苦以是因緣發勇猛心不惜軀命從家而出種種方便求覓寶種及諸善伴船及船師於其中路遇一異人從海而還乃問此人如是念遠欲何所之商人具答如上因緣為救貧窮今欲入海求如意寶以相資給彼異人言我昔離家亦復如是為濟親族貧窮諸苦既發家已路經曠野度大砂磧絕無水草多有野為虎豹豺狼毒蛇師子或遇劫賊大山大河飢渴寒熱驚懼怖畏種種危難與彼船師方至大海又遇惡風大集惡龍雷電雨鼓後迴頃多有留難不可具說雖受如是種

大義經起波羅蜜多經

第三卷 經

種種苦尚不能獲如意寶珠但得資身粗自供足猶未能濟貧乏之親今勸仁者勿強艱苦徒自疲勞吾欲與仁別為經理所以者何然彼大海有種種難黑風黑山藥叉羅刹摩竭鯨龍眾難非一但曾聞有如意珠名往者子不獲無一二以是因緣勸於仁者宜速迴還今時尚主聞是語已信復增進發三勝心入海不退云何為三一者父母兄弟宗親貧苦若斯如何空歸不相救濟二者我之親屬昔時富有惠我衣食憐愍於我今者貧窮命不全濟如何放捨而欲迴還三者我在家時處理家務策役驅使大小僮僕種種可責如何貧苦不相顧恤今彼歡喜而欲迴還以是因緣念酬恩德發大勇猛決定前進要當入海求如意寶得已還家濟於親屬恣其所用永離艱窮菩薩摩訶薩亦復如是發菩提心觀於十方六趣四生皆是我之宿世父母憐愍我故造諸惡業墮於地獄餓鬼畜生受諸苦惱以是因緣而自思惟以何方便濟斯

大義經起波羅蜜多經

第三卷 經

苦難作是念已唯有入於六波羅蜜
多大海中求佛種智拯濟有情生
死之苦如是思已發大勇猛無畏屈
心精進勤求無有懈倦種種方便求
覓資糧菩提善伴法及法師行至中
路過一魔王領諸眷屬或現天身或
顯人身婆羅門身或作商主英薊莖
莖尼身或餘種種異類之身而彼魔
王問菩薩言汝今急忙欲詣何所菩
薩答言我為一切苦惱眾生今欲入
於六度大海求佛種智如意寶珠以
救一切貧乏眾生魔王復云我初發
心亦復如是為度一切苦惱眾生出
生死家度大流轉曠野砂磧倍受飢
渴盜賊恐怖眾難非一方至六度大
法海中或遇乞頭或逢乞眼耳鼻舌
身手足支節心肺腸胃肝膽脾腎國
城妻子奴婢僕使如是種種隨乞而
施不生慳慳勤求智寶經無量劫生
死流轉在於苦海雖受種種諸苦難
事猶不能獲無上菩提而但迴求阿
羅漢果出離三界野滅涅槃我今勸
汝勿強勞苦應自修持吾欲與汝

大乘理趣六波羅蜜經

第三十二

共階此果所以者何我念三塗常受
飢苦心思吞取仰面向空誰來入口
充我一飽種種苦難逼切身心人命
無常過於山水善知識者難遭難遇
若不信受後悔何追生死海中流轉
不定心如水月何有實耶惡知識者
易見易逢恒樂勸人行菩薩道捨財
捨命望獲菩提況諸佛出興時乃一
顯求者千萬得無一二以是勸仁不
須勞苦應求解脫自取涅槃又三無
數劫受諸勤苦方能獲得佛果菩提
此生三生證阿羅漢一種無學何用
苦為無智愚人心希佛果倍歷艱苦
經無量劫尚未聞證阿羅漢果何況
能得無上菩提譬如有人獲一小鳥
更見有一迦魯王即放手中已所
執鳥使前捕捉迦魯王王大者飛翔小
者復失愚求佛果亦復如是棄此求
餘二果俱失既知是已願早迴心於
此生中求證羅漢今時菩薩聞是語
已轉增勇猛發三種心云何為三一
者一切眾生從無始墜生死已來皆
我所親或為朋友親友苦惱未得免

大乘理趣六波羅蜜經

第三十三

難如何還還二者一切眾生從無始
已來給我衣食憐愍我深今受輪迴
苦難非一云何未報乃生退心三者
一切眾生從無始墜生死已來皆
我所親或為朋友親友苦惱未得免
以是因緣不應退屈更增勇猛求證
菩提若證菩提一切智寶用濟生死
苦難眾生是名菩薩摩訶薩於大乘
中一心修行得不退轉
復次慈氏當知即是菩薩摩訶薩修
大乘行發五種心此五心中一者於
諸有情起大悲心二者為諸有情求
一切智心無退轉此二心者於大乘
法精進修行三者一切有情皆我親
友四者一切有情於我有恩未有毫
毫用相酬報五者一切有情皆我眷
屬我曾於彼起不善種種可罵非
理責罰深心愧愧何時償畢此之三
心令諸菩薩勇猛不退乃至證得阿
耨多羅三藐三菩提

大乘理趣六波羅蜜經卷第三

乙已載高麗國大藏部監奉
勅雕造

大藏經總目錄

大垂理趣波羅蜜多經卷第三

桓

不退轉品第四

釋迦國三藏 般若泰

經

今時慈氏菩薩摩訶薩頭面著地禮佛
雙足而白佛言大聖世尊已說菩薩
五種發心修行大乘得不退轉然大悲
心云何發起云何修行唯願如來哀
愍有情廣為宣說利益安樂諸眾生
故

今時薄伽梵告慈氏菩薩摩訶薩言
善哉善哉善男子使問斯義汝今諦
聽善思念之吾當為汝分別解說新
汝疑網所言五種心者第一大悲心
當持此心堅固不捨念彼惡趣地獄
眾生復思其苦如契經說汝應知之
今於此經重為汝說觀諸有情皆是
宿世父母宗親所尊重境今在地獄
現受眾苦為十三火之所纏繞有二火
焰從足而入徹頂而出復有二焰從
頂而入通足而出復有二焰自背而
入從背而出復有二焰從左脇入穿右脇
背而出復有二焰從左脇入穿右脇

出復有二焰從右脇入穿左脇出復
有一焰從首而纏下至於足然此地
獄諸眾身其形受弱猶如熟酥為
彼眾火交絡焚炙其地獄火燒人間
火如燒盡花無復餘虛或有眾生為
火所燒東西馳走以求救護莫知所
為復有眾生逃形無地却來赴火復
有眾生忽被擲置真鐵深坑坑中有
蟲其齒銳利是銅鐵長十六指啄
取眾生皮骨髓腦復有眾生屢燒爛
中而被燒養或有眾生在鹹水中而
被漂溺是時獄卒以大鐵網從中
遮出猶若捕魚置彼眾生熟鐵地
上偃卧燒炙次以鐵鉗鉗取其舌復以
洋銅灌注其口閉絕而死良久乃蘇
即欲奔馳意求免難終無得脫復有
鐵狗尋即逐之鐵為鐵鬚隨飛而啄
骨肉分裂而眾食之遙見園林即欲
攀上望得免脫其林樹上皆生鐵刺
其一一刺長十六指其刺炎熱眾生
欲上刺鋒墜下從背而入徹背而出
受苦無量求脫無由焉驚飛來啄取
雙眼復奪其腦取髓食之從此欲下

刺鋒向上眼耳鼻舌身肉手足及十
指節悉皆分散隨掛樹上免脫無由
獄卒收取盛鐵囊中以熟鐵棒反覆
捶打復有眾生手足頭髻五處磔裂
以鋸解之復有眾生在鐵臼中以其
鐵杵從頭而擣復有眾生在於鐵湯鐵
叔翻轉煮之糜爛唯有骨在其命猶
存復有眾生處於地獄而以紫礦將
為屋舍縱火焚燬其焰洞然紫礦鎔
流滴如熟箭復有地獄四面鐵山眾
生處由二山相撈或時南北或復東
西二山合時其中眾生膿血流出復
有地獄而有鐵地纏眾身身從足至
首而銜其頭盡力縛束髓血集頂吸
而食之唯殘皮骨復有地獄諸眾生
等而被獄卒三股鐵叉而又其身從
兩足入至頂及肩三處通出其火隨
叔猛焰俱發眼耳鼻口火出亦然復
有地獄以諸眾身卧熱鐵地或偃仆
側次黑鐵繩隨身而拚復以斧斧而
斷斫之如工匠師治諸濕木復有眾
生被諸獄卒從足至頭刺取其皮剝
已作繩用充繩繫衝勒眾生上高山

頂其山熱鐵驅迫令登鞭撻萬般苦不可說此等衆生從無始來皆我父母內外宗親今者流轉在於地獄經無量劫常受苦惱如已舍宅惡業盡故暫生人天於此造罪還墮地獄苦薩摩訶薩觀此衆生受諸苦已起大悲心次觀鬼趣復起悲心見諸衆生處餓鬼中一日一夜如人一月以日計月十二為年於趣中壽五百歲同於人間萬五千歲常受飢渴耳初不聞漿水之名何況眼見然後餓鬼身如大山頭如穹廬咽細如針其身最下垂覆兩肩猶如利刃割切形體變為猛焰燒爛其身如火燎薪苦痛難忍其兩腋毛下覆腹次隱處毛下垂膝踝刀割火燒亦復如是經無量歲受如斯苦或遙見水奔赴求之及到其傍面仆而倒以惡業力其水變為膿血糞穢或作熱砂其水兩岸復有獄卒執持弓箭刀棒鐵斧槍鎗斫剗種種捶楚飢火所燒熱渴迷亂尋逐馳走猛火焚燒莫知所之獄卒隨逐搥打斫截手足支節悉皆損折復有

大經疏卷三

第四

經

餓鬼朝產五子隨產食之夜生五子隨生隨食由懷飢餓未曾暫飽或遇天雨仰口承之由業力故一滴入口流入腹中變成猛火直過而出或遇夏月熱風起時火諸餓鬼隨砂磧中下熱砂燒上為日炙飢渴熱逼望見樹林欲取蔭涼奔走至彼蔭避餓鬼隨至皆移何以故昔於人間或設施會見有乞人慳惜不與非理打罵而驅逐之以是業緣今受斯報復有餓鬼於夜月時淨無雲翳流光照燭毒熱燦身如盛夏時日炙無異復有餓鬼於盛冬時有大風起由業力故吹諸餓鬼猶若飛塵置冰山中受諸寒苦從是受苦經無量時於此命終還墮地獄如是往來經無量歲惡業盡已希得人身生貧賤家慳吝不施以乞自活轉增貪惜以貧窮故造十不善種種諸罪從此命終復墮地獄受種種苦其苦畢已生餓鬼中如是往反經無數劫受如斯苦此等衆生亦於過去無量無邊生死劫中恒為父母六親眷屬常為我故造不善業今在餓

大經疏卷三

第五

經

鬼受斯苦報善薩摩訶薩觀是苦已起大悲心復次慈心鬼趣既然次觀傍生亦復如是有諸麀鹿野干狐兔常豹豺狼種種諸獸及諸飛鳥野鷄鸚鵡鳬鴈鴛鴦如是等類若行若住棲止飛浮恒畏於人大力鳥獸若飲若食未曾暫安晝夜之中常懷怖懼復有傍生龜鼈黿龜魚蚌蝦蟇室獸摩羅水族之類恒被網捕生死水中復有傍生地虵蜥蜴蛇蜈蚣鼠狼此類傍生閻中而生閻中而死復有傍生蠶蠶等依人身生還依人死復有傍生或依死屍或依糞溼或依草木當覆而生還當覆死或變化生還變化死所謂蛆蟲螟蛉螻蛄蟬螻蝓之類復有傍生恒食膿血及諸不淨以為甘味所謂猪狗蠅蠅蠅之類遙聞臭氣以為香美飛走馳赴恐不得食復有傍生不食美草唯食棘刺不飲清流唯飲濁水復有傍生非依草生而恒食草所謂象馬牛驢駱駝驢等畜生之類或以鐵鉤鉤斷其腦今使調伏待已棄之或穿鼻中或以轡勒籠繫其

大經疏卷三

第六

經

首負重而行常被鞭撻種種苦罵逼
疾須行或有起贏起已復倒挫楚無限
力不能前皆由宿因今受斯苦或食
信施無復精勤償他宿債遠此艱苦
如是毆役種種鞭打尚未還足或取
殺之苦切萬端陳告無所生之水草
病無醫藥死已剝剝為人取食如是
死已墮於地獄何以故由心愚癡不
知善惡不念父母生育劬勞不識因
果不聞正法亦无布施持戒善根但
念水草餘无所知此等傍生人所畜
養除畜養外餘類傍生所謂師子虎
豹豺狼及上所說水陸傍生互相殘
害更相取食由是業故生地獄中經
無量劫受諸劇苦地獄罪畢復趣傍
生如是往來經無量劫此等傍生亦
於過去無量無邊生死劫來恒為父
母六親眷屬常為我故造不善業今
在傍生受斯苦報善薩摩訶薩觀此
苦已起大悲心傍生既感次觀人趣
有諸衆生雖生人道多受貧窮飢餓
長時裸形露體泥行雨宿霜積暑赴
日夜馳驅手足疲勞頭眩蓬亂羸步而

不達理趣經卷二

第七

經

前乞自巡門未嘗一飽至於日暮偃
卧飢眠取給於他無相濟者雖有言
行人不信從雖有妄言及遭輕賤恒
行惡辱饒益於人而被嫌呵云自快
懼或有文藝人不錄之省觀宗親精
難求食或歸信三寶謗謂邀名或讚
歎於人便云詭曲或生下賤恒不自
安繫屬於人進退唯命常冒寒熱不
知溫涼汲水採薪不辭勞倦郎主之
意都无惡心小有差違尋被鞭撻自
作自得非天與人薄福所招過於死
苦譬如枯樹枝葉皆无一切飛禽不
來棲託薄福之人亦復如是今時薄
伽梵重說頌言
無言攝濟爾有語謂風狂親近嫖諛
遠離云恐怖忍辱言怯弱歸信謂邀名
貧賤在人間實過於死苦
復次慈父當知貧窮極為大苦雖常
親近讚歎於人以無福故過患隨生
以貧窮故恒遭凌辱轉造惡業墮捺
落迦復有豪貴族姓之人多有僕使
為馬牛羊親戚眷屬前後圍遶受勝
妙樂猶若諸天王欲迷荒轉增貪恚

大藏經卷之三

第八

經

恒起我慢凌慢於人今時薄伽梵說
加他日
不攝五根多放逸
耽慕五欲如醉人
貪財害己若惡家
貴賤皆招生死苦
佛告慈氏菩薩摩訶薩一切衆生不
知現在及與未來自所造業如影隨
形諸苦所因貪欲為本更不修習善
法津梁燒滅宿因自法皆盡從此沒
已復墮三塗所以者何貪欲故恒斷
生命恃已勢力劫奪他財種種方便
侵他妻妾心欲邪行不擇親疎恒起希
求作諸妄語詭詐良善綺飾文詞詞
毀有情作惡惡語傳說彼此離間他
人眷屬諸親不令和睦恒懷貪嫉侮
慢自高瞋火所燒善業都盡讚諸外
道謗佛法僧祠祀天神以求福祐不
知宿世三寶深恩無量劫來為我勤
苦修習勝行善提資糧具一切智另
之為佛而於生死長夜闇中為作燈
明為歸為救為船為筏拯濟生靈置
於人天大涅槃岸衆生邪見我慢貢
高猶如醉人五欲纏縛不修善法從
此命墮墮於地獄傍生鬼趣或在人

不達理趣經卷三

第九

經

中下賤貧窮受諸苦惱如被毒箭中於身心善法不修受斯苦報善薩摩訶薩觀是苦已起大悲心次觀天趣觀彼諸天壽命長遠無諸苦惱將命終時五妻相現一者頭上花鬘悉皆萎頽二者天衣塵垢所著三者膝下自然汗出四者兩目數多眇動五者不樂本居此相現時新生天女皆悉遠離棄之如草舊待天女愛戀情深圍遶而觀如欲捨命更咽悲哭各各就前哀號問訊時天報曰彼新天女我亦憐愍无有二心太何今者事我如草汝等於今悲哀惜我以是因緣於舊生愛新者生瞋五相現前必知死至離天宮靈妙音聲天上色香悅意欲樂迷亂失念離此宮耶諸天會中不得久住我於今日命將盡取如是苦惱猶箭中心我等無依無怙無親無主无歸无救失聲悲歎諸天使樂而捨我耶又思善見宮城於今將絕帝釋寶座朝謁元由殊勝殿中永斷瞻望釋天寶爲何日同乘衆花苑中無復能見康惡苑内介冑長辭

大乘理趣六波羅蜜多經

第一卷

一

雜林苑中宴會无日喜林園苑遊止無期波利質多及劫波樹白玉寶石更無坐時善法堂中集議長壽曼陀枳巨殊勝池水沐浴無由四種甘露亦難得食五妙音樂頽絕聰聞出我大苦無常迅速令我此身獨嬰此苦剝那生滅而至死耶諸天壽命乃如幻夢脫衣棄地痛割身心如被地螫極大苦惱瞻仰餘天願垂慈憐濟我壽命更延少日不亦樂乎能為我身除五衰相勿令隨彼馬頭山鬘髮焦海中雖有是言諸天聞之無能救者此天見已作是思惟彼等諸天不能相救遂我壽命以是定知將死不久臨命終時其天自見當生之處墮於地獄傍生鬼趣見是相已更咽悲號悶絕躡地角眼相視尋即命終隨業而生墮三惡趣以是當知天中大苦流轉不絕无有盡期苦薩摩訶薩觀是苦已起大悲心慈氏當知譬如有人以角弓殞滴大海水弓所得水與大海水何者為多慈氏善薩摩訶薩白佛言此等其弓殞水極為微少如何

大乘理趣六波羅蜜多經

第二卷

二

以此比大海乎以是大海極為深廣云何方比弓殞水耶
今時薄伽梵告慈氏善薩摩訶薩言善男子從人天殺隨三惡趣如大海水復生人天如弓殞水隨三塗者受苦無量不可勝說不可思量如止略說三惡趣苦如燒伽河而得一沙其半說者如燒伽沙壽命亦介如人間壽經於百年善釋天中為一晝夜以此晝夜三十為月十二為年壽一千年如人間歲慈三俱經餘六十億以此壽量為彼黑繩大地獄中一日一夜以此日夜三十為月十二為年壽一千年而為壽量以此千年而於報合大地獄中為一日一夜以此日夜三十為月十二為年壽二十年以為壽量乃至阿鼻大地獄中壽一中劫以是當知地獄衆生壽命長遠諸天臨終以天眼觀皆悉能知極懷憂惱所有欲樂一時皆失以其苦樂各十六分一分苦生能滅天中十六分樂是為苦薩摩訶薩觀見諸天臨命終時受如是苦起大悲心慈氏當知此

大乘理趣六波羅蜜多經

第三卷

三

即菩薩摩訶薩第一大慈悲心復次應起大精進心拔濟有情置於涅槃安樂之慶如彼商主作是思惟父母宗親戚悉貧匱如何方便得免艱難如是思已更無異方准有入海採如意珠得已還歸色養給侍作是念已入海求之得如意珠置高幢上能雨一切種種珍寶衣服飲食香花妓樂父母宗親隨意所須悉令充足菩薩摩訶薩發菩提心求一切智亦復如是作是思惟一切眾生皆我宿世父母親屬流轉生死現受諸苦以何方便而得免難如是思已更無異方准有入於六波羅蜜法海之中求一切智如意寶珠以濟斯苦作是念已入法海中而求種種如意寶珠置法幢上布大慈雲普雨一切神通功德隨羅尼門惠賜衣服施為舍宅淨戒之香悉摩花璣精進之饒禪定為床智慧甘露以為其食諸法空寂而為其座以大涅槃而為寶城諸佛菩薩為善知識降靈如是妙寶衣服香花妓樂如意寶珠一切種智唯除無上調御大師無能拔

大智度論卷三

第二十二

經

濟諸苦難者永得安樂究竟涅槃菩薩摩訶薩思惟是已決定自知得下退轉復發是願願我所生有苦難受代諸眾生受諸苦惱不願自證解脫涅槃捨彼眾生自求安樂所以者何一切聲聞及辟支佛自求解脫已入涅槃無量無邊不可勝數不能利樂一切眾生不能攝揚佛身功德菩薩摩訶薩設在三途能令有情捨不善業修習善法免離眾苦而得解脫況於人中以是因緣菩薩摩訶薩利樂十方一切有情由此義故切利諸天大梵天王大自在天諸仙外道恭敬供養皆悉容受而此菩薩得不退心三世諸佛所共稱讚與授記別菩薩摩訶薩修大乘者自在無畏如師子王一切眾生隨逐而行永無怖畏直至菩提聲聞緣覺諸阿羅漢聞菩薩教深入巖窟以衣覆頭而趣涅槃豈同大乘修菩薩行自利利他無不蒙益以是因緣轉加精進寧於三塗受無量苦終不自利而取涅槃過現未來一切有情所造惡業應隨惡趣受諸

大智度論卷三

第二十二

經

苦者願集我身而代受之我於過去及現在世所修勝行一切善品諸功德法願皆迴施一切有情速證涅槃所有珍財我願悉捨打罵凌辱終不如報皆忍受之願彼眾生悉無罪累無量無邊阿僧祇劫難行苦行我願盡行而為眾生指求無上正等菩提精進修行禪定解脫得不退轉又如過去無量無邊菩薩摩訶薩精勤修習一切智智我亦當作如是修行所以者何為度一切流轉有情安置涅槃無上解脫復願一切眾生之類若卵生若胎生若濕生若化生若有色若無色若有想若無想若非有想非無想我皆令入大般涅槃一切眾生皆令圓滿六波羅蜜具足成就無上佛身百福莊嚴三十二相八十種好頂背圓光過百千日眾生樂見瞻仰無厭復願十方世界一切眾生功德莊嚴悉皆如佛復發是願願捨此身為於法界一切眾生打罵訶責或時繫縛苦切凌辱欲斷命根種種役使承順無違願彼眾生悉無罪累發是

大智度論卷三

第二十二

經

願已復更思惟願我速得成滿此願
復願此身住於五趣利益安樂一切有
情無依怙者為作依怙遊他國者為作
示導入海之者為作船筏涉澗者為作
橋梁履曠野者為作泉井寒凍
之者為作柴薪盛暑炎毒為作清涼
履黑闇者為作燈明疲乏之者為作更
敷具飢餓之者為作甘羹饑渴乏之者
化作甜漿為裸露者而作衣服亢旱
飢饉為雨五穀病苦之者為作良醫
令疾除愈壽命延長孤憐羸寡而為
侍者諸貧窮者為作伏藏隨彼行住
不相捨離若遠行者為作伴侶并作
車馬令遠所至若邪見者為說法
令住正見地獄苦者我摺入彼地獄
之中拔濟令出墮餓鬼者為作清涼
甘美飲食除熱飢渴墮傍生類虎豹
豺狼熊羆獅子化作肉山以充食最
復發是願食我肉者悉得充飽不相
食取為馬牛羊麀鹿等獸我為彼作
肥膩草草若諸眾生食肉取草五穀
飲食隨意所須悉令充足是人趣者
隨所樂欲我悉供給令無所乏復發

大乘理趣六波羅蜜經

卷第二

七

是願願我悉得成就一切陀羅尼身
隨諸眾生所在之處皆為救護作如
意樹及作寶瓶出無盡財給施一切
具足圓滿或作醫王除其疾病以大
悲手執法開鑰開涅槃城示佛知見
三僧祇劫難行苦行救諸眾生安住
涅槃真實解脫於所生處常勤精進
無有懈怠利益安樂一切有情為救
眾生屢捨落迦受苦無量如涅槃樂
復發是願若一切眾生未得解脫我
願常居地獄不證菩提慈氏當知即
是菩薩摩訶薩第二精進勤求一切
智智復次慈氏行此已應當更發三種
勝心求不退轉乃至三無數劫精進
修行於一剎那無令間斷或有眾魔作
沙門形或婆羅門形苦行之者種種
異形於大乘中求諸過失勸修行者
令其退轉作如是言佛道懸遠經百
千劫難行苦行難捨能捨國城妻子
為馬七珍奴婢僮僕身肉手足無所惜
惜如是布施經千萬劫方證菩提無
量眾生如是修習皆未成佛慈已退
轉自取涅槃設成佛果亦入涅槃一種

大乘理趣六波羅蜜經

卷第二

七

涅槃何須勤苦洪求利益修二種事
一求現生常受快樂人天種種勝妙
五欲隨意所作小有苦者亦勿須怖
何以故譬如農夫豈懼蟲鼠不營種
耶人天快樂亦復如是雖有小苦快
樂無窮但自修持何憂何怖二者自
求涅槃此生三生得阿羅漢自當解
脫何用勤苦求佛果耶若復不能趣
二乘者且受人天種種快樂設後狀
離疾入涅槃譬如有人用力雖少獲
利乃多復有一人功力極多事不成
辦設汝布施種種難勞都無所成自
為欺誑汝今與我行住共俱出世涅
槃進止同履慈氏當知菩薩摩訶薩
修大乘者聞斯語已都不信從作是
思惟此是惡魔魔亂我耳而作障礙欲
誘誑我令退菩提既知是已復發是
心我今不應違本誓願受如斯語史
定進求無上佛果而於大乘捨不退
轉發三種心云何為三一者一切有
情皆我宿世父母親友從無始際生
死輪迴受大艱苦於八寒八熱十六
地獄受諸苦惱復於餓鬼傍生趣中

大乘理趣六波羅蜜經

卷第二

七

及於人天亦復如是況是我之宿世父母內外親屬而無悲戀是故我今指取菩提不應退屈慈氏當知此即菩薩摩訶薩不退轉中第一心也二
者一切有情從無始來既為父母一
生處在母腹中寢食睡眠不得安
止生育劬勞以大悲心血變成乳長
時不倦留苦生甘功德日脩願我成
長自我薄祐夭壽而終父母悲鞠自
拔頭毳推胃墮穢食言不甘一一生
中皆有斯苦所出自淚其量淺深過
四大海所飲母乳過四大河復次一
切有情無始至今以恩愛故為我父
母種種因緣為我捨命以是至今流
轉未息若此有情勤苦修習無上菩
提即此有情愆合成佛由為我故生
死無窮復次一切有情從無始來憐
慈我故造不善業心無改悔若此惡
業可立形相計量積集過妙高山積
業既然隨三惡趣于今不絕以是義
故如何肯思自取涅槃而求解脫
如眾人同犯王法繫在囹圄逃刑無
路中有一人見牆小穴設諸方便自

大智度論卷三

第十九

七

脫而行以是因緣免難苦難二乘之
人亦復如是昔與眾生同為癡愛繫
在三界生死因困求出无由中有一
人見四諦門知苦新集證滅修道獲
阿羅漢自證涅槃修大乘者則不如
是願共眾生同得解脫以戒定為雙
手智慧為鉞鉞大慈悲為鉤鉤破煩惱
賊摧生死軍開涅槃城昇智慧殿慈
氏當知此即菩薩摩訶薩不退轉中
第二不退轉心三者菩薩摩訶薩作
是思惟從無始際降轉至今一一有
情互相繫屬身口意業苦惱他人作
擾亂心發彼瞋恚劫奪財寶種種貪
求斷他命損食他血肉如是殺害無
量無邊設彼未終日夜思想以何方
便斷彼命損持其血肉充我飲飲又
懷惱慢恃已受他說彼為非自言我
是聞他勝事嫉妬心生不耐他人中
毒令死見苦難者無有悲心喜不自
勝何當早逝見富貴者意不欲之願
犯刑名敗毀貧賤願他苦惱自受榮
華願他財寶日夜銷亡願我資財日
日增長願彼憂苦我恒安樂彼受憎

大智度論卷三

第二十

七

嫌我納愛敬他作怨家自為親友彼
恒墮落我得超昇願他貧窮我唯富
有我得智慧願他愚癡無始生死日
夜思惟以如是心自求安樂利益向
已苦惱屬他無一眾生不被侵害名
聞善事皆不願他口許心違常行如
是種種迫責令彼不安無量無邊不
可備說復以惡教示導他人現在未
來墮於險道詐作知見辯證他人令
損其財失其官爵以難聞語亂親
疎巧詐多端令心相恨墮於地獄無
有出期以惡惡言於他毀罵如以熱
箭中彼身心乃至令其何時暫息假
立名字毀譽多端損惱眾生種種異
語或作外道邪見仙人惡火燒心說
邪惡法瞋恚熾盛墮陷有情盡遭咒術
妖魅符書令諸眾生皆共瞋目手相
損害疾病流行壯者衰羸少變令老
明眼令瞽聾耳使聾瞶正之者而現
醜容貢高之者而獲病痛修善之者
而今作惡智慧之者使令癡狂長壽
之者而今夭壽富貴之者而今貧賤
乃至今日未絕流行復念我昔為外

大智度論卷三

第二十一

七

道師邪見教人非法說法說法非法
令無量無邊諸有情類退著提心墮
於邪見非法之中從此命終墮捺落
迦傍生鬼趣復有眾生於往世中受
我邪教從嶮峻山投身而下入閻牟
邪河便取命終云得生天千今不
絕復有無量眾生往覓伽河南閻牟
河北二水中間有大神樹名尼拘
陀其樹端正茂葉含翠快疎陰映地
平廣傳此為施場樹下多立三鉗鐵
戟彼諸眾生求生天者於彼場中先
行布施次剝髮踐入河沐浴望除罪
垢然後上樹當鐵戟上投身而下自
取命終從此死已去得生天無始至
今流行未絕復有眾生受我邪教常
自慳惜不行惠施若見施者起大瞋
心見受施人復生悲怒何以故我見
施者及受施人由此業緣俱墮地獄
以是見故無量劫中受鐵鬼苦于今未
脫復有眾生受我邪教多殺牛羊以
血祀天何以故如是牛羊天賜與我
我食其肉血應祭天無始至今受行
其教已命終者墮惡趣中殘害未寧

大乘理趣六波羅蜜經

卷第三

三

手相食斃以惡癡故不得涅槃復有
眾生受我邪教於佛法僧常行誹謗
復有眾生受我邪教不信三善惡
因果言無布施亦無供養亦無其果
無護魔法無善行無惡行亦無業果無
此世無他世無地獄無餓鬼無傍生無
天無人無父無母一切眾生猶如酒
醉造酒之人而以麴米溫涼調適遂有
酒名飲則醉人此醉豈從父母生耶
眾生亦亦父母和合本由染愛而有
我生我命終已更無有生譬如斫樹
燒已成灰種此灰者豈有樹生我身
亦亦死已無生以是故知定無因果
由此而於父母師長無有恭敬常毀
罵之無量生中教此邪法令諸有情
墮於地獄或有外道以火燒身或投
水中自溺而死或利戟上死轉而修
或修狗行以口食糞而求生天或修
牛戒如牛行李飲水蹴草標露而行
不辯六親而作姪亂或有外道自餓
不食盡日而立夜後方食或有外道
五熱炙身隨日而轉或有外道常翹
一足或有外道常奉事月白月一日

大乘理趣六波羅蜜經

卷第三

三

單食一口二日二口乃至滿月食十
五口黑月初日減食一口二日二口
至黑月盡但食一口或都不食或有
外道常持鷄戒散食在地以足撥取
口拾而食知時而鳴或有外道裸形
而行無有羞耻燻去毛髮日中而立
隨日而轉於盛寒際嚴陰影中當風
而立或有外道斫人命已而取髑髏
盛其飲食或有外道裸形無耻以灰
塗身或有外道炭墨塗身以人髑髏
支節諸骨以為瓔珞花鬘鏤身首
莊嚴或有外道馬尾駸駸織為衣服
或有外道樹皮為衣或有外道鷲毛
作衣或有外道鷄毛為衣以如是等
外道邪法教諸眾生以口業故無數眾
生至今愚迷不得解脫復從無始乃至
于今以身惡業苦惱眾生作獄卒身
手執鐵鉗繫眾生舌灌注洋銅又以
鐵槌打碎其骨又以鐵鋸解諸眾生
又驅迫眾生上於劍樹抽出腸胃五
藏而食又以鐵索縛束眾生擲灰河
中使受諸苦旋即曳出置熱鐵上如
魚在鐵火轉受苦又逼起坐以熱鐵

大乘理趣六波羅蜜經

卷第三

三

杓威以洋銅灌口今飲又以鐵鉗拔
出其舌曳令長廣鐵犁耕之如上所
說地獄苦中無始却來我為此事種
種身業苦惱衆生又作師子虎豹豺
狼熊羆等獸殘害衆生飲血取肉又
作人王宰官士庶長者居士尊位之
中枉法科稅非理捶楚不行王法損
害有情以是惡惟無始至今五趣衆
生無不惱害斫頭剜眼則耳剝鼻截
舌斲肉敲骨出髓斬其手足乃至斷
命又在人中不作餘業而為魁膺毆
獵漁捕罟網增繳奪衆生命所謂牛
羊豕鹿狐兔鷄猪魚鼈等身分割支
節成大積聚而以販鬻如是殺害無
量無邊經於無量俱胝劫中如是街
賣以自活命復次慈氏菩薩摩訶薩
脩大乘者應發是心如是思惟我以
貪瞋癡故造作如是身口意業誘誑
損害一切衆生現墮地獄餓鬼畜生
受諸苦惱我今慙愧深自悔責作何
方便以酬報之如是思惟更無方便
能償斯愆唯有志求阿耨多羅三藐
三菩提更無有能償此債者我得無

大乘理趣經卷三

第五十五

上正等覺已於此流轉曠野積中廣
度衆生置涅槃城安樂之象以一切
智智如意寶珠用酬無始所有深愆慈
氏當知此即菩薩摩訶薩第三不退
轉心也如上三心發起修行精勤不怠
此之三心於大乘中一心修行得不
退轉
復次慈氏菩薩摩訶薩以此五種發
菩提心修行大乘速能成就一切智
智

大乘理趣六波羅蜜多經卷第三

丙午歲高麗國大藏都監奉

勅雕造

大乘理趣經卷三

第五十六

經

大乘理趣六波羅蜜多經卷第四

桓

司實國三藏般若奉詔譯

布施波羅蜜多品第五

尔時佛薄伽梵於大衆中作師子吼
廣說五種發菩提心已時慈氏菩薩
摩訶薩與無量無數百千俱胝諸大
菩薩摩訶薩衆文殊師利菩薩摩訶
薩而為上首皆已成就六種波羅蜜
多復有無量大阿羅漢諸漏已盡作
已辦捨離重擔梵行清淨及無數
俱胝百千萬億那由多天龍阿蘇羅
乾闥婆迦留羅緊捺羅摩怛路迦藥
叉摩剌鳩呬茶蘇多毗舍遮人非
人等時慈氏菩薩摩訶薩在大衆中
即從座起整理衣服偏袒右肩長跪
合掌一心恭敬而白佛言世尊已說
大乘菩薩不退轉心菩薩摩訶薩修
習幾法得名菩薩摩訶薩薩願世尊
分別解說
尔時薄伽梵告慈氏菩薩摩訶薩言
若有善男子善女人以清淨心歸依
佛法僧寶發阿耨多羅三藐三菩提

心得不退轉即名菩薩生我法中名摩訶薩與現世沙等諸佛菩薩而為法子為彼有情而為父母以大福德光明照耀過百千日莊嚴其身

今時慈氏菩薩摩訶薩白佛言世尊此諸菩薩摩訶薩云何遠離云何親近復以何人而為伴侶先作何事應云何住云何修行云何降伏其心云何攝持誰之勢力速疾證得阿耨多羅三藐三菩提

今時佛摩訶薩告慈氏菩薩摩訶薩言若善男子善女人應當導引五趣眾生置於無上正等菩提遠離外道邪法及惡知識應當親近修行布施持戒忍辱精進禪定智慧具足行大乘者而為伴侶應於自身聽聞正法精勤誦持應常安住如是六種波羅蜜多精進修行降伏心意攝護六根由此勢力疾證無上正等菩提是名菩薩摩訶薩云何名為六種波羅蜜多所謂布施持戒忍辱精進禪定智慧是為六種波羅蜜多何故先說檀波羅蜜告慈氏我今為汝廣分別

大乘理趣六波羅蜜多經

第二卷

經

說其布施者於六度中最易修習是故先說譬如世間諸所作事若易作者先當作之是故先說布施波羅蜜多一切有情無有不能行布施者若藥又若羅剎師子虎狼及諸獸卒屠兒兇險此等眾生於有情中極為暴惡尚能離慍而行布施云何布施所謂養育男女慈念乳哺然此眾生雖不能知福利之事以憐愛故今得色力壽命安樂難飢渴苦亦名布施以是義故於六波羅蜜多先說檀波羅蜜又如一切貧窮有情飢寒裸露身心不安何能造作種種事業若與衣食令得安樂然後能修種種事業菩薩摩訶薩亦復如是見諸有情貧窮所逼不能發起無上信心修行大乘種種事業先施一切衣服飲食房舍卧具病瘦醫藥令心安樂然後令發無上正等覺心修行大乘種種事業以是義故六度彼岸而施為門四攝之行而為其首猶如大地一切萬物依之生長以是義故先說布施波羅蜜多如上所說藥叉等類不知

大乘理趣六波羅蜜多經

第三卷

經

福田及非福田由愛念故施於乳哺當作人身富有資財所須無乏以此習故所生之眾常樂施舍給施一切能除有貧貧窮困苦所以者何諸菩薩摩訶薩為欲利樂諸有情故先行布施波羅蜜多有來乞者皆施與之不得顯威亦不邪視忿恚懷恨而行布施隨其所有而施與之不得遲疑而生慍慍於所愛物衣服卧具飲食湯藥園城妻子奴婢僮僕為馬七珍不生慍慍隨乞與之乃至一念不生追悔若生疑或當知是魔何以故魔王波旬化為財寶令使慍慍以此方便惑亂我心於大菩提而為障礙以是義故不應慍慍如是思惟一切珍財愛戀之心皆應捨離

大乘理趣六波羅蜜多經

第四卷

經

布施行耶以是因緣難為捨離

余時薄伽梵告慈父菩薩摩訶薩言
善男子菩薩摩訶薩所生之雲常得
富貴財寶豐足法應如是若為轉輪
聖王應作如是二種思惟一者思惟
過去諸佛難行之行及佛菩薩所有
教法此轉輪王五欲勝樂皆從妄計
分別而生猶如幻夢轉輪聖王於五
欲境不起分別不生計著何能障礙
菩提之心二者思惟一切有情我已
引入阿耨多羅三藐三菩提安樂之
地亦如過去現如沙等諸佛如來難
捨能捨我亦捨當作如是捨為欲離
除慳慳之垢發如是心願從今身乃
至成佛捨以此身捨與法界一切眾
生所修福業若多若少願與一切眾
生共之迴向無上正等菩提以是觀之
我昔已捨一切身命如妙高山觀我
此身猶如芥子身命尚捨何況珍財
若諸菩薩多積珍財不行布施猶如
白象於泥中河淨澡浴已以鼻喻取
真穢塵土遍身塗之我以福德淨水
澡浴其身端嚴清潔不應慳慳愛惜

大乘理趣經卷第四

第五段 極

財寶塗汗其身慈父當知菩薩應作
如是思惟若有人來乞我身皮我即
割之不生瞋恨歡喜施與若乞身首
血肉骨髓皆悉能施以是因緣菩薩
摩訶薩利益安樂諸有情故不捨生
死而取涅槃復作是念我今此身前
際不來後亦無去父母和合不淨種
子而有我身覆不淨中生熟藏間猶
如種樹枝葉茂盛花果成實我身亦
亦以苦為救憂悲為葉欺誑為花癡
為根本真慈羅刹而居此樹又為惡
業虎豹豺狼師子等獸圍遶此樹我
今暫時憩此樹下何為憂惜此毒樹
耶而此樹身無我我所設復有者我
亦捨之願奉眾生仁彼所須終無慳
惜何以故我已捨故不求果報不求
恩德無所著故所以者何以此毒身
有三惡法之所纏繞云何為三一者
不淨二者極苦三者無思若復有人
於此羅刹毒害惡獸圍遶眾中救拔
我身當知此人於我大恩而於我身
作大利益我於此人常懷恩德豈更
於此而惜身耶又此大地所有園林

大乘理趣經卷第四

第六段 極

草木藥等根芽枝葉花果成實皆堪服
食及帶持者若以利斧斬此草木枝
葉花果分析與人而能利益無量眾
生而此大地不念眾生食我身分枝
葉花果而得除病彼無情物尚不分別
而能利益一切有情而況我身不能
於他而興利益行於布施及於乞者
起我慢心輕罵凌懷復於自身內外
觀察先觀內身眼是我耶是我所耶
若非我者云何慳惜耳鼻舌身亦復
如是周遍觀察無我我所次觀外身
色是我耶是我所耶馨香味觸亦復
如是於此內外周遍觀察皆無有我
既無有我云何慳惜而不施耶應當
決定如是思惟願將此身速奉一切
何以故此身無常遷變不定剎那生
滅無所有故今時世尊而說偈言
若他逼捨身命財 制不自由無利益
如是知已諦思惟 開心自施為最勝
迷人若悟夢幻法 內外皆捨無所著
如是布施等虛空 無礙無受為最勝
復次慈氏若菩薩摩訶薩修行大乘求
阿耨多羅三藐三菩提者當修空法以

大乘理趣經卷第四

第七段 極

觀空故心得自在於琉璃沙佛所得
受記別心不退轉而行布施無有劬
勞檀施為刀破慳慳賊慳賊者衆
苦根本菩薩於此不生愛著何以故
菩薩摩訶薩雖有煩惱皆是方便利
物而生然彼煩惱不為過失以諸菩
薩隨願生故身口意業佳無功用得
清淨故善調五根無放逸故能多利
樂一切衆生能知勝義及世俗諦以
正定水洗滌慳垢除此垢已於施自
在說大乘法威光照曜如日滅輝破
諸黑暗說法聲光除心昏冥慈氏菩
薩摩訶薩白佛言世尊以何因緣先
明法施

佛告慈氏菩薩摩訶薩此法施者有
三種事勝於財施云何為三一財施
者而有竭盡法施增長則無有盡以
是校量勝於財施二受財施者現在
利益受法施者現在未來俱有利益
於無量世恒相隨逐無人侵奪乃至
無上正等菩提不相捨離三財施者
能施獲益受者無益若法施者自他
俱益由聞法故發心速趣無上菩提

大乘理趣六波羅蜜多經

第八卷 經

由此三義法施之老勝於財施由行
法施名稱遠聞一切人天尊重恭
敬以此因緣先說法施若菩薩摩訶
薩修習布施波羅蜜多為三種事與
諸功德而為其本一者能利自他若
不利他自受世樂非菩薩行二者於
大乘中無有退轉三者隨修少分乃
為無量功德之本何以故由清淨心
無分別故譬如日出照於世間情與
非情皆蒙利益是日不言我能照觸亦
不分別情與非情以是菩薩所作功
德乃至布施一花一果皆為利益一
切衆生以此功德成無上果悲化十
方亦導一切

復次慈氏菩薩摩訶薩以施為實作莊
嚴具乃至成佛相好莊嚴云何少施
功德多耶以方便力少分布施迴向
發願與一切衆生同證無上正等菩
提以是功德無量無邊猶如少雲漸
遍世界
復次慈氏施有三種一者小施二者
大施三者第一義施言小施者謂以
種種飲食衣服諸莊嚴具財寶象馬

大乘理趣六波羅蜜多經

第九卷 經

庫藏倉廩城邑聚落園林屋宅及轉
輪王所有樂具而行布施是名小施
二大施者輪王所愛后妃眷屬及與
已身以施乞者是名大施三第一義
施者能以身命而行布施以無所得
心相應故名為第一義施菩薩摩訶
薩以是三種而行布施是故名為檀
波羅蜜

復次慈氏以食施者當施五事云何
為五一者施命若人無食難以濟命
二者施色因得食故顏色和悅三者
施力以是食故增益氣力四者施樂以
此食故身心安樂五者施辯若飢餓
者身心怯弱言說窘訥不能辯了飲
食充足身心勇銳得大辯才智慧無
礙菩薩摩訶薩施飯食時應作如是
迴向發願我施食時施此五事若施
命者願與一切衆生得佛壽命長遠
無盡一劫二劫隨願而住二施色者
願與一切衆生得佛色身如紫金色
照耀世間過百千日三施力者願與
一切衆生得佛十力一一節中皆有
八萬四千六百六十三種那羅延力

大乘理趣六波羅蜜多經

第十卷 經

四施樂者願與一切衆生得佛無比
涅槃安樂五施辯者願與一切衆生
得佛世尊四無礙辯若施味時願與
一切衆生得佛無上甘露法味具足
充滿安置無比清淨涅槃若施漿時
願與一切衆生除其渴愛若施美飲
砂糖石蜜甘蔗蒲萄種種香飲得如
來口中四牙所有飲食及諸毒藥至
此牙時變成甘露若施醫藥願與一切
衆生得六度藥藥生死病悉得痊除
獲涅槃樂若施衣服願與一切衆生
得慈婉服以覆其身離諸陋形端嚴
殊勝獲金色身最勝無比若施塗香種
種末香願與一切衆生戒香塗身悉除
煩惱臭穢習氣若施象馬車乘輦輦
船筏願與一切衆生皆得如來隨心
三昧遊止自在無所障礙施橋梁時
願與一切衆生得六度橋越生死河
至涅槃岸若施瓔珞願與一切衆生
得三十二相八十種好瓔珞莊嚴若
於曠野砂磧之處往來渴乏為日所
曝施以井池飲水沐浴願與一切衆
生離於流轉生死曠野三毒火熾

大寶璣經卷第四

第十二經 恒

變之苦復願其身為法泉池一切智
水充滿其中隨彼衆生飲水沐浴竭
生死源得真解脫施義堂屋令諸衆
生離風雨惡賊惡獸怖懼身得安樂願
與一切衆生悉得入於涅槃堂屋離
煩惱賊地獄寒熱生死風雨永無怖
畏若施氈褥細受敷具願與衆生坐
菩提座自然覺悟得真平等若施種
種上妙衣服願與一切衆生得三寶
法衣普覆一切若施衆生若施三寶
師僧父母種種燈燭願與一切衆生
得一切智眼若施音樂願與一切衆
生得真天耳十方世界所有音聲皆
悉聞知若於迥遠無佛法處建立僧
坊及招提舍置諸寶具飲食湯藥願
與一切衆生置涅槃城安樂之處永
離流轉生死之苦若施湯藥願與一
切衆生施以法藥除煩惱病若施僕
使願與一切衆生悉如阿難奉侍如
來若救困繫令得解脫願與衆生遠
離一切煩惱因繫得真解脫住法王
位若施金銀及無價寶願與一切衆
生得百福相莊嚴其身若施寶冠莊

大寶璣經卷第四

第十二經 恒

嚴之具瓔珞環釧耳環珠璣種種莊
飾願與一切衆生獲八十種好莊嚴
法身若施阿蘭若修道之處願與一
切衆生得四聖種依止之所若施伏
藏願與一切衆生得佛無上功德法
財若施七寶及轉輪王位自在安樂
願與一切衆生得大力用以妙法手
拔濟衆生出十惡業以十善水洗令
清淨以淨戒香用塗其身除斷一切
惡名臭氣以慈婉衣服而為覆蓋以
佛功德而為瓔珞以忍辱為花鬘莊
嚴其身以靜慮為牀座安處不動以
菩提符置於頂上處法王位而受灌
頂慈氏當知如是施者此即名為菩
薩行於小施
復次言大施者菩薩摩訶薩於所愛敬
貞順妻妾及以端正孝友男女愛無
雙者以用布施若我不捨此妻子
者云何得與一切衆生為法父母及
能憐愛一切衆生悲愍救護如已愛
子能令離於生老病死以是義故菩
薩摩訶薩一切寵愛珍惜之者悉皆
布施乃至成佛無上菩提慈氏當知

大寶璣經卷第四

第十二經 恒

如是施者名為菩薩行於大施

復次第一義施者菩薩摩訶薩以清淨心於自身手足皮肉骨髓頭目耳鼻乃至身命以用布施心無慳惜以此功德願與一切衆生於當來世得佛金剛不壞之身若施手足心無慳惜願與一切衆生於生死流轉漂溺瀑河無救護者授正法手拔濟令出置安樂地若施耳鼻舌時願與一切衆生於當來世悉得諸佛清淨五根以是妙法莊嚴衆生若以血肉施諸衆生如是施時願與一切衆生當得此身猶如大地與諸有情作依止要亦如大水能除垢穢潤澤枯涸百卉滋長又如大火能除闇冥成就一切復如大風能鼓一切開發生長使得敷榮若施眼時願與一切衆生而得佛眼若施頭首及施寶冠願與一切衆生得佛無上七覺寶冠

復次慈氏菩薩摩訶薩所有世間妙好之物不生貪著常能惠施一切有情所以者何以大悲心等視衆生猶如一子願與一切衆生永息貧窮於

大乘理趣六波羅蜜多經

卷第四

第三十

第三十

所求願悉令滿足而於生死曠野之中僭七聖財得佛智寶

復次慈氏云何菩薩摩訶薩修行布施無諸過患謂自手營作而行布施非嫉妬他非畏惡名非求恩德而行布施為濟貧乏憐獨困苦而行布施是名為施若為名聞而作師長行於布施如商賈人非真施也起大悲心不擇怨親財物多少而行布施名真施也

復次慈氏有二種田云何為二一者悲田謂諸孤露貧窮困苦二者敬田謂佛法僧父母師長於悲田所不應輕賤言無福田於敬田所不應求報以大悲心無所分別等施一切名真施也又布施者勿起希求而於財物不能捨離或被官逼奪而行布施或畏損失而行布施於三寶所不得輕慢應生尊重不自稱說而行布施若以重寶無所愛著不生我慢亦不貢高而行布施名真布施若於敬田不生恭敬將所狀物而施與之不名為施或為家貧無妙好物而有賤鄙耻不

大乘理趣六波羅蜜多經

卷第四

第三十

第三十

施之以是目緣都不行施善男子夫行施者不應分別隨其所有來即與之是即名為檀波羅蜜菩薩摩訶薩不應自恃持式多聞禪定智慧而行布施亦不輕慢他人貪意愚癡寡聞破戒而行布施非淨施也菩薩摩訶薩所行布施無不活長無惡趣畏隨其多少而施與之以廣大心皆得無盡無量功德是即名為檀波羅蜜若為布施互相嫉妬令家眷屬鬭諍不和名不布施若為布施譏毀人汝今丁壯諸根具足何不自作營理生業而求乞耶如是施者不名布施或施已追悔而作是言我為愚癡枉費財物如是施者不名為施或希他讚歎或怖惡名如是施者不名布施或為惡願而行布施不名布施或擇日而施謂白月一日八日十四日十五日黑月三日八日九日十三日十四日十五日如是日施餘日不施不名為施或擇時施晨朝布施午時不施日暮餘時亦復如是如此施者不名布施或擇人施施與貧者不施富

者或貧富俱施不施病者或與病者不施餘類或施此人不施彼人如是施者不名布施或選知識顏貌端正而與好物餘施惡物不名為施或見乞者俳優戲樂善戲談笑而施與之餘者不施如是施者不名布施夫布施者不求果報輪王護世釋梵諸天刹帝利家及婆羅門長者居士如是家生而為己身自求解脫而行布施亦不歎退生疲倦心言我已施不應更施如是等施但名布施不得名為檀波羅蜜

復次慈氏菩薩摩訶薩不為如上非法布施以正解脫迴向發願無上菩提是真布施檀波羅蜜究竟清淨於阿耨多羅三藐三菩提得不退轉若能如是離諸過失行無相施所得功德無量無邊廣大如法界究竟若虛空菩薩摩訶薩以如是心若施一華若施一果乃至施水一滴而於此經受持讀誦乃至一偈一句令他聽聞經一剎那所得功德無量無邊若復有人從無量阿僧祇劫所行布施以

金銀七寶及餘種種上妙珍財以用布施求轉輪王釋梵護世或求阿羅漢果獨覺菩提及餘作業於無量無邊阿僧祇劫受持淨戒所有功德比前菩薩摩訶薩無住相施所得功德百分千分百分億分俱勝分乃至鄒波尼穀量分不及其一而此菩薩願力所施一滴之水投於大海海水有盡滴水無盡何以故眾生無盡故菩薩願力亦無有盡虛空法界亦復如是復次菩薩摩訶薩如是漸次勤行精進得大神通昇妙高山或至大海獲無價寶還贖部洲雨種種寶給施有情或雨飲食衣服卧具救病醫藥除斷有情飢渴疾病貧窮困苦以此功德願施有情盡未來際常無休息廣大如法界究竟若虛空若但自利而行布施如空片雲風吹即散豈能利益一切眾生

復次菩薩摩訶薩如是布施同真際等法界火不能燒水不能漂風不能吹金剛堅實不能破壞是故菩薩布施願力能令眾生得大利益究竟安

樂亦令一切有情同此行願乃至無上正等菩提捨不退轉常行是行乃至涅槃利益有情今得解脫

復次慈氏如來在世一切有情而以種種上妙衣服房舍卧具飲食湯藥酥燈油燈瞻蔔油燈種種花香以奉供養尊重恭敬歌頌讚歎於佛滅後取佛舍利起窣堵波亦作如上種種供養尊重讚歎如是二事功德果報等無差別由此義利令諸有情發惡重心虔誠愛樂以敬慕故發菩提心聽聞正法如說修行便能趣證阿羅漢果辟支佛果及諸菩薩成就十地圓滿六度乃至佛果無上正等菩提即此有情復能勸諭諸有情等同修勝行乃至證得無上正等菩提以是義故菩薩摩訶薩修行布施波羅蜜多乃至施水一滴所有利益同真際等法界無有窮盡若行施時不能普為一切有情迴向無上正等菩提設以寶聚如妙高山而用布施利益甚少猶如芥子易可窮盡亦如片雲風飄即滅

復次慈氏菩薩摩訶薩修習大乘布施行時猶如伏藏隨自身行如如意樹隨有情意能滿彼願菩薩摩訶薩應當更發二種勝心一者所有資財庫藏諸物知自性空猶如陽燄夢想幻化二者於諸有情起大悲心若見貧窮起憐愍心發是心已應正了知於是財寶不應慳吝手自行施願與一切有情同證無上正等菩提如是之財真我所有設若財物終不為已皆為饒益一切眾生悉皆成就檀波羅蜜若我積聚種種財物不能自施如是之物非是我有用不自在於裸形如守藏人自無其分無常賊來風刀解體所愛財物妻妾持去別奉他人彼人得已倍復慳惜乃至命終亦復如是展轉慳吝終不能捨如是等入暫時守護以是當知如是資財定非我物王賊水火及與惡子悉皆有分常懼侵奪思寄親知寢息不安恒憂散失由慳不施招此憂危復次慈氏行此施已水火怨賊不能侵奪寢息安隱心無憂慮若自手施

大乘理趣經第四

第三十經

迴向發願彼諸有情方當其分乃至佛果恒相隨逐心常安隱離諸憂怖若慳吝者常懷憂惱現在世中諸苦根本於未來世當知亦然

復次慈氏慳吝不施所畜財物如把草炬逆風而行草盡燒手當受痛苦若違逆者則無諸苦如是知已當觀此財猶如火炬亦如幻散應速捨之求真實果若慳貪有情互相讚歎汝有智慧守護財財莫如愚人妄行惠施如是人謗無因果當墮地獄餓鬼畜生設得為人常多貧賤復次能行施者國王大臣婆羅門居士之所稱讚所出言詞人皆信受慳吝之人不能惠施常懷憂惱謂施無福當墮三塗

復次能施之人一切敬愛慳貪之輩眾所憎嫌能布施者如僧伽藍一切人天悉皆歸向慳貪之人如陷塚墓一切賢聖皆悉遠之亦如涸池眾鳥不集如是二人處大衆中若讚於施間之怡暢若訶慳吝被而規之復次行布施者諸天賢聖樂與同慶

大乘理趣經第四

第三十一經

慳不施者餓鬼畜生自然會集復次行無相施住第一義得人法空能利自他究竟圓滿

復次慈氏若有善男子善女人自稱菩薩修行大乘應當決定正念思惟布施功德無量無邊慳吝過失亦復無量如是知已決定斷除無有障礙見七者來顏色和悅言無譏毀若聞七聲歡喜慈念辭如孝子遠離父母五十餘年忽聞還家不勝喜躍聞七者聲亦復如是迦至家中瞻觀如佛發如是心此善知識今受我施除我慳貪惡趣過失無量利益莊嚴我身無上菩提裝飾我體如是七士著弊垢衣和顏更語慈我而來是我良友所以者何除我身中慳貪過患此七者是我郎主我即奴僕應受教命發是心已從座而起手自捧持所施之物右膝著地歡喜奉施願與一切眾生利益安樂迴向無上正等菩提復於七者起利益心如是之人即是能行天如意樹若無是者如何得度生死曠野不乏寶糧達於人天溫

大乘理趣經第四

第三十二經

繫彼序以是當知人天安樂無上耶
脫皆曰七者而得成就

復次慈氏若時七者至菩薩所起大

希聖菩薩是時家貧無物應當而語

慰諭彼人無令貧恨不生疑惑今悉有

無以是因緣歡喜而去

復次菩薩摩訶薩行布施時應當慈

悲寬其心意所有七者任彼往來隨

其兩須皆不違悞

復次慈氏一切財物無常敗壞眾苦

之本如身瘡疔鳥持敗肉其慳慳者

不自食用勿德不修復不與人堅守

財寶亦復如是當知此人非行施者

不名菩薩於大乘法不發勝心亦不

能成不退轉位譬如大海不宿死屍

大乘海中不容慳吝者菩薩所以修大乘

行為欲遠離一切罪垢具修功德於

佛法中不生疑慮於諸有情及諸財

寶一切時中心無分別常行惠施利

樂群生以如是行圓滿布施波羅蜜

多速得成就阿耨多羅三藐三菩提

是則名為第三勝義檀波羅蜜多

本無理趣六波羅蜜多經卷第四

乙巳歲高麗國大藏都監奉

勅雕造

大藏經總覽卷第四

第三十五 經

大藏經總覽六波羅蜜多經卷第五

四寶國藏 般若奉 經

淨戒波羅蜜多品第六

余時佛薄伽梵於大眾中作師子吼

廣說布施波羅蜜多已時慈氏菩薩

摩訶薩合掌恭敬而白佛言大聖世

尊已說修大乘者興大悲心行布施波

羅蜜多以何方便而能圓滿淨戒波

羅蜜多何名淨戒防何過失去何護

持而得清淨設護淨戒現在未來有

何果報云何守護當證阿耨多羅三

藐三菩提唯願世尊分別廣說利益

安樂一切有情余時如來應供正遍

知明行圓滿善逝世間解無上士調

御丈夫天人師佛世尊讚慈氏菩薩

摩訶薩言善哉善哉汝於無量百千

億劫奉持淨戒普為利益安樂有情

問如是義汝今諦聽善思念之吾當

為汝分別解說若有善男子善女人

修大乘者若欲圓滿淨戒波羅蜜多

應當如是發廣大心普為憐愍一切

眾生所謂不怖地獄不求生天不為

己身自求解脫護持禁戒復作如是
正念思惟我於昔時已發誓願若見

有情毀禁戒者皆當勸令堅持淨戒

以佛淨戒而為瓔珞莊嚴其身若我

不能護持戒者云何以戒攝護有情

以是因緣勸令持戒若不如是云何

能置一切有情於阿耨多羅三藐三

菩提所以者何若諸凡夫自不清淨

為毀戒者雖說正法勸他持戒終不

信從反被輕呵若欲教他護持淨戒

何不自護而毀犯耶以是思之汝應

持戒汝若不持汝口雖說自耳不聞

如是種種被他譏毀何能勸人守護

淨戒以是當知先自檢身離諸放逸

堅持淨戒波羅蜜多然後為人說正

法要有情聞已便能信受既信受已

護持佛戒具足清自乃至得成阿耨

多羅三藐三菩提

復次慈氏若有眾生發菩提心普為

一切五趣四生乃至護持一禁戒者

亦得名為入佛淨戒波羅蜜多能得

無上正等菩提

復次慈氏菩薩摩訶薩修大乘者見

大藏經總覽卷第五

第三十六 經

諸有情墮於惡趣應當修習淨戒波羅蜜多拔濟今出置於涅槃然修行時有三大障一者瞋恚二者慳貪三者愚欲其瞋恚者能退悲心大悲心者一切善提行之根本以悲力故於夢寐中不生殺想況寤寤時斷命食肉其慳貪者不能捨施於已財物常生慳惜於他財寶恒起貪求是故菩薩摩訶薩見他財物如觀毒蛇不生貪著其愚欲者非清淨行應當遠離五欲若泥然此貪欲諸苦根本六波羅蜜之大障也復能燒滅菩提之心今時薄伽梵而說頌言

女性妖媚幻惑人 如怨詐親不可近
貪欲迷荒壞清淨 如水瀑流摧石壁
女人之性多詭曲 如水隨流性不定
恒懷異志背其夫 智者諦思應遠離
譬如靈山白為王 鼻有力能拔大樹
及見母為心昏醉 引入陷穽被調伏
如鹿食草飲清流 復能遠涉諸山谷
獵師能為誘鹿聲 彼鹿尋聲來就死
如魚沉潛深隱處 游泳水中難可見
為求其食吞鉤餌 貪欲喪身亦復然

大乘理趣六波羅蜜多經

第三卷

七

譬如黑蜂貪其香 醉為汗流發香氣
貪饕此香集其身 為耳搖動撲皆死
如燈無風焰熾然 飛蛾為明竟投赴
由斯入火自焚燒 貪愛亡軀亦如是
五塵過觸眾生身 一害人如毒藥
受者如是諦思惟 聚苦積聚非安樂
炎火熾然猶可觸 旋嵐猛風或能擊
瞋恚毒蛇易調伏 女人之心難可禁
無熱池中功德水 流入大海不堪飲
八味皆失同鹹苦 親近女人善法盡
佛告慈氏以是因緣當知女人不應親近乃至夢中不應思想況覺悟時而行欲事

復次菩薩摩訶薩離三障已應當修習十種淨戒云何為十汗謂身三淨戒口四淨戒意三淨戒言身三者離殺盜淫云何不殺若見有情被損害時應以悲心往救其命或以資財贖令得脫設不免者以身代之何況自殺不偷盜者菩薩摩訶薩於他財物乃至夢中不生盜想況於寤寤而起盜心應於自財以清淨心無所吝惜常行惠施亦勸他人離不與取恒行布

大乘理趣六波羅蜜多經

第四卷

七

施波羅蜜多離欲者菩薩摩訶薩應當遠離五欲境界亦為有情說欲過失復令眾生離欲邪行諸說出家無量功德令多眾生捨家出家拔濟有情離貪愛獄是則名為身三善也言口四者謂離虛誑離間處惡及無義語云何虛誑謂不見言見見言不見聞覺知等亦復如是於此虛誑皆捨離之作真實語名離妄語復次言離間者於彼說此於此說彼令生乖謬若能離此常和合語是則名為遠離間語處惡語者謂出惡言令彼熱惱汗不欲聞而今聞之若能離此常以愛語令彼適悅是則名為離處惡語言無義語者以落欲心戲弄談謔乃至邪論皆無義利若能離此為益有情實語時語是則名為離無義語菩薩如是若能離口四過修習如來四種善語常為有情說於妙語令聞法者歡喜信受如水清珠能清濁水聞法信受亦復如是

大乘理趣六波羅蜜多經

第五卷

七

起嫉妬心應正思惟作如是念願一切有情得大富貴無所乏少是諸有情勤苦艱難今乃獲得云何於彼生嫉妬心我於已財皆應奉彼況彼自獲我應隨喜云何乃反生嫉妬耶以是因緣於彼有情不應嫉妬但生隨喜若能如是除貪嫉者是名菩薩持心淨戒復次離瞋害者若菩薩摩訶薩被諸有情諸惡詆謗無故打罵斷截支節菩薩於彼離瞋害心作是思惟我已發願於諸有情不起瞋害云何今日乃發是心又我昔願常以法藥調除有情瞋害之病若於衆生起瞋害者自疾不能救何能救彼一切有情復次若諸有情瞋菩薩時深自剋責以我有過福德鮮薄令他生瞋我若無過彼少不瞋

復次若菩薩摩訶薩見二有情互相瞋恨結怨不捨菩薩見已生悲愍心此之有情不捨瞋恨當墮地獄火燒其身受大苦惱是我之咎應持法藥療此瞋病我昔誓願願與一切衆生除瞋患病云何今日不為斷除此等衆

生常為惡魔之所執縛不自覺知以大猛火之所焚燒既被魔執設持利刃來殺害我我知魔鬼不應生瞋當於是人生大悲愍復次離邪見者一切衆生皆有邪見極為深厚菩薩大悲以正見炬作大照明令見三寶又於佛法衆僧所有功德深生信樂一切外道一切衆魔作障礙者不能破壞正見之心於大乘行無能退屈復次慈氏菩薩摩訶薩行大乘者欲令衆生離不善行先當自身遠離十惡修行十善何以故若諸菩薩自行十善所有言教人皆信受若自不行而教人者譬如有人為水漂溺語岸上人我能救彼無有是處造十惡者亦復如是自被十惡瀑流所漂語諸衆生我當度汝亦無是處菩薩如是於十善戒具足修習復教他人如是履轉名為修習淨戒波羅蜜多時慈氏菩薩摩訶薩復白佛言世尊如是是有情除斷十惡修十善者當獲何果今時佛薄伽梵讚慈氏菩薩摩訶薩言善哉善哉善男子汝今諦聽善思

念之吾當為汝次第解說此十善業一一皆感四種果報云何為四一現在安樂二煩惱怨賊勢力羸劣三於當來世常得尊貴無所乏少四精勤修習當得無上正等菩提離殺四者一者菩薩摩訶薩於一切衆生不起害心能施無畏亦不恐怖以無怖故一切衆生親近供養尊重讚歎菩薩於彼生憐愍心由慈心故過去所有一切怨恨自然心息二者瞋害害心悉皆羸劣以慈甘露用塗其心而能調除瞋等熱惱睡眠安隱恒無惡夢以慈心故藥又諸鬼食血肉者捨離害心及諸惡獸常相守護三者於未來世獲三種果一者壽命長遠常無中夭二者所生之處常無病苦三者大富饒財恒得自在四者以不殺故得佛法分於五趣中所生之處於世自在隨意能住乃至坐於菩提樹下諸魔鬼神不能為障成等正覺無量聖衆之所圍繞慈氏此即離殺四種果報復次離不與取亦四果報一者於現生中得離貪嫉身心安樂二者以離

貪嫉一切衆生之所信向委寄任用
無復疑感與諸有情而作伏藏三者
於未來世得大富饒豪貴自在所有
珍財王賊水火無能侵奪四者能與
現知沙等一切諸佛主功德藏所謂
十八不共法等清淨法財二乘之人
耳尚不聞何況得見慈氏當知此即
名為離偷盜業四種果報復次離欲
邪行亦四種報一者於現生中一切
人天之所稱讚亦無疑阻人所敬重
遠離惡名二者六根調善令除欲火
勢力微劣三者於未來世所生之處
父母宗親妻子眷屬孝友貞順純一
無雜離於女人所有過失令諸衆生
無復愛染四者為離邪行而得馬王
陰藏之相乃至成就阿耨多羅三藐
三菩提慈氏當知此即名為離於邪
行四種果報復次離虛誑語亦四種
報一者於現在世常行實語離虛誑
語諸天憐念常共守護二者既無虛
誑一切衆生信受其語若說法時人
皆諦受無勞功力自然信行設復有
人自雖虛誑憎誑語人見實語者心

大乘理趣六波羅蜜多經

卷第五

七

亦歡喜以自妄語不信他實若知真
實深生敬重當知實語為大利益斷
妄語者一切惡業不復造作何以故
以他問時如實答故若在閑靜不
起妄念何以故若人問我設閑居時
生妄念不若言無者是虛誑語若言
有者羞愧他人以是因緣能令妄心
漸漸微薄三者所生之愛口中常出
青蓮花香蘇鼻那香一切有情之所
愛敬自實語者不疑他人有虛誑語
亦令他人信已實語能令衆生永斷
疑網四者所出言詞人皆信受能令
衆生聞法歡喜乃至當得無上菩提
慈氏當知此即離虛誑語四種果報
復次不離間語亦四種報一者現在
世中能令自他和合無諍所在安樂
二者以和合故衆人愛敬過去所有
離間語罪悉得銷滅於三惡趣心無
憂懼三者於未來世得五種果一者
能獲金剛不壞之身世間刀杖無能
損壞二者於所生處得善眷屬無諸
乖諍不相捨離三者於所生處設不
遭遇善友知識為說法者自然覺悟

大乘理趣六波羅蜜多經

卷第五

七

無二法門於佛法僧深信白無有
退轉四者今諸有情一心一事歡喜
相向速能證得慈三摩地五者而能
勸發一切有情修習大乘令不退轉
四者速離間語常和合語得善眷屬
隨順調伏乃至但短不相捨離慈氏
當知此即名為離兩舌語四種果報
復次離惡語亦四種報一者現在
世中離惡語垢心常清淨若於塵境
妄起貪欲瞋恚風塵集諸藏識善薩
摩訶薩與大悲雲降慈心雨滅妄貪
欲止惡風塵令得清淨二者受語之
人一切憂樂讚歎隨順令慶惡者漸令
調伏六根清淨三業無染三者以清
淨故於當來世所生之處永離三塗
常生善處四者漸次能得無上菩提
具梵音聲說法之時隨其類音各解
其義而生念言今薄伽梵為我說法
不為餘人所說妙法皆契我心除我
身心煩惱習氣慈氏當知此即名為
離惡語四種果報復次離無義語
亦四種報一者現在世中智人讚歎
心無卒暴而得安樂二者所出言教

大乘理趣六波羅蜜多經

卷第五

七

人皆信受應惡微薄三者於未來世所生之屬恒聞種種如意音聲四者漸次能得無上菩提獲無礙辯設彼三千大千世界所有一切天龍人非人等來詣佛所同於一時各各別問自所疑事時薄伽梵於一剎那以一言音悉能酬對皆契本心斷除疑網慈氏當知此即名為離無義語四種果報復次離貪嫉者亦四種報一者現在世中見他富貴不生貪嫉作是思惟彼人富貴皆宿福生以我貪嫉豈能侵奪以是因緣應永斷除慳貪嫉妬若不除斷常受貧窮無復威力以是義故菩薩觀之除其貪嫉於他富貴生隨喜心不捨毫釐獲大功德二者一切愛敬身心安樂無復憂惱威德自在能淨心中貪欲雲翳猶如夜月衆星圍繞貪嫉之心由斯微薄三者所生之屬常得端嚴六根圓滿財寶豐足衆人愛敬常行惠施無尋辯才衆衆無畏四者乃至證得無上菩提衆聖圍繞功德最上一切衆生同受教命慈氏當知此即名為離貪嫉

若四種果報復次離瞋恚者亦四種報一者於現在世六根聰利儀容可觀人所親附瞋恚之人猶如枯樹心中火然所有枝葉悉皆乾盡衆生亦不被瞋恚火熏習五根儀相枯槁人所惡見二者心無瞋恚一切惱害打罵訶責盡皆不起譬如有人持迦魯羅咒一切諸毒無能害之以無恚怒增長慈心以慈具言令三十六俱胝天魔鬼神悉皆摧伏奉慈真言無所損害三者於未來世以慈心梯上生梵天一劫安樂今諸衆生斷惡修善四者漸次能得無上菩提具足莊嚴三十二相八十種好熾然炳著無量功德蘊集其身慈氏當知此即名為離瞋恚人四種果報復次離邪見者亦四種報一者若離邪見修行正見於現世中離惡知識親近善友聞法信受未生不善令永不生已生不善令盡除斷未生善法修習令生已生善法修令增長此正見者一切善法之根本也二者能閉不善行門於大衆中名稱普聞心無疑悔三者於未

來世所生之屬遇善知識得善伴侶順於正見歸佛法僧更無異向於菩薩行無退轉心除滅罪惡增長福聚有漏無漏生死涅槃過患利益能善分別了達諸法無我我所無有執著住法性空正見力能究竟清淨四者所有三垂勝妙功德人不能測正見之力皆悉圓滿能為衆生作歸依處度脫有情出生死苦悉皆安置無上大乘乃至處於法王之位慈氏當知此即名為離邪見人四種果報復次菩薩摩訶薩非唯護持十善淨戒功德無盡乃至受持微細禁戒清淨功德亦無有盡何以故凡夫衆生受持禁戒取相果報一切有盡外道諸仙所有禁戒失通亦盡人間十善捨十善時戒亦隨失欲界諸天壽盡戒失色界諸天四靜慮中無色界天三摩鉢底捨生失定戒亦隨盡二乘無學入涅槃時戒亦隨盡若菩薩摩訶薩所受禁戒六十五種隨一一戒究竟清淨功德無盡云何名為六十五種謂不害衆生不行偷盜不侵他妻

不誑惑他不兩舌語忍嚴惡言不作綺語不生貪嫉見他安樂生歡喜心不起瞋恚惡言罵辱惡能忍受不起邪見尊重如來不師外道復次歸信佛戒心無疑濁故歸信法戒離欲真實故歸信僧戒和合最勝故尊重父戒生我身故尊重母戒養育我故尊重和尚戒生我法身故尊重阿闍梨戒教我執則故尊重大弟子戒戒我法身故一心戒輕重無差故無破戒於重故一戒不欺戒於輕不毀故不習三垂戒不求聲聞果故不習二垂戒不求獨覺果故離惡生惡戒不生邪見外道家故增長白法戒以淨式力隨願生故富貴相戒智者不嫌故端嚴式其心不乱故無毀訾戒於一切處不被譏訶故善護五根戒勤不放逸故名稱戒善解諸法故少欲戒無所希求故端直式衆善隨心故如說修行戒不違教命故大慈戒救度一切衆生故大悲戒拔一切衆生苦故大喜戒慶彼得樂故不捨戒離憎愛故知已過戒省察自心故不見他過戒護彼

意故布施戒救貧乏故攝持戒攝一切善法故忍辱戒不害衆生故精進戒勇猛不退故禪定戒定支增長故智慧戒聞法無厭故多聞戒求法無倦故近善知識戒修集覺分故離惡知識戒避險惡道故不惜身分戒剎那無常故不情壽命戒如救頭然故不追悔戒性本清淨故不虛假戒無變動故無熱惱戒內外清涼故無人我戒心謙下故不擇舉戒性安靜故不諂曲戒常實直故知衆生心戒善識物機故調伏心戒不濁亂故寂靜戒離誼雜故右遠戒順理行故救拔衆生戒行四攝法故護正法戒守護法財故圓滿諸願戒弘捨清淨故如來戒隨順如相故佛三昧戒圓滿一切佛法故慈氏當知此即善薩摩訶薩六十五種清淨戒身

等護心若金剛不得起於貢高我慢雖持此戒清淨如是比於無始所造惡業如大千界所有微塵此持戒善比彼惡業如一微塵既知如是云何持戒而生我慢

復次慈氏菩薩見諸衆生毀破禁戒不生輕慢而於自身更增持護復作是念我昔捨願令諸衆生堅住淨戒雖諸衆生難可化度我當勤加精進以淨戒船度破戒者出生死海到涅槃岸復次慈氏若諸衆生有此身者須四種物云何為四一者飲食二者衣服三者房舍四者醫藥善薩摩訶薩於此四事如法營求不以非法不自矜高多求無厭應當少欲知足支身譬如有人身患瘡苦求善良醫以藥塗附用衣裹之憂深密室卧更敷具但為治瘡非愛身故善薩如是以八苦身雖求良藥塗以飲食假以衣服處於房舍不樂此身色力壽命為修勝法安樂衆生除斷生死煩惱癰瘡善薩如是愛大衆中常省已過不毀他人遠離名譽若有讚歎之者皆自

思之如是名聞我皆無分我今自刻
多諸慙犯功德法中我無少分衆生
妄見言我有之菩薩以大悲心而為
依止以淨戒波羅蜜多而為伴侶復
次慈氏有是淨戒非波羅蜜多取
相持戒不為最勝之尸攝受但名淨
戒非波羅蜜多何以故但獲三界有
漏果報壽盡無故若普為一切衆生
護持禁戒觀第一義空無我人相而
為有情護持禁戒是則名為淨戒波
羅蜜多能令衆生速得無上正等菩
提又此淨戒波羅蜜多與諸有情而為
示導復與一切無信有情生淨信故
能與有情作伏藏故復與一切有情
作無價寶珠瓔珞嚴身故復與一切
有情作上妙塗香故復與一切有情
作大名聞故又此淨戒波羅蜜多能
與在家出家一切有情若老若少平
等端嚴故不起我慢增上慢離諸過患
威儀清淨無諸怖畏能得阿耨多羅
三藐三菩提最勝法王云何能知戒
為第一若有衆生能持淨戒雖處卑
賤而非族姓豪貴尊嚴亦非自力能

益他人以是淨戒波羅蜜多能令一
切天龍藥叉人非人等國王大臣刹
帝利婆羅門長者居士悉皆歸敬禮
拜供養尊重讚歎廡下之人受持佛
戒尚得如是恭敬尊重況餘尊貴之
人護持禁戒成就圓滿淨戒波羅蜜
多當知護淨戒者行住坐卧及經行
處其地吉祥一切人天應取其土頂
戴供養以是當知持淨戒者於諸衆
中而為第一最高最上最上最上最上
波羅蜜多究竟圓滿

大藏經起經卷第五

丙午歲高麗國大藏都監奉
勅雕造

大藏經起經卷第五

第廿八

九

大藏經起經卷第六

桓

別實國三藏般若奉 詔譯

安忍波羅蜜多品第七

今時佛薄伽梵顯說如是淨戒波羅蜜
多已時慈氏菩薩即從座起偏袒右
肩右膝著地頂禮佛足而白佛言世
尊菩薩修行安忍波羅蜜多云何進
求而得圓滿然此安忍復有幾種若
修行者功用如何唯願開示我等樂
聞

今時佛薄伽梵讚慈氏菩薩摩訶薩
言善哉善哉汝今為欲利益安樂一切
衆生能問如是甚深義趣汝今諦聽
善思念之吾今為汝分別解說善男
子當知生死涅槃悉皆平等以無分
別是名安忍波羅蜜多復次若有愚
下狂亂衆生來罵辱者安忍受之譬如
醉為難可禁制應以鐵鈞而調伏
之瞋心醉為亦復如是以忍辱鈞而
制禦之今其調伏名為安忍波羅蜜
多復次若諸有情為彼三十六俱所
天魔鬼神藥叉羅刹而來侵害菩薩

雅將安忍波羅蜜多能破彼軍乃至八萬四千煩惱怨賊欲摧伏者亦以安忍而除滅之非唯如是天魔大軍煩惱怨賊乃至極下微小怨賊亦以安忍而調伏之是名安忍波羅蜜多復次譬如王子善習王法父王崩已次紹王位當以正法頒告四方率土之內悉皆奉行五種正法云何為五一不斷生命二不行盜竊三離欲邪行四不虛誑語五不分外賊稅財物若王境內有犯殺者其王便獲第六分罪偷盜邪行及以妄語亦復如是何以故若法非法王為根本於罪於福第六一分皆屬於王菩薩摩訶薩亦復如是心為國土大悲為王以五忍法宣布境內所謂打罵忿恚戲弄如是五法皆安忍之若違犯者獲大重罪復次慈氏譬如農夫欲種植時為引水故先理溝渠興功之次中遇山石穿掘元由於斯便止菩薩摩訶薩則不如是於生死流轉大曠野中欲穿智渠引甘露水既修習次遇瞋恚石無方除遣唯有安忍審諦觀察而

穿破之復次一切國王大臣長者居士恒以瓔珞而為莊嚴諸佛法王菩薩等常以安忍瓔珞而自嚴身若遇衆生非理欺負大悲安忍而救護之又此安忍與慈氏譬如尼而為師範以信造念定慧而為樹林以淨戒為枝葉於此林內瞋火欬起焚或枝葉無由撲滅以安忍雨而得滅除現在未來一切苦難永無憂患元安忍者於現世中行住坐卧无有安樂於未來世宜有樂耶菩薩摩訶薩以安忍力而為甲冑彼造罪人為旃荼羅以瞋恚手執妄想弓放箭語箭射安忍甲而彼弓箭自然摧折安忍甲冑一無損壞其碎弓箭變為蓮花當知菩薩如是修行是則名為安忍波羅蜜多復次譬如世間阿伽陀藥能除自他一切毒病菩薩亦亦忍伽陀藥能治自他一切瞋恚煩惱毒病是名安忍波羅蜜多譬如世間明月寶珠商主持行度大曠野砂磧之中絕無水處於夜月中持珠向月以器承之水即隨出商主飲之得度曠野菩薩亦亦持此

安忍明月寶珠度於生死曠野磧中絕無智水煩惱之趣於佛智月持忍辱珠承佛法水菩薩飲之出於生死至涅槃岸復次慈氏譬如大地一切草木依之得生一切有情依之而住安忍亦亦一切菩薩摩訶薩於十地中修習六種波羅蜜多依之生長由斯而住復次如有梯陞極為高大衆生登陞直至梵天安忍之梯高大亦亦菩薩登陞至天中天復次如巧畫師畫種種像莊嚴成就安忍畫師亦復如是在嚴功德圓滿成就復次譬如虛空起大密雲降注洪雨瀑水汎漲漂蕩一切草木花果入苑伽河轉至大海菩薩亦亦心如虛空能起一切大悲密雲降大法雨安忍瀑流漂蕩一切瞋恚草木愚癡華果流入智河轉至涅槃清淨大海復次菩薩雖見生死流轉諸苦以安忍力代為受之經無量劫不辭厭倦亦無棄捨而取涅槃復次菩薩摩訶薩以安忍力能捨一切頭目髓腦身肉手足及與身命心元悵惜凡夫無智聞之驚怖身毛皆

堅何能捨之菩薩如是以安忍力所生之豪容貌端正一切衆生之所樂見於大會中常為諸佛之所偏歎復次菩薩摩訶薩安住忍力堅固不動如妙高山旋嵐猛風所不能動忍妙高山亦復如是瞋恚猛風所不能動復次一切外道因惡知識生邪見心修諸苦行裸形自餓五熱炙身投巖赴火謂得生天不信正法菩薩見已起大悲心示同苦行倍過於彼是諸外道尊敬菩薩以為師範然後導之示以正法今彼邪徒住於正見復有外道而作是言此身有我住在心中如大母指而無障礙亦無形相唯天眼者方得見之而此眼根為我侍者眼既得已尋報我知耳鼻舌身意亦如是以此因緣若有衆生毀罵我者人能殺之得生天上忍受罵者死墮三塗譬如多人同事一將若毀我將衆共殺之若不殺者衆人有罪菩薩以安忍力隨彼邪見皆忍受之以種種方便除彼邪見譬如時雨隨彼草木而能滋潤增長成實菩薩安忍亦復

如是今時薄伽梵而說須言如天欲雨蟻出穴聚土為封作穴居父母不淨集成身妄識於中執為我相續色力恃豪強智考諦觀如幻焰一念之頃作微塵如鳥踏封皆散壞胸息剎那速生滅行住坐卧皆為苦若了色身苦無常智人於此何貪著諸天梵住苦行者毒蛇視觸無能害設有中傷咒藥解無常毒救誰為救善法易修惡難捨欲樂敗類苦貪求智者觀之無所成猶如垢衣贊金染菩薩摩訶薩應為外道說無我法汝所執我為在內耶為在外耶前際來耶後際去耶汝言有者汝命終時應不能救既不能救明知無我譬如忠目一心奉主若在危難主必救之今既不能定知無我若有我者應得自在云何乃被無常壞耶而諸衆生被無常鬼衆苦所逼肢節分離奪然而逝若有我者應得免之既不免離故知無我我是因緣汝諸外道從無始來奉事於我造諸惡業受苦無窮當知此我無少忍分汝久事他捨汝而

云遂將汝身付諸惡獸狂狼虎豹而為噉食然我棄汝別覓餘身從無始來捨棄汝等若計其數無量無邊現在未來亦復如是復次汝若謂心即是神我身為僮僕當知此身即是我所從元始來受身無量莫知其數如是諸身為我耶為多我耶若我多者即是無常以無常故我義不成若我是一即應常住恒守一身不應移去以不住故一亦不成由此因緣汝應思察多我一我義並不成以是當知心非是我復當觀察身非我亦非僮僕身若屬我行住坐卧生老病死須我處分我未教勅相次而來明不屬我若屬我者生應常生不應老死行住坐卧亦復如是改易非常定非我所以此定知無我我所復次當知所執我者汝之大怨何以故汝於前世積集善根五欲果報今世受盡現在造作種種惡業以業力故付與獄卒若有我者何不相救菩薩摩訶薩以安忍力於我我既惡鬼之中救拔有情置正見豪離

我我所見一切法本性空寂是名菩薩修習安忍波羅蜜多復次慈氏猶如有人為護子故造作呪術令諸惡鬼不得侵害菩薩亦令用安忍呪護諸眾生雖生等怨賊無能損害復次慈氏譬如有人為刺刺脚欲以諸皮遍覆大地於上遊行免有憂患智者問曰汝所求皮欲作何事此人具報如上因緣智者訶云咄哉愚人不應如是但以少皮用充革屣足得行李不被損傷何用多皮覆於大地凡夫眾生亦復如是遍造怨害持刀欲殺大地怨家菩薩見之深生悲愍但以安忍而為革屣護安身心何有眾怨持刀遍害是則名為安忍波羅蜜多譬如有人以毒惡言種種毀罵菩薩聞之不應卒暴而起瞋心當觀察之如是罵者為是誰耶受毀罵者復是誰耶彼此二身各十二處眼耳鼻舌身處可與聞聲鼻處齧舌處嘗味身處覺觸意處知法而是眼處實非是我

大乘理趣六波羅蜜多經

第八卷

恒

若非我者自他取受誰過失耶若有過者應須治罰如是觀察俱無過失既無過失誰受誰罵而瞋恚耶如是觀察乃至法處亦復如是十二處外更無一物罵者受者二俱是空以此思惟瞋心頓息若聞惡語應諦觀察如是語言何者是虛惡語二字生不同時虜時非語語時非虜剎那生滅各不相待二字尚無況多毀罵以是觀察百千劫中作是虛言不成罵辱又復觀察能罵之人及所罵法二俱無常剎那不住何有瞋耶以是當知過去已滅未來未至現在不住罵法既空我身亦亦同彼无常生滅不住以不住故一切皆空作是觀時無重怨賊一時消滅若離此觀取相分別但名安忍不得名為波羅蜜多五蘊無我乃至十八界等悉亦無我如幻如化毀讚平等本性空寂亦復如是復次慈氏菩薩摩訶薩見毀罵者當生憐愍如是之人瞋魔所持煩惱所覆作是毀罵我今為欲辟除此魔應善修學忍陀羅尼不生瞋恨無令瞋

大乘理趣六波羅蜜多經

第九卷

恒

恚及餘煩惱損害眾生我若瞋者鬼魅我身由此因緣於彼罵者生大悲愍而安忍之雖能如是但名安忍若離分別則是則名曰波羅蜜多復次慈氏菩薩摩訶薩行安忍時若見有人執持利刀斷其手足當於是人生欣慰心善知識想猶如有人施已歡悅我於今者得大福報於彼受者常懷恩德傍人見之皆生隨喜菩薩亦亦見割截者生大慶慰除我罪業施我法財由為我故受惡名稱失於人天解脫之樂受三塗苦以是因緣為我善友作我良伴成我安忍波羅蜜多我於彼人應生敬重乃至菩提不忘恩德況反生瞋若起瞋恚是負恩德由是緣故倍生敬心作善師想雖能如是難忍能忍由於自他未云分別但名安忍不得名為波羅蜜多復次善薩住閑寂處而有人來謗菩薩言汝不與取作姪欲行打罵治罰菩薩摩訶薩而安忍之作是思惟非他過失是我宿世曾謗於他打罵治

大乘理趣六波羅蜜多經

第十卷

恒

尋以我餘殃招彼治責彼因害我當
墮惡趣應於是入生大悲愍復自思
惟我今此心極為新詐畏墮地獄生
安忍心又欲自成忍波羅蜜今割截
者當墮三塗如是思惟深生慙愧苦
薩是時見已過已於割截者生媿惡
心善知識想深生尊重但名安忍非
波羅蜜多何以故由於自他有分別故
復次菩薩了願憲法諸苦所因知行安忍
萬行根本以是因緣而行安忍但名安忍
非波羅蜜多何以故由於善惡生分別故
復次菩薩觀五蘊身五種過失衆苦
所集剎那無常五種不淨三十六物
無我我所一切皆空外道邪見執身
安樂常住無變是清淨法有我我所
菩薩諦觀此五種法一切有情亦復
如是既知是已聞罵不瞋讚譽不喜
但名安忍非波羅蜜多

大乘經疏卷第六

第三十

經

無忿是安忍無諍論是安忍不染欲
境是安忍能護自他是安忍順菩提
心是安忍無分別心是安忍不著生
死是安忍順業果是安忍身清淨是
安忍口意清淨是安忍堅固不退是
安忍言說自在是安忍無過計是安
忍自覺聖智是安忍將護彼意是安
忍脣四梵行不隨擇生是安忍於人
天樂得自在是安忍相好圓滿是安
忍梵音深妙是安忍滅除諸惡是安
忍遠離慳垢是安忍除斷嫉妬是安
忍捨諸怨賊是安忍近菩提分是安
忍離諸不善是安忍樂處寂靜是安
忍獲諸佛法是安忍慈心如是三十
二種安忍波羅蜜多菩薩修行能得
無生法忍速成阿耨多羅三藐三菩提
復次慈氏云何名為安忍波羅蜜多
若人惡罵當觀此聲猶如谷響若被
打時當觀此身猶如鏡像若被瞋時
當觀此心猶如幻化若見忿怒當觀
此心性無誼動若得利養當觀此心
自性調伏不生歡喜若失利養當觀

大乘經疏卷第六

第三十

經

此心善妙寂靜不生瞋惡若遭毀謗
當觀此身猶如虛空不應加報若遇
讚譽當觀自身性無我憍而不高舉
若得憐歡當觀心性本來空寂不生
忻慰若被譏嫌當觀本心性離怖受
不生憂感若遇苦時當觀法性本無
逼迫不見苦相若受樂時當觀實性
常住不變無苦樂相菩薩摩訶薩住安
忍時如是八風不能動轉何以故以菩
提心住真實相離於彼我見法身故復
次有不安事皆忍受之為欲降伏諸魔
怨故當行一切難行苦行為調外道諸邪
見故慈氏當知我今略說安忍波羅蜜多
復次慈氏若觀無常離彼我相心得
安忍非真實忍若觀諸法善不善相
心得安忍非真實忍若復諦觀十二
處忍於諸根塵離患罵相而得安忍
非真實忍若觀惡罵以為顛倒忍為
真正辯邪正忍非真實忍復次見忍
有理惡罵無理此取相忍非真實忍
復次住八正忍離八邪忍道非道

大乘經疏卷第六

第三十

經

忍非真實忍復次不觀諸法無常
無我不淨苦忍難觀諸法常樂我
淨無生法忍此相違忍非真實忍
復次於空法忍諸見不忍無相法忍
有相不忍無願法忍有願不忍無行
法忍有行不忍無煩惱法忍有煩惱
不忍諸善法忍非善不忍出世法忍
世間不忍無過法忍有過不忍無漏
法忍有漏不忍涅槃法忍生死不
忍如是諸忍是對治忍非究竟忍
今時慈氏菩薩摩訶薩白佛言世尊
如是忍者既非究竟云何名曰究
竟忍耶唯願如來分別解說今時
薄伽梵告慈氏菩薩摩訶薩言善
男子真實忍忍以正智慧了一切
法本性皆空即此空性與一切法本性
無二故一切法性空性正智本性清
淨無二無二分無別無斷故以是當
知世間法即是空空即是世間法二
法本性不相離故如是忍者名究竟忍

大乘理趣經卷第六 第十四頌 和

復次以正智慧了一切法性即無相
性無相性即一切法本性無二故一
切法性本無相性正智本性清淨無
二無二分無別無斷故以是當知一
切法即無相無相即一切法二法本
性不相離故如是忍者名究竟忍
復次以正智慧了一切法性即無願
性無願性即一切法性本性無二故
無願性一切法性正智本性清淨無
二無二分無別無斷故是以當知一
切法即無願無願即一切法二法本
性不相離故如是忍者名究竟忍
復次以正智慧了一切行性即無行性
此無行性與一切行性本性無二故
一切行性無行性正智本性清淨無
二無二分無別無斷故乃至如是忍
者是究竟忍復次以正智慧了煩惱
性即無煩惱性無煩惱性則煩惱
性本性無二故煩惱性無煩惱性
性正智本性清淨無二無二分無
別無斷故乃至如是忍者是究竟忍
復次以正智慧了一切善性即不善

大乘理趣經卷第六 第十三頌 和

性不善性即一切善性本性無二故
善性不善性正智本性清淨無二無二分
無別無斷故乃至如是忍者是究竟忍
復次以正智慧了出世法性即世間
法性世間法性即出世間法性本性無
二故出世法性世間法性正智本性
清淨無二無二分無別無斷故乃至
如是忍者是究竟忍復次以正智慧
了無過失性即過失性過失性即無
過失性本性無二故無過失性過失
性正智本性清淨無二無二分無別
無斷故乃至如是忍者是究竟忍
復次以正智慧了無漏法性即有漏
法性有漏法性即無漏法性本性無
二故無漏法性有漏法性正智本性
清淨無二無二分無別無斷故乃至
如是忍者是究竟忍復次以正智慧
了涅槃性即生死性生死性即涅槃
性本性無二故涅槃性生死性
性正智本性清淨無二無二分無別
無斷故乃至如是忍者是究竟忍

大乘理趣經卷第六 第十五頌 和

佛告慈氏如是真實究竟安忍於一切法非自非他非有非無非生非不生非滅非不滅獲此忍者名真究竟無生法忍是名安忍波羅蜜多佛說此安忍波羅蜜多時慈氏菩薩而為上首與無量諸大菩薩摩訶薩眾及此大會異口同音讚薄伽梵言善哉善哉希有善逝甚奇世尊即以無量珍妙供具而供養之所謂種種妙香瞻蔔花香摩香塗香末香種種花鬘衣服繒綵幢幡寶蓋擲虛空中以為供養種種音樂而為娛樂種種歌頌讚歎如來是諸眾生聞佛說此安忍波羅蜜多不驚不懼不怖不畏悉得如來真實法忍所散香花種種供養在虛空中遍滿三千大千世界

此時薄伽梵告慈氏菩薩摩訶薩言善男子汝應安置如是種種花香衣服乃至幡蓋時慈氏菩薩摩訶薩白佛言世尊我已安置如是香花種種衣服各各置在諸菩薩等天龍眾會本身之中而為處所此時慈氏菩薩

大樂經卷第六 第十七 頌

說是語已即入一切色身三昧入是定已所有三千大千世界遍滿虛空種種花香衣服繒綵乃至幡蓋以定力故悉入慈氏廣輪之中不相障礙而諸供具亦不減小菩薩之身亦不廣大

此時無盡藏菩薩摩訶薩問慈氏菩薩摩訶薩言善男子此三昧名字何等住此定中能令如是諸供養具悉入廣中汝身不增眾物不減慈氏菩薩言善男子此三昧名普入一切色身三昧無盡藏菩薩復言大士此三昧神變境界其事云何慈氏菩薩言仁者三千大千世界一切所有入我廣輪我身不增彼像不減何以故法性如是此時會中或有菩薩天龍鬼神人非人等竊作是念我等欲見是三昧境界神變不知云何此時薄伽梵知諸菩薩天龍大眾心之所念告慈氏菩薩摩訶薩言善男子汝當現此三昧神變令眾同知時慈氏菩薩久已修習如是三昧善得純熟無諸障礙今諸菩薩他方大眾

大樂經卷第六 第十八 頌

及在此會諸苾芻僧及佛世尊一切悉入慈氏身中而諸有情亦無驚怖得未曾有身心安樂譬如東方過無量阿僧企耶世界有世界名寶瓔珞莊嚴而彼眾生所受用物皆以種種珍寶而為莊嚴受諸快樂而此身中天人眾所受快樂如彼世界等無有異此諸大會皆悉了知在慈氏身都無障礙

此時慈氏菩薩還攝神力時諸大眾及佛世尊各復本座儼然而住是諸大眾一切有情都不覺知有往來相此時無盡藏菩薩白慈氏菩薩言希有大士此三摩地神變之事得未曾有昔所未見慈氏菩薩言仁者非但此會一切大眾入我身中設以三千大千世界諸妙高山及十寶山大鐵圍山大海江河日月星辰天宮龍宮諸尊神宮五趣四生人非人等悉內身中亦無妨礙我身不增彼亦無減是諸眾生亦不覺知有往來相法性如是況此會耶時薄伽梵說此安忍波羅蜜多及現大神變時會中有七

大樂經卷第六 第十九 頌

十六那度多人天皆發阿耨多羅三藐三菩提心三萬二千菩薩皆得無生法忍佛告慈氏若有善男子善女人暫聞此安忍波羅蜜多名能生信心是人必定不墮地獄鬼趣傍生於阿耨多羅三藐三菩提永無退轉我今說是安忍波羅蜜多究竟圓滿利益安樂一切衆生

大乘理趣六波羅蜜多經卷第六

丙午歲高麗國大藏都監奉

勅雕造

大乘理趣經卷第六

第三張

大乘理趣六波羅蜜多經卷第七

恒

精進波羅蜜多品第八

劉國三藏 梵者奉

詔譯

今時薄伽梵說是安忍波羅蜜多已時慈氏菩薩摩訶薩即從座起偏袒右肩右膝著地合掌恭敬而白佛言大聖世尊已說安忍波羅蜜多應當廣說精進波羅蜜多菩薩摩訶薩應云何住云何降伏云何修行云何圓滿精進波羅蜜多唯願世尊分別廣說今時薄伽梵告慈氏菩薩摩訶薩言善男子汝今諦聽善思念之吾當為汝分別解說所謂修餘五種波羅蜜多皆精進力而能成就精進波羅蜜多謂身口意此三善業皆因精進方得發生於三業中意業最勝菩薩摩訶薩修習意業有二種心一者精進二者退轉所謂發起菩提心是精進止息菩提心是退轉云何發起於諸有情起大悲故云何止息住我空故云何發起攝取一切衆生故云何止息捨一切衆生故云何發起於生

死中無疲倦故云何止息求出三界故云何發起一切衆生故云何止息輕心不施故云何發起堅持淨戒故云何止息毀犯禁戒故云何發起善住安忍故云何止息不修忍辱故云何發起修集善根故云何止息懈怠慳慳故云何發起住禪定故云何止息散亂故云何發起智慧相應故云何止息無明相應故云何發起多聞善說故云何止息不聞正法故云何發起積集智慧故云何止息取相分別故云何發起觀蘊如幻故云何止息於蘊生厭故云何發起知處如夢故云何止息永滅根境故云何發起觀界無生故云何止息滅身滅智故云何發起增長梵行故云何止息捨實智慧故云何發起五通自在故云何止息厭離有漏故云何發起正觀念處故云何止息不修念住故云何發起正斷相應故云何止息不行正斷故云何發起神足自在故云何止息神足不具故云何發起勤習五根故云何止息不增五根故云何發起樂

大乘理趣經卷第七

第二張

修五力故云何止息不修五力故云何發起圓滿覺支故云何止息不具七覺故云何發起勤修正道故云何止息不修八正故云何發起修奢摩他故云何止息不善修止故云何發起正觀緣生故云何止息厭患緣生故云何發起聞所未聞故云何止息以有所聞故云何發起以戒嚴身故云何止息厭患蘊身故云何發起辯說無尋故云何止息無學默然故云何發起修習三解脫門故云何止息不修三解脫門故云何發起降伏魔怨故云何止息樂著涅槃故云何發起善修方便故云何止息愛樂寂靜故云何發起進求不息故云何止息所作已辦故云何發起了俗諦故云何止息證滅諦故

佛告慈氏如是種種精進行法皆精進力而能圓滿無增無減方能利益一切衆生所以者何以能遠離一切相故皆由智力而能圓滿精進波羅蜜多云何菩薩摩訶薩修習事業所謂修習大慈大悲不捨有為證真無

為不退不轉乃至無上正等菩提慈氏當知此即菩薩摩訶薩意業清淨精進波羅蜜多復次慈氏菩薩摩訶薩有四種精進云何為四所謂未生不善能令不生已起不善速令除滅未生之善當令速生已起之善能令增長慈氏當知此即菩薩摩訶薩四種精進若無此四云何圓滿精進波羅蜜多菩薩摩訶薩所起精進乃至布施持戒安忍精進難捨難作能作如是種種難事精勤勇猛心無懈倦所修勝行一切諸天釋梵護世所不能作何以故菩薩摩訶薩廣度衆生出生死海而無度相皆精進力之所成辦是則名為精進波羅蜜多復次慈氏懈怠衆生所修事業功力微少猶如水滴不至大海懈怠之人亦復如是不能得至無上菩提譬如有人手足俱無行住坐臥不得隨心乃至微小作業皆不成就如是之人豈能越渡江河大海懈怠衆生無精進足亦復如是此懈怠人於家事業尚無所成豈有慈悲具修戒慧能度

有情出於火宅修行菩薩六波羅蜜菩提資糧菩薩摩訶薩以精進波羅蜜多而為船筏三無數劫福智所成與諸有情同乘此船超越生死大海彼岸復次世間衆生總有三種一者懈怠二者非勤非惰三者精勤勇銳言懈怠者於已家務悉亦棄捨況能為他營昇事業非勤非惰者於大事業都不能作設欲進求遇緣便退勤惰進者恒為有情受大勞苦但利益彼無念已身家情之人為懈怠鬼常所拘執惑亂身心譬如有人入於大海至七寶山於是山中寶珠無量方欲採取為鬼所著欲感之間徒步而返不獲一寶裸露而歸懈怠衆生亦復如是此瞻部洲福德之地十善業力來生其中菩薩觀之無量無邊十善珠寶遍滿大地而諸衆生為懈怠鬼之所魅著狂亂失心設見妙寶都無取心如妙高山不可移動若精進人取斯寶物不足為難如舉一毛菩薩摩訶薩為欲圓滿精進波羅蜜多普為衆生從無量劫生死長夜不惜軀

命勤行精進方至菩提菩薩觀之心
無懈倦猶如食頃復更思惟過去諸
佛行菩薩行為欲滿足六波羅蜜經
無量劫亦如食頃菩薩摩訶薩復觀現
在未來無量無邊一切諸佛行菩薩

行經無量劫方成正覺如是劫數難
可校量譬如有城極為高廣四面高
下各百由旬於此城內滿中油麻經
百千劫除去一粒如是劫數漸漸除
一乃至城空為一大劫如是大劫積數
滿三阿僧企耶菩薩摩訶薩經如是
劫常為五趣一一有情勤行精進受
諸苦惱方至菩提譬如大地末為微
塵如是微塵寧為多不慈氏白佛言
甚多世尊佛告慈氏假使衆生如彼
塵數菩薩為彼一一有情如上劫中
勤行精進不惜身命受諸苦惱然後
乃成無上菩提菩薩摩訶薩復應如
是思惟我於過去如前劫數勤加精進
具足圓滿六種波羅蜜多得不退轉
方至菩提作是思惟如是長遠勇猛
精進況於人間年月劫數而比於彼
如剎那頃而成正覺何不進求菩薩

摩訶薩應勤精進堅固其心所捨頭
目髓腦手足支節無所怪惜如是思
已一心精進恒無懈倦此即名為菩
薩摩訶薩精進波羅蜜多時薄伽梵
而說頌言

世間諸果實皆由精進生 大地水火風
根塵由彼有貪患癡疑或皆由懈怠生
菩薩於此中常懼如毒蛇前如人有技藝
懶惰無所成懈怠諸男女慈母不所見
有智勤精進菩薩行成就 是人開覺花
能成佛果位 智人常勇猛了達深義趣
愚癡懶惰人 世所不稱讚 若人無精進
亦無世名譽 無善法資糧 如善哉不淨
如草及墻石 猶堪世所用 懈怠懶惰人
一切無堪用 譬如衣垢弊 亦如花鬚萎
人若無精進 端正不任用 如人有名稱
由精進安忍 無忍無精進 非女亦非男
懈怠乏資財 卑賤多驕慢 常懼他人語
家務悉不成 如是無精進 雖有衆技藝
恒被人所輕 如地無毒氣 雖無諸技藝
唯有勤精進 佛果大菩提 決定皆成就
一切修福業 皆由精進力 如欲受使者
專待王教勅 精進算貴本 應當勤勇猛

菩薩無修行必成無上果 恒住於精進
智者所稱讚 無智識由天 邪見生死本
智者住正見 捨天而精進 應當勤勇猛
能度於彼天 愚劣無精進 捨勤而事天
智者樂精進 遠離於天教 天命及精進
愚智有差殊 信天邪見因 精進招勝果
如有地無種 耕墾何所益 無勤亦復然
天命何所獲 譬如風吹火 隨小漸成大
精進亦復然 善法而增廣 能行諸難行
而獲增勝果 身命無慘惜 當紹於法王
今時佛告慈氏菩薩摩訶薩求菩提
時探精進甲以大擔願而為器仗日
夜精勤增長功德猶初白月漸漸圓
滿譬如有人聞彼遠方有佛舍利窠
堵波塔及有善說正法之人此人聞
已歡喜踊躍不待資糧乘車伴侶徒
跣而往詣彼塔廟所經道路唯是猛
火及布利刀是人勇銳其心不退決
定前進達於彼所瞻禮佛塔聽聞正
法於火刃中舉足下足步步思惟而
發是願我於今日刀火中行得聞正
法願我當於生死大苦之中拔濟有
情置於涅槃安樂之處菩薩摩訶薩

發是願已雖踐刀火如履蓮花足下柔軟如須臾那花復似拈檀香水而洒其上清涼芬馥無以為喻復作是願我從今日乃至無上正等菩提於是中間身口意業常作佛事若行餘事願我此身如枯槁木口說餘言願我瘖瘡意思餘法願我狂亂除正法外自餘音教無所樂著如是三業所修諸善皆悉迴向無上菩提復願一切眾生咸成正覺功德无盡廣大如法界究竟若虛空窮未來際元有休息辭如虛空雲霧弥布降注大雨若至陸地砂鹵之處不久便乾若雨一滴入大海中海水未竭其雨無盡菩薩所作功德亦復如是若為自身求於解脫如陸地雨不久還乾若為法界一切有情修於善業投涅槃海以大悲願眾生無盡善亦無盡復次慈氏譬如菩薩壽命無量往於東方經過无量俱胝三千大千世界所經國土眾生之類悉皆令得大般涅槃安樂之處如是無量阿僧祇劫廣度眾生我今觀之如爪上土其未度者如

大藏經卷第七

第九卷

恒

大地土如是東方世界未度既然南西北方四維上下亦復如是雖有如無量有情菩薩摩訶薩亦不厭捨而生退轉勤行精進終無休息菩薩摩訶薩能發如是廣大之心無有少法難修行者於三界中所有福智尊貴自在無勞功力自然得之佛告慈氏菩薩摩訶薩於諸世間所有過去現在未來一切眾生學無學人及辟支佛如是有情精勤修集無量無邊所有功德比於如來一毛功德百千萬分不及其一如是所有一一毛端皆從如來無量功德之所出生如來之身一切毛端所有功德共成如來一段功德如是佛髮八萬四千一一髮中各具如上一毛端功德如是合集共成如來一隨好功德如是隨好具八十種一一好中各有如上佛髮功德如是合集共成如來一相功德如是諸相具三十二各具如上隨好功德如是合集至百千倍成佛眉間毫相功德其相圓滿宛轉右旋如頗伽迦寶明淨鮮白夜闇之中猶如

大藏經卷第七

第九卷

恒

明星毫相舒之上至色界阿迦臆吒天卷之如膚復為毫相於眉間住以此毫相所有功德至百千倍成佛頂上肉髻之相所有功德無有人天能見頂者如是肉髻千倍功德不及如來梵音聲相所有功德其聲下徹阿鼻地獄上至色界究竟天中如有所說無量功德皆是如來大悲化現如是化身皆由無量功德集成無比無喻無與等者如是化身千倍功德成佛報身如是報身所有功德百千萬倍成佛法身所有功德莫知其量若有善男子善女人聞說諸佛如來無邊功德不驚不怖不畏者當知是人成就精進波羅蜜多應發如是廣大之心佛身功德無量福聚我今觀之指當修證勤行精進不惜身命為一切眾生於無量劫受三塗苦心不生悔皆令圓滿具足成就六種波羅蜜多得成無上正等菩提佛告慈氏菩薩摩訶薩善男子應當諦觀佛之智慧汝今諦聽當為汝說如舍利弗諸賢聞中智慧第一此瞻

大藏經卷第七

第十卷

恒

部洲北廣南狹如類車廂周匝七千
踰繕那量東勝身洲形如半月周匝
八千踰繕那量西牛貨洲形如滿月
周匝九千踰繕那量北拘盧洲地形
畧方周匝十千踰繕那量妙高山王
其相四方入水八萬踰繕那量四寶
合成出水等四寶合成同圓四寶
各有八萬踰繕那量此外即有金山
七重周匝圍繞有八海水最外復有
大鐵圍山如是四洲及諸山王用為
紙素八大海水以為其墨一切草木
用為其筆一切入天一劫書寫比舍
利弗所得智慧十六分中不及其一
又於此三千大千世界其中眾生所
有智慧如舍利弗等無有異菩薩摩
訶薩了達布施波羅蜜多所有智慧
過彼百倍又此三千大千世界所有
眾生皆具布施波羅蜜多智慧不及
一菩薩摩訶薩所得淨戒波羅蜜多
智慧乃至般若波羅蜜多亦復如是
又此三千大千世界所有眾生皆具
如是六種波羅蜜多智慧不及一初
地菩薩摩訶薩所得智慧乃至十地

菩薩摩訶薩所得智慧長轉倍增亦
復如是又此十地菩薩所得智慧比汝
慈氏一生補處菩薩摩訶薩所得智
慧百千分中不及其一時慈氏菩薩
聞佛語已而作是念今者如來在大
衆中作是稱讚緣生懷慍今時佛薄
伽梵告慈氏菩薩摩訶薩言善男子
汝今諦聽於此三千大千世界一切
眾生所有智慧皆如慈氏等無有異
如是等菩薩摩訶薩諸菩提樹坐於
道場降伏魔怨將成正覺所有智慧
於佛如來所得智慧百千萬分不及
其一慈氏當知如來智慧甚深無量
不可思議亦非譬喻之所校量若菩
薩摩訶薩聞是諸佛甚深智慧不驚
不怖不畏者應加精進成就波羅蜜
多懈怠之人世間小善尚不成就況
於如來大智彼岸而能廣度一切眾
生復次慈氏有三種精進云何為三
一者聞此甚深如來廣大智慧心不
傾動二者能隨過去諸菩薩摩訶薩
大悲之行三者所行之行設逢苦難
心不退轉又以精進力觀察一切世

出世間情非情境皆悉是空以觀如是
勝義空故無一眾生有相可得雖知
無相而為眾生於無數劫修諸苦行
不辭勞倦常以四攝布施受語利行
同事攝取有情故以三乘令得解脫
次復安置於最上乘得不退轉一切
行願皆悉成就具足圓滿精進波羅
蜜多諸佛如來與受記別近無等等
無上菩提猶如白月十四日夜漸向
圓滿菩薩亦於佛菩提漸向圓滿
得無功用自然獲得十種勝事云何
為十一者諸佛正法不由聽習而悉
現前能為有情宣說妙法二者不思
議力自然能發堅固誓願能令一切
眾生發菩提心三者而得自在身口
意業隨願現生一切無碍四者能現
種種神通變化隨心自在無所障碍
五者能作希奇未曾有事皆得自在
六者受生自在於五趣中隨機利益
而能生彼亡者寶藏隨生賜給無盡
八者常為心師不師於心無有卒業
如調伏象九者自然覺悟生死涅槃
二皆平等不由師訓十者得無上智

利樂有情方生死中拔濟令出置於三乘涅槃正路究竟無上正等菩提復次精進之人於生死中說諸過患顯六涅槃無量功德大悲般若常所輔翼由斯不住生死涅槃利樂有情窮未來際是即精進波羅蜜多復次精進之人聽聞正法極持自在以精進力身無疾病一切怨害慈心相向微那夜迦作障導者無所能為菩薩言教悉皆承順復次精進之人一切諸天恭敬愛念危難之中一切善神之所擁護復次精進之人小有所施而能圓滿檀波羅蜜多復次精進之人護持淨戒不為煩惱之所攝受速能圓滿淨戒波羅蜜多復次精進之人善能安忍怨親平等無有二心速能圓滿安忍波羅蜜多復次精進之人勇猛不退被精進甲大慈大悲恒不捨離速能圓滿精進波羅蜜多復次精進之人勤修靜慮於三摩地安住不動速能圓滿禪波羅蜜多復次精進之人多聞智慧誦誦無倦

大乘理趣經卷第七

第十五頌 桓

而無懈怠速能圓滿般若波羅蜜多然此般若波羅蜜多甚深大海一切聲聞獨覺及諸菩薩無有方便而能測量唯有精進波羅蜜多而能究竟復次精進之人日夜增長無量功德如青蓮花生淤泥中日夜增長漸舒出水其華開敷香氣芬馥見者咸悅取以作鬘置佛頂上若天魔梵國王大臣長者居士一切人民皆悉愛樂精進之人亦復如是於彼生死淤泥之中生善提芽出二乘執開真實相顯示涅槃種種教義香氣芬馥遍十方界利益人天如青蓮花人皆愛樂是則名為精進波羅蜜多復次懈怠之人猶如春井有二種事一者不能自使日益損壞二者不能自立弃地即臥漸不堪用以火焚之憊憊之人亦復如是一者不自策使色力日減二者不能勤理家業常臥睡眠身壞命終地獄火中焚燒受苦精進之人如如意樹在於生死曠野之中與諸有情作歸依處飢渴之者為作飲食裸露之者而作衣服乃至能度生死險難

大乘理趣經卷第七

第十六頌 桓

盡此形壽無所乏少令一切眾生安隱快樂以精進力速能成就阿耨多羅三藐三菩提時薄伽梵說此精進波羅蜜多時會中七十八俱胝那庾多若人若天皆發阿耨多羅三藐三菩提心三萬二千菩薩摩訶薩皆得無生法忍至不退轉佛告慈氏此即名為精進波羅蜜多

大乘理趣波羅蜜多經卷第七

丙午歲高麗國大藏都監奉勅雕造

大乘理趣經卷第七

第十七頌 桓

大乘理趣六波羅蜜多經卷第八

桓

別篇四三藏般若事

詔譯

靜慮波羅蜜多品第九之一

今時佛薄伽梵處種種摩尼寶王師
子之座為無量無數大菩薩摩訶薩
眾之所圍遶是諸菩薩或現天身天
眾圍遶或現龍身龍眾圍遶乃至或
現非人身非人眾圍遶或現菩薩身
菩薩眾圍遶光明晃曜普及大會靡
不周遍時慈氏菩薩摩訶薩即從座
起偏袒右肩右膝著地合掌恭敬而
白佛言大聖世尊以大慈悲利益安
樂諸菩薩眾已說精進波羅蜜多准
願哀愍宣說靜慮波羅蜜多今諸有
情起大乘行云何思惟云何修習如
是靜慮波羅蜜多而得圓滿唯願宣
說我等樂聞

心應作如是諸念思惟佛道懸遠無
人能到唯有一法饒益有情所謂正
定若諸菩薩未獲此定其心未得清
淨不動生死涅槃無有二相由此義
故為度眾生以巧方便精勤修習相
應靜慮無相正智猶如虛空清淨無
垢常住不變復觀此定猶如滿月一
切妄想猶若浮雲又此正定如清涼
風能除虛空一切雲翳朗然清淨光
明照耀一切有情見皆生喜如是滿
月光明莊嚴能施有情清涼安樂如
是靜慮清涼之風能除性空妄想雲
翳正定滿月出現世間大悲光明能
除有情諸煩惱熱使得清淨安樂涅
槃今時薄伽梵而說頌言
靜慮能生智 定復從智生 佛果大菩提
定慧為根本 供養諸誦持 施戒及安忍
正智見不二 無二何可得 靜慮為親友
究竟不相離 世間一切法 身段皆相捨
未來無善伴 父母不能救 況餘諸眷屬
唯靜慮能護 捨此身命時 如棄於土木
親戚皆相離 唯禪定直遂 此身不堅固
散乱造諸惡 若不修禪定 死墮三惡趣

六波羅蜜經卷第八

第三十頌

如人理家務 事畢應止息 如牛踐穀時
被搗猶應食 如言還本處 慣習不失路
若人樂修定 必歸空寂舍 眾生三心起
如翳見空花 唯定慧能治 諸佛說如是
眾生心躁動 猶如旋火輪 若欲止息時
無過修靜慮 若於一念中 不勤修靜慮
如人遭賊劫 身命難保全 捨定修餘業
雖獲大果報 猶如雜毒藥 智者不應食
財寶如塵埃 盛色方欺誑 若不勤修定
甘露門難啓 如薪火所燒 壯年老所逼
愚不修靜慮 為欲之所害 一切無常吞
皆由貪五欲 禪定棄不修 云何得常住
如人煮少米 惜薪燒薪檀 捨定不修行
散乱亦如是 愚人耽睡眠 流轉生死海
釋牛自喫尾 貪惜置其軀 輪王壽盡時
七寶具皆散失 大目及如后 一切無隨者
唯有修靜慮 隨逐不相離 智者樂修行
必到涅槃岸
復次慈氏若菩薩摩訶薩欲修靜慮
波羅蜜多先當親近大善知識復應
遠離諸惡知識世間不善及惡名聞
由惡友生諸善法利名聞福德皆因
善友之所生起以依善友受持淨戒

六波羅蜜經卷第八

第三十一頌

莊嚴法身破戒之人如燃穀種一切善法皆不得生況能滋長無漏深定如是知已應當一心奉持淨戒乃至小罪應生怖畏寧重身命不毀禁戒如淨戒中已廣分別復次菩薩摩訶薩欲修靜慮先應捨離一切世間治生販賣種種損壞何以故若不捨離擾亂其心何能安住甚深禪定以是因緣菩薩摩訶薩於四威儀斷除妄想善攝其心設聞衆聲亦無動亂譬如毒地置竹筒內其身自直菩薩亦令妄想迴曲置靜慮中正見端直不住生死不入涅槃離諸邪曲若能如是善攝六根不令放逸眼雖見色而不取相安住甚深寂靜解脫耳鼻舌身意亦如是恒以正智觀察思惟而此三業所作善根為是自利為是利他為益現在為益未來若無如是利益事者菩薩觀察決定不為猶如世間安立石像身口意業不動亦照設遇瞋罵應起慈心或侵利養不生忿恨或被打罵應捨本居自求寂靜無患難處結跏趺坐正念觀察以大悲

大智度論卷第八

第四品 莊嚴

心而為屋宅智慧為數以見悟杖而扣擊之告諸煩惱汝等當知諸煩惱惑從妄想生我法身家有善事起非汝所為汝宜速出若不時出當漸沒命如是告已諸煩惱賊尋自退散次於自身善起防護不應放逸以大悲真言令諸有情所求滿足以方便慧而為大將用四念處以為守護本覺心王住第一義禪定宮闕安處不動猶若金剛以智慧劍斷煩惱賊破生死軍摧伏魔怨荷負一切令諸衆生皆得解脫今時菩薩復語其心汝於昔時已發誓願今當自勉令其圓滿過去如來已記別汝當得菩提廣度一切汝於今時對十方佛三衆賢聖作是誓願拔濟一切五趣有情咸令解脫今諸有情無依無怙無救無歸若入涅槃捨於生死違本誓願凡諸世間滿行忠信言尚無二况汝昔願而不依行汝於今者應當正念一心不動拔濟有情出生死獄安置無上天般涅槃如是思已住於大乘甚深禪定是即名為菩薩摩訶薩修習靜慮

大智度論卷第八

第五品 莊嚴

波羅蜜多

佛告慈氏有十六種靜慮波羅蜜多一切聲聞獨覺所不能知一者了達生死而無生死是菩薩靜慮安住如未清淨禪故二者於諸禪定不生味者是菩薩靜慮不任一切定亂相故三者起大悲心是菩薩靜慮除諸有情二重障故四者增長正定是菩薩靜慮不如三界見三界故五者成就神通是菩薩靜慮能了有情諸心行故六者善調伏心是菩薩靜慮不任調伏不調伏故七者依無相智得淨解脫起諸禪定是菩薩靜慮於色無色界得自在故八者寂靜極寂靜是菩薩靜慮勝出一切聲聞獨覺諸禪定故九者無能燒亂是菩薩靜慮了心清淨本無動故十者對治毀禁是菩薩靜慮除諸有情煩惱習故十一者入智慧門是菩薩靜慮善達世間如幻夢故十二者知衆生心是菩薩靜慮了諸有情本性空故十三者紹三寶種是菩薩靜慮能現如來出世間故十四者得法自在是菩薩靜慮了

大智度論卷第八

第六品 莊嚴

一切法皆佛法故十五者常住不壞是菩薩靜慮普門示現用恒寂故十六者徧照一切是菩薩靜慮法界平等無不鑒故慈氏當知此即名為菩薩摩訶薩十六種靜慮波羅蜜多一切聲聞獨覺所未曾有復次慈氏菩薩摩訶薩於此勝三摩地如是發起如人要火取木作燧以手鑽搖勤求不懈方得火生若數休息終難得火菩薩摩訶薩亦復如是求種智火以定為燧安忍為手精勤不息便能發生一切智火是火生已燒煩惱薪以布施水沐浴清淨用持戒香塗摩其身處大悲座受法王位用大法雨利樂有情至大涅槃安樂解脫復次慈氏若諸菩薩心未純熟於三摩地心有動轉猶如惡馬難可調伏當知是人退失禪定應於如是勝三摩地四威儀中無暫放捨若諸菩薩三種心生一者懶惰二者精進三非勤惰如是知已應善調伏勤加精進當除懈怠懶惰睡眠及世緣務治生艱難若離勤惰其心正直湛然寂靜如人遠行速即疲極緩即不至

大乘理趣六波羅蜜多經

第七卷

遲疾處中任運能達菩薩摩訶薩亦復如是應以中道安止其心設身火然安處不動住三摩地亦無味著以大智力常住寂靜於生死海拔濟有情令得解脫應以十六種三摩地印記別其心於剎那中有少動念應當觀察以正智鉤制令上住精勤不息修行靜慮波羅蜜多復次慈氏菩薩摩訶薩修靜慮者有五種障一切有情皆被覆習所謂五蓋一者貪欲二者瞋恚三者掉悔四者昏眠五者疑蓋除此五蓋方得禪定身心不動是故菩薩而觀察之何因而起云何遠離菩薩應當先觀色欲猶如水月水動月動心生法生貪欲之心亦復如是念念不住速起速滅復觀色欲猶如蟬蛻在曠野中暍毒發時頭如蔭蓋行人熱逼投此蓋下為毒所觸因致命終貪欲之人亦復如是行於生死曠野墮中妄見欲境生染著心欲想纔起即失禪定是即名為貪欲障蓋復次觀於欲性如地獄火燒炙有情如水瀑流漂沒一

大乘理趣六波羅蜜多經

第八卷

切無有慈悲猶如羅刹損害有情亦如狹平損人手足猶如利刀復如魁膺斷眾生命又如砒毒犯必命終如墜高山受大苦惱如夜黑闇無所知見如白癩病不可療治又如大海難使乾竭貪欲深廣過於巨海五欲嚴重如妙高山如緊波果端正可觀若人執之觸便墮命如屠羊柱懸者必亡如熱金符戴之燒死猶如過去轉輪聖王釋提桓因四天王等及諸力士那羅延天一切有情皆因貪欲與兵相伐所積身骨如毗富羅山過去既然現在未來亦復如是復次世間之人於已親屬父母兄弟極相憐愛乃至身命無所吝惜為貪欲故更相憎嫉起毒惡心互相殺害貪色之人有二苦因一者富貴為貪色欲受諸卑賤種種輕欺二者為貪欲刀挑智慧眼無所分別猶如盲人為此因緣死墮地獄受無量苦復次貪欲之人心無厭足如火添薪亦如國王貪於土境亦如商主貪其財利如求慧解貪於聽聞如諸菩薩樂度眾生如是

大乘理趣六波羅蜜多經

第九卷

等入各於已事皆無厭足貪欲之人亦復如是無有厭足求於欲境憂苦艱難得已守護纏縛倍增死墮地獄受大劇苦求靜慮者常於如是色欲怨家不應現念况親近之以是名為貪欲重蓋復次瞋恚蓋者如軌酒人飲已色變瞋恚亦亦爾容改變作種種相身心戰掉或行毀謗損惱自他瞋火燒心何能修定劫功德賊無過瞋恚修靜慮者應當遠離

復次掉悔蓋者猶如狂人身心錯亂或緣親里國邑壽命苦樂等事妄起尋求生善惡念追悔所作如是躁動不能寂靜覆弊行捨障奢摩他如是名為掉悔重蓋復次昏眠蓋者疲極憂鬱頻申欠味昏昧不任能覆輕安障觀慧品修靜慮者應當除棄是則名為昏眠重蓋復次疑惑蓋者常懷疑惑理事不决障礙施戒安忍精進禪定智慧三世因果三寶性相皆不顯現如何能生微妙靜慮是名疑蓋由此五蓋學行難成戒定慧門不能顯了如是知已審諦思惟修定之人

應當遠離精勤修習能除欲苦難除禪定而不味著由此靜慮起五神通云何為五所謂天眼天耳他心宿住神通智證通云何名為天眼智通以天眼力微見十方無量無邊諸佛世界所有一切眾生之類若外生若胎生濕生化生有色無色有想無想非有想非無想等一切有情如觀掌中阿摩勒果如是有情皆被諸苦之所纏縛苦薩觀已起大悲心此等有情墮生死海真微大坑我今云何放捨不救以是應當勤加精進身心無倦便能發起念佛三昧以定力故能見十方一切諸佛遍滿虛空坐金剛座成等正覺或見諸佛初轉法輪或見諸佛往於天上或見如來從寶階下或見如來入里乞食或見如來隨根說法或為國王大臣長者居士婆羅門身如應說法或為莖蓋莖蓋尼信男信女如應說法或現天龍藥叉阿蘇羅健闍婆迦嚩羅緊持羅摩呼洛迦人非人等薜荔多畢舍遮鳩呌呌拏那迦呌呌呌那閻摩羅王餓鬼

傍生各隨本音皆言如來為我說法悉得解悟歡喜踊躍或見諸佛為諸菩薩說六波羅蜜或為緣覺說十二因緣或為聲聞說四諦法或勸有情安十善道或見諸佛現梵王身如應說法或現帝釋身如應說法或現護世四王身如應說法或現大自在天身如應說法或現那羅延天身如應說法或現日天子身如應說法或現月天子身如應說法或現龍神藥叉諸仙婆羅門等身如應說法或有應見轉輪王身國王宰官諸男女身和上阿闍梨及佛如來尊重弟子皆為現之如應說法或現地獄餓鬼傍生異類之身而為說法各各聞已離諸苦難及難飢渴不相殘害慈心相向或有應見娑羅樹林入般涅槃而為現之如應說法或有應見般涅槃後分佈設利起諸塔廟而為現之令申供養而得解脫如是諸佛現種種相皆令得度生老病死如是諸相遍滿虛空皆佛神通自在變現種種奇特諸看有事菩薩雖見如是種種神通變

化但名靜慮所起天眼不得名為波羅蜜多

復次菩薩摩訶薩所得天眼勝於一切天龍八部有學無學聲聞獨覺所得天眼最上最勝最妙最尊最極明淨最大勢力以此天眼能見過去無量無邊諸佛菩薩行住坐卧種種威儀種種行門禪定解脫十地妙智陀羅尼門無尋辨才善巧方便悉令圓滿如是菩薩天眼清淨見諸色像無有障礙無染無著不取一切色像之相能離一切隨眠執見照其眼根本性清淨亦不依止一切境界又此眼根不從一切隨眠煩惱習氣所生亦無染著不迷不乱亦無翳障無復分別不為一切諸煩惱障及所知障之所纏縛於一切法而得自在又此眼根能了一切諸法平等住真解脫能知一切差別根性無能壞相於一剎那能見一切有情之類又此天眼體性明淨能離一切濁亂之法而能覺知慈悲之性不捨有情亦無縛著無貪無害又此天眼勝義境界從真諦

大乘理趣六波羅蜜多經

卷第八

第十三

生智為先導住於大悲了達諸法及其深義離諸戲論如所見聞能如實說遠離一切諸不善法趣向無上正等菩提心無障礙見怪者勸令捨施見毀禁者生悲愍心見多瞋者令住安忍見懈怠者令起精進見散亂者令修靜慮見愚癡者令學智慧行邪徑者亦以正道殊劣心者示以大乘令諸有情入一切智發勝神通圓滿菩提一切智智慈氏當知此即名為菩薩摩訶薩修行靜慮所起清淨天眼智通

復次慈氏云何名為菩薩摩訶薩修行靜慮故羅塞多起天耳通所謂以天耳力勝於一切天龍八部聲聞獨覺菩薩摩訶薩所得天耳最上最勝最妙最尊最極明淨有大勢力何以故由此功德迴向無上正等菩提菩薩摩訶薩以此天耳能聞十方無量世界諸佛如來獨覺聲聞天龍八部人與非人乃至地獄餓鬼畜生情非情等所有音聲悉皆得聞彼諸有情若干種心三業差別所出音聲如是

大乘理趣六波羅蜜多經

卷第八

第十四

菩薩皆如實知凡所發言作善惡因起貪著語迷惑之聲亦如實知或有言音理雖具正言詞嚴厲或有言音理雖不正言詞柔媚或有言音二俱妙好或有言音二俱惡鄙以此天耳皆如實知又此天耳能聞一切凡聖之聲於凡不厭於聖不忻於賢聖境起愛樂心於凡夫境起大悲心如是一切前中後際所有音聲皆如實知不生執著又此天耳普聞十方無量無邊所有世界一切諸佛說法音聲皆如實知心無錯亂亦不忘失隨緣為說了知法性無堅不堅非虛非實聞一如來所說正法無邊諸佛所有法門一時悉聞不錯不亂不相妨礙悉能領受文字章句義理性相皆如實知又聞如來為諸眾生各隨類音而為說法今諸有情了真寶相皆得解脫以此功德迴向如來清淨天耳願於未來不聞一切聲聞獨覺二乘之名慈氏當知此即名為菩薩摩訶薩修行靜慮所起清淨天耳智通

大乘理趣六波羅蜜多經

卷第八

第十五

智通所謂一切有情過去未來現在之心善惡無記皆悉能知復知過去一切有情所作諸業因果差別又知衆生大心小非大小心有欲無欲有垢無垢心愚心智心廣心略心定亂縛脫勝劣差別上心下心皆悉知之又知有情布施持戒忍辱精進禪定智慧有相無相慈悲喜捨相應之心聲聞獨覺大乘菩薩相應之心此諸有情能具如是善根之因或復有情生於貴族所為下劣或生下賤心性清淨或心性不善所為清淨或二俱清淨或二俱不善如有有情過去所有心行差別皆如實知隨其所應而為說法此即名為了知過去一切有情他心智通復能了知未來有情現在布施能生未來淨持戒因復知有情現在持戒能生未來安忍之因又知現在安忍因緣能生未來精進之因又知有情現在精進能生未來靜慮之因又知有情現修相善能生未來無相慧因又知有情現修小善能作未來大乘之因如是諸心因緣相貌菩薩摩訶薩皆如實知隨緣救拔心無勞倦

今諸有情深入佛慧無有增減如是說法無有新絕未曾於法生慳惜心此即菩薩能知未來他心智通復知現在一切有情有貪欲心無貪欲心有過失心無過失心愚心智心廣心略心定心亂心動心不動心縛無縛心垢無垢心廣大心無量心上下心皆如實知一一有情無量煩惱之所繫縛皆如實知如是知已隨根差別如應說法了心無心不著自他以善方便禪定智慧選擇有情根性利鈍永斷生死煩惱根源了本性空圓滿無缺無染無著亦無過失無滓無穢亦無虛誑了知諸法如幻如化能知有情心行差別慈氏當知此即名為菩薩摩訶薩修行靜慮所起清淨他心智通

種莊嚴自然覺悟不由師教到於涅槃常樂彼岸菩薩摩訶薩以如是智能憶過去一生二生若十二乃至一切百千萬億那由多劫若成若壞皆悉憶知復諸劫中如有有情生如是家如是父母如是種族如是姓字如是相貌色力壽量苦樂等事無不明了又諸有情此滅彼生種種家族自身他身無量劫生悉皆憶念及彼生處所有善根及相勸發憶念知已悉皆迴向無上菩提又觀過去生死之身無常苦空無我不淨如是知已於諸色相壽命脩短富貴自在不生我慢不求釋梵護世四王天人果報但以大悲利樂有情隨願受生又知過去無量生中所造惡業深生愧悔於現在世能捨身命不造諸惡於無量世所有善業悉皆迴向阿耨多羅三藐三菩提普施法界一切有情不求世間最上果報紹三寶種盡未來際無有斷絕永無休息慈氏當知此即名為菩薩摩訶薩修行靜慮所起清淨修行智通

靜慮波羅蜜多起神境智通利樂無盡所謂喜住不動地得真寂靜除去憂苦尋伺喜樂出入息等不生不滅住真法界能現種種神通變化或身如火聚放大光明遍滿三千大千世界或身上出水如注大雨捫摩日月威光自在或現大身上至梵天或現小身猶如芥子或震動大地如水濤液或以一身而現多身或以多身還復一身或隱或顯說種種法或沒山石或復直過若上若下如電流光往還自在行坐空中如鳥飛翔或履地如水履水如地出沒自在無所障礙如是神力皆為利樂一切有情復以大悲普門示現或現佛身或菩薩身聲聞獨覺釋梵等身及諸異類種種之身隨其根性皆悉為現隨其樂欲而為說法或諸有情恃其力勢而起貢高隨彼所應而為現身調伏說法或為釋梵護世四王邪羅延等諸大力士為降伏故舉妙高山擲置他方無量世界猶如擲彼阿摩勒果還置本處而諸天人無往來想若

大乘理趣

卷八

第十九章

薩神力亦無損減又復於此三千大千世界上至色究竟天下至水際以其右手掌此世界住經一劫行住坐卧而無妨礙還置本處而諸有情水性之屬亦無燒害都不覺知往來之想如是菩薩示現自在神通力時令諸有情驕慢之心悉皆調伏而為說法復次菩薩以神通力隨意所欲皆得自在如如意寶所求皆得或變大海而為牛跡或以牛跡而為大海或現火災至於初禪或現水災至於二禪或現風災至於三禪或變水作火變火為水如是種種上中下法隨心變化而得自在更無有人能動轉者除佛世尊餘無能壞菩薩以此廣大神變隨其根緣說廣略法令諸有情而得解脫如是菩薩自在神力一切天魔及煩惱魔所不能障以是菩薩過彼天魔及煩惱魔入佛境界隨其根緣拔濟有情得大自在常不斷絕無能動轉慈氏當知此即名為菩薩摩訶薩修行靜慮所起神境智通化用

大乘理趣

卷八

無盡如是五通但名靜慮不得名為波羅蜜多復次慈氏若諸菩薩得此通已精勤修習靜慮波羅蜜多於無上菩提得不退轉譬如貧人掘一伏藏未見異相猶懷惴惴穿掘不已漸見少相勇銳精勤無有休息以不息故便能得之菩薩摩訶薩亦復如是未得阿耨多羅三藐三菩提日夜精勤修真靜慮不休不息乃至證得無上菩提復次慈氏如是靜慮一切有情發心非難長時不懈能成就者是則為難譬如勝軍侵奪他國取之不難得已善守是則為難外道邪師修定亦不近善友不聞正法邪求解脫獲無色定謂得涅槃盡盡之時趣地獄報復如癡人言毒毒蛇常飲牛乳所以若何世醫皆言牛乳除毒毒蛇飲乳已與毒轉盛如是癡人謂蛇毒盡而摩拔之為蛇所螫中毒而死一切眾生亦復如是日夜畜養如是毒身為求安樂常供飲食無常忽至死魔毒發失諸善法趣向三塗

大乘理趣

卷八

第三章

復次慈氏聲聞獨覺所得靜慮斷煩惱障無大悲心而入涅槃非真靜慮凡夫有情身口意業恒為八萬四千煩惱之所纏縛不得自在譬如有人供養怨家羅刹惡見供給不已漸得調伏煩惱怨家惡羅刹鬼則不知是供給色香煩惱轉熾難可調伏何能修習禪定解脫既無禪定何有智慧既無正智十善亦無當墮地獄餓鬼傍生以是因緣菩薩摩訶薩應修梵行四無量心起無緣慈普遍法界何以故菩薩大慈無有界限不可思量無邊際故一切有情遍十方界菩薩大慈亦復如是譬如虛空無有邊際菩薩大慈亦復如是以是當知有情無盡菩薩大慈心亦無盡真空無盡慈亦無盡以是因緣菩薩大慈真實無盡

今時慈氏菩薩白佛言世尊菩薩普於如是有情起大慈悲頗有譬喻得宣說者願為開示今時薄伽梵告慈氏菩薩摩訶薩言善男子不可以小因緣譬喻而得宣說慈氏當知譬如東

方有琉璃沙等世界南西北方四維上下亦復如是如是十方琉璃沙數世界合為一海滿中海水如是十方琉璃沙數世界滿中有情一一有情各持一毛取大海水滴於餘處至滿一劫是海有竭彼諸有情尚未窮盡吾男子如是有情過於十方琉璃沙數世界菩薩於彼一一有情起大慈心善男子於意云何如是慈心有邊際不慈氏菩薩白佛言世尊假使虛空尚可測量此大慈心不可窮盡佛告慈氏若菩薩摩訶薩聞是慈心無邊無盡不驚怖者當知是人亦得如是慈心無盡其慈心者能護自他滅除一切諍訟諸惡能覆有情所有過失令諸眾生三業調善常得安樂離諸恐怖多瞋恨者令其慈忍息諸戰陣刀兵等苦若能救護一切有情離諸欺詐名聞十方極梵四王恭敬供養慈心瓔珞以自在嚴為諸有情解脫導首能令二乘迴心向大積集一切菩提資糧不為世福之所屈伏恒以相好莊嚴其身能除一切諸根

發缺捨離八難得生人天行八聖道涅槃正路菩薩修慈不貪五欲但於有情起平等心行布施時心無分別護淨尸羅救犯禁者示安忍力令離瞋恚所行精進皆順正法住三摩地慈救一切發大智慧慈出離世間煩惱菩提無有二相無緣大慈降魔軍眾而能安樂一切有情此生來生常不捨離行住坐卧恒勸修持我慢銷除離諸放逸又慈心者慙愧衣服淨戒塗香能斷世間煩惱習氣饒益有情施一切樂聲聞慈心唯求自利菩薩大慈救護一切

復次慈氏慈有三種一眾生緣慈二法緣慈三無緣慈云何眾生緣慈若初發心遍觀有情起大慈心云何法緣慈若修行時觀一切法名法緣慈云何無緣慈得無生忍無有二相名無緣慈慈氏當知此即菩薩摩訶薩住真法界大慈心也

大乘理趣六波羅蜜多經卷第八

乙巳歲高麗國大藏都監奉
勅剛造

大藏經卷第八

第三十五

經

大乘理趣六波羅蜜多經卷第九

靜慮波羅蜜多品第九之餘

經

靜慮波羅蜜多品第九之餘

佛告慈氏菩薩摩訶薩修行靜慮波

羅蜜多應當修習大悲無量為此大

悲於諸善業而為導首譬如命根於

出入息而為其先輪王七寶輪寶為

先大乘乃行大悲為先譬如長者唯

有一子父母鍾念徹於骨髓菩薩大

悲亦復如是於諸有情住於極愛一

子之地云何大悲大名摩訶摩者名

我我以大悲利樂有情故名大悲又

賀者名性自性大悲能濟有情不由

他救故名大悲又安辯者名屬已分

一切有情我應救護故名大悲又迦

者名護不令他人得其便故名大悲

悲又此大悲者能作方便成辦一切

助善提故又此大悲能悟無師自然

智故又此大悲能除一切自心熱惱

隨順有情為饒益故

復次慈氏此大悲心有五十種云何

大悲無諂諛故云何大悲身口相應

故云何大悲無虛誑故云何大悲住

實際故云何大悲不退轉故云何大

悲了本覺故云何大悲無詐偽故云何

大悲自性清淨故云何大悲行質直

故云何大悲住正性故云何大悲求

佛身故云何大悲求佛壽故云何大

悲不起一切過故云何大悲護有情

故云何大悲所度有情無有量故云

何大悲同虛空故云何大悲不捨貧

窮諸衆生故云何大悲拔諸苦故云

何大悲自性不動荷負一切故云何

大悲行清淨行不誑自他故云何大

悲能作自利諸善業故云何大悲普

與樂故云何大悲不生疲憊故云何

大悲能除重擔亦勝義故云何大悲

堅持施忍精勤行故云何大悲能忍

下劣所輕慢故云何大悲不懷一切

宿憾恨故云何大悲作無上醫故云

何大悲以大悲慈攝下劣衆等無二

故云何大悲善覆自德證他善故云何

大悲能與無漏真法樂故云何大悲

能捨所愛心無怯故云何大悲為諸

有情心無悔故云何大悲善持淨戒

護毀禁故云何大悲能忍已苦令諸有

大乘理趣六波羅蜜多經

卷第九

情得佛樂故云何大悲成就有情住法身故云何大悲不惜自身捨支節故云何大悲樂修功德不求報故云何大悲能調有情修靜慮故云何大悲了三界空不滌著故云何大悲積集善根難不善故云何大悲能滿一切有情所求願故云何大悲不捨普願住無為故云何大悲捨有為法故云何大悲慳貪有情令行捨故云何大悲能令有情住佛戒故云何大悲多瞋有情令住忍故云何大悲憊怠有情令精進故云何大悲散亂有情令住定故云何大悲愚癡有情令智慧故佛告慈氏如是大悲能令自他一切善根皆得成就是則名為大悲無量

復次慈氏菩薩摩訶薩修行靜慮波羅蜜多云何修習大喜無量所謂憶念一切佛法愛樂恭敬不住生死不壞喜心除諸邪見離五欲蓋能安有情住真實際恒求如來三十二相八十種好聽聞正法順第一義恒樂修行達於彼岸圓滿具足喜慶心生辭如世間大節會日一切親族善友集

大藏經卷第九

第五

經

會勝妙三昧歡喜悅豫亦令起大神變迷戲之時八部龍天四眾雲集戒定智慧解脫知見悅樂其心是名大喜又此喜者於諸有情無損害心勤求一切諸佛妙法已得未得心無暫捨於大乘法心恒正解於二乘法不生取著捨離慳慳增長擅邪見乞者求心樂惠施於他持戒生淨信心見毀禁人極懷憐愍於已尸羅清淨圓滿離三惡怖迴向法身設有毀罵安忍受之於軌範師奉順言教頂戴尊重勤而行之於諸有情善言含咬遠離頻城先意問許住真寂定無諂無誑不貪不曲常讚人善不說他過樂與眾同行六和敬作大法師開示涅槃顯真實相於尊重所起父母想等親眾生猶如一子於親教師尊重如佛於修行者猶如海導師諸波羅蜜如無價寶於說法人如如意珠無漏法林自在遊戲教授我者深自慶喜聞說過非如醫示病聞說正法如病獲藥是名為喜了世無常無我不淨隨順涅槃常樂我淨一相一味故名

大藏經卷第九

第五

經

為喜又大喜者體真勝義性無生滅不沉不舉無去無來常令一心名真喜悅又大喜者如聞善言身心適悅安住不動猶若須弥又大喜者明了因果無迷誤故又大喜者如地不動為所依故又大喜者如威德人無能敵故又大喜者如勝義諦不毀壞故又大喜者如佛法僧功德圓滿求無歇故慈氏當知此即名為菩薩摩訶薩大喜無量

復次慈氏菩薩摩訶薩修行靜慮波羅蜜多云何修習大捨無量菩薩摩訶薩修捨無量捨有三種云何為三一者煩惱捨二者護自他捨三者時非時捨云何名為煩惱捨若遇恭敬心不高舉設遇輕慢不鄙卑賤得利不喜失利不憂毀罵不瞋讚亦無喜無撓不依聞識不逮遭苦難時觀空無我悅樂事至恒觀無常於所變境心無貪著設見嫌恨亦不生瞋於怨於親持戒破戒其心平等作善作惡若愛若憎都無二相聞善惡言正不正法亦復如是於諸有情其心平等於

大藏經卷第九

第五

經

身命財不生慳慳是則名為煩惱大捨云何名為護自他捨菩薩摩訶薩若有來歸即支解菩薩於彼無瞋恨心如是菩薩於身語中未嘗變易是名為捨復次又舍多者是名雙義及瘡痕義謂眼及色如有二人於菩薩所一人打罵一則香塗菩薩觀之等

心無二瘡痕義者菩薩觀之第一義中誰為打者誰為塗者不見損益亦無彼我不害自他是名為捨眼根色境雙義既然耳聲鼻香舌味身觸意法寂滅平等亦復如是於毀讚者及我六根第一義中無傷無害故名為捨設被傷害亦不損他是名為捨或護自他俱無傷損是名為捨於利非利常令一心無害自他故名為捨常自覺察護他人心離於諍訟亦名為捨復深觀察無有是非是名為捨如是名為護自他捨云何名為時非時捨若諸有情不受教誨非法器者菩薩不瞋名非時捨於聲聞人觀四聖諦獲苦法忍趣羅漢果菩薩不障名非時捨行布施時且止持戒修淨戒

大乘起經卷第九

捨下義

恒

時且止於施忍辱精進禪定智慧亦復如是名非時捨若於諸法應成就事決定應作精進勇猛長時無倦無暇無退不憚勞苦乃至事畢方可故捨是名時捨如是名為時非時捨如是修習慈悲喜捨但名靜慮不得名為波羅蜜多

今時慈氏白佛言世尊如是修習靜慮為目慈氏具足神通智慧云何名為神通智慧今時薄伽梵告慈氏言善男子是神通者能以通力見極微色是名神通以淨法眼知色性空亦不取著是名智慧復次聞諸世間極微小聲是名神通於諸音聲悟無言說離諸譬喻是名智慧復次能知一切有情心行是名神通了諸有情妄心非心是名智慧復次於過未際悉皆憶念是名神通了佛土空是名智慧復次了知根性差別之相是名神通了勝義三是名智慧復次能知諸法是名神通了俗如幻是名智慧復次力能超度釋梵四王是名神通超過一切聲聞獨覺是名智慧慈氏當

大乘起經卷第九

捨下義

恒

知如是名為菩薩摩訶薩修其靜慮得不思議神通果報

復次慈氏一切衆生恒為無量煩惱擾亂其心菩薩摩訶薩得真三昧隨彼有情煩惱品類現如是等諸三昧門今其解脫菩薩摩訶薩勤加精進住是三昧今諸有情安住如是平等法中所謂得心平等行平等相應平等布施持戒忍辱精進禪定智慧悉皆平等即一切法普皆平等是名法性三昧
復次慈氏此三昧平等即菩提平等菩提平等即一切有情平等一切有情平等即一切法平等得如是平等法已是名住真三昧
復次慈氏此菩提平等即虛空平等虛空平等即一切有情平等一切有情平等即一切法平等得如是平等法已是則名為住真三昧
復次慈氏一切世間性平等即清淨性平等清淨性平等即一切有情平等一切有情平等即一切法平等得此一切法平等是則名為住真三昧

大乘起經卷第九

第八義

恒

復次慈氏若知自心平等即知一切有情心平等是則名為住真三昧復次慈氏若諸有情能於我身作於鏡益及不鏡益我於彼等心如大地普皆平等其心不動所以者何由住是三昧平等性故以住三昧無散亂語無率介語了達諸法解第一義善知時節隨順而說入風不動菩薩能住如是平等法性不捨三昧不離世間自在無尋是名菩薩摩訶薩方便智慧靜慮波羅蜜多

復次慈氏云何菩薩摩訶薩修行出世方便智慧若菩薩靜慮時於諸有情起慈悲心名為方便觀法寂滅是名智慧復次修靜慮時歸依於佛是名方便了無取著是名智慧求一切法是名方便了法性空是名智慧觀佛色身是名方便觀佛身空是名智慧觀佛梵音是名方便了無言說是名智慧若正觀時是名方便觀照亦空是名智慧拔濟有情是名方便了衆生空是名智慧知衆生根是名方便根性亦空是名智慧觀佛土淨

是名方便了佛土空是名智慧得佛菩提是名方便了本寂滅是名智慧請轉法輪是名方便法無轉相是名智慧觀七覺支是名方便了真本覺是名智慧菩薩摩訶薩如是相應修習靜慮波羅蜜多一切天魔不得其便即能成就無上菩提

今時薄伽梵說此靜慮波羅蜜多時會中三萬二千菩薩得日燈三昧此日燈三昧亦名一莊嚴三昧云何名為日燈三昧如日出時一切燈燭星月無復光明菩薩得此三昧者亦復如有學無學聲聞獨覺諸有情智映蔽不現是故名為日燈三昧復次云何名一莊嚴三昧所言一者即是無生無生者即是法空又一者名遍一切處譬如油麻油遍麻中無生法者亦復如是體遍一切是名一莊嚴三昧此一莊嚴亦名一增長三昧一者即婚姻即法界所謂契經今法界現前法界現前已所有諸法神通增長明了現前是故名為一增長三昧此一增長亦名一法界三昧所言一者即

是法界法界亦空以定力故其空現前是名一法界莊嚴三昧此一法界亦名一空三昧所言一者猶如虛空一切万物生長空中菩薩真空中現在前時信等善法悉皆增長是故名為一空三昧

復次慈氏菩薩摩訶薩住此靜慮波羅蜜多時能入俱伽那度多百千三昧今為汝說小分名字所謂電光三昧月光三昧善增長三昧毗盧遮那三昧增長不思議三昧如如光照三昧無垢三昧海德三昧能自在轉一切法輪三昧成就禁戒三昧無憂三昧堅固三昧蘇迷盧三昧法炬三昧法勇三昧轉法智自在三昧散積聚法三昧持一切法三昧持自法三昧知他心三昧莊嚴寶幢三昧滅煩惱三昧壞四魔三昧發起十力三昧無著三昧新縛著三昧燈手三昧開施名三昧持地三昧安住心三昧須弥燈三昧摧伏怨敵三昧智炬三昧發智三昧教授三昧自在轉無邊法門三昧令心堪任三昧知勝妙善三

昧震日月音三昧無所行三昧壞魔
三昧無種種想三昧善調伏心三昧
釋師子三昧念佛三昧念法三昧念
僧三昧不退轉三昧不瞋三昧最勝
無我三昧似空處三昧常覺悟三昧
除煩惱錄三昧如虛空三昧入功能
三昧念慧覺三昧無盡辯三昧大悲聲
三昧現真諦三昧不毀壞三昧善行

三昧有情歡喜三昧知愛樂三昧生
愛樂三昧勝慈三昧性靜三昧大悲
三昧大喜三昧無所捨著三昧法義
三昧法悲三昧慧炬三昧智海三昧
無動三昧善調伏身三昧解脫智自
在三昧金剛幢三昧勝蓮花道場三
昧離世間法三昧勝智三昧佛觀行
三昧威光三昧威焰三昧與解脫智
三昧佛身在嚴三昧光明普遍三昧
剎土遍淨三昧入有情性三昧滿一
切願三昧順菩提路三昧波羅蜜莊
嚴三昧寶髻三昧覺花三昧與解脫
果三昧甘露音三昧無帶三昧疾風
行三昧寶冠三昧截海流三昧金剛
峯三昧大神通三昧立生義三昧見

大乘理趣六波羅蜜多經

第十卷 桓

無邊佛三昧憶持一切所問三昧與
刹那智三昧清淨無邊功德三昧如
是無量俱胝三昧若諸菩薩摩訶薩
得是三昧者是則名為靜慮波羅蜜多
時薄伽梵說此靜慮波羅蜜多時會
中七十八那由多人天發阿耨多羅
三藐三菩提心三萬二千菩薩證無
生法忍

般若波羅蜜多品第十之一

余時薄伽梵處於種種摩尼寶王師
子座上現種種相以菩薩摩訶薩
衆而共圍遶時慈氏菩薩摩訶薩即
從座起偏袒右肩右膝著地合掌恭
敬而白佛言大聖世尊已為利益安
樂諸菩薩故說靜慮波羅蜜多唯願
世尊為諸菩薩說般若波羅蜜多又
此般若波羅蜜多復有幾種修何方
便而能得之唯願如來分別解說
余時薄伽梵告慈氏菩薩摩訶薩言
善男子汝今諦聽善思念之吾當為
汝分別解說若諸菩薩修行布施波
羅蜜多乃至靜慮波羅蜜多皆從般
若波羅蜜多本母所生而為根本譬

大乘理趣六波羅蜜多經

第十卷 桓

如眼等五根發生五識能取五塵皆
有作用如是一一皆以識心而為根
本若離其心無所成辦菩薩摩訶薩
修前五種波羅蜜多恒以智慧而為
其母若離智慧無所成就亦如有情
身有命根能有所作命根謝已無復
堪任修行諸度若無智慧亦復如是
譬如國境無有智臣陰陽失序一切
人民皆不安樂法王國土若無智慧
亦復如是修行布施乃至靜慮波羅
蜜多皆不成就解脫涅槃終不能得
亦如商主入海採寶要得船師方達
寶所隨意而取善法亦於生死海
以五波羅蜜多而為舟航載功德寶
要因般若波羅蜜多無上船師至於
彼岸余時薄伽梵而說頌言

智慧為根本 能善行法華 佛果大菩提
無非智所作 如人遠苦難 智者能救護
愚者造諸惡 如石投深水 若無真智慧
多聞妄分別 斯人不解義 如器安知味
所謂長老相 不必在耆年 雖少有智慧
是為真長老 如世有德人 正直無邪曲
不能辯邪正 寧知理是非 正智聞深法

大乘理趣六波羅蜜多經

第十卷 桓

智與理相應 隨順於大衆 是名真智者
於得失無著 憂喜不能動 安住如須彌
是名真智者 恭敬不生事 輕慢無瞋恚
智慧如大海 是名真智者 不說他人過
亦不編己德 智照無自他 當獲大名稱
勇猛勤精進 遠離一切相 我憐慈皆除
是名真智者 常當正觀察 不見他人過
深信善惡報 是名真智者 智者在衆中
不說自功德 若人所傳讚 愧心無取著
成就諸功德 虛已常謙下 如果樹蔽其熟
枝條自低屈 福智生衆族 雖貴無憍揚
愚者自矜高 智者應觀察 智慧為善伴
遠離惡知識 斷滅諸煩惱 自然得解脫
樂將護惡人 亦當遠避 崇重於賢善
是名真智者 菩薩多悲智 憐憫猶慈母
如斫折檀樹 流香普芬馥 不念他人惡
常思其善事 智慧離分別 人中最第一
智者住空寂 被毀心無惱 諸惡不能燒
如火燄大海 大悲離分別 見惡常憐愍
如日放光明 不棄旃荼舍 智人雖小過
為益應同位 如入瞻蔔林 自然皆蒙熏
正智離分別 如日無私照 亦如清涼月
能導諸雲翳 智者多慈悲 常濟於貧乏

大衆經卷第九

第十三 經

見之不輕賤 應生歡喜心 如樹初生長
日夜無休息 智者樂修行 增長亦如是
智者過大怨 慈悲猶不捨 如折蓮花莖
藕絲恒不斷 生死如毒樹 悟即法身果
生死與涅槃 本性皆平等 淨慧賢聖行
大悲常利物 不擇於怨親 恒離於分別
者年多智慧 淨戒悉圓滿 親近如是人
速成安樂行 智慧無垢人 三業恒清淨
應親近是人 尊重過父母 無智難親近
能壞善人心 如火燒枯木 應當常遠離
供給於惡人 欲益反損損 如人飼猛獸
無不傷害者 供養智慧人 小善獲多福
如人飲甘露 永得安隱樂

佛告慈氏菩薩摩訶薩此般若波羅
蜜多皆從善友聞正法生邪見之人
是智慧慈氏等應當親近善友遠惡
知識此般若波羅蜜多非唯出生一
切善法過去未來現在諸佛皆從此
生當知此經即是一切諸佛之母
復次慈氏菩薩摩訶薩行布施時有
二種智一者小智二者大智小智施
者為求人天二乘解脫如是施者但
名布施不得名為波羅蜜多大智施

大衆經卷第九

第十四 經

者心無所得無所得故得佛菩提如
是施者名檀波羅蜜以是故知檀波
羅蜜從智慧生尸波羅蜜亦有二種
一者小智二者大智小智持戒怖三
惡道求生人天二乘解脫如是持戒
心不清淨不得名為尸波羅蜜大智
持戒普為利樂一切有情不住於相
而無所得趣大菩提如是持戒是則
名為尸波羅蜜以是故知戒波羅蜜
從智慧生忍辱波羅蜜多亦從般若
波羅蜜多生一切有情本智如日無明
覆蔽忍光不現修安忍者除斷無明
聖智現前佛日斯照譬如國邑無有
智臣識用不均人民流散設有智者
亦當迴避無忍慧者亦復如是又此
智慧如明眼人遙見毒蛇即便遠避
有智慧眼避瞋惠蛇亦復如是無慧
眼者謂於過去無量劫中修行諸善
無安忍力及智慧眼一念瞋火燒滅
無餘如乾草積臙火入中焚燒皆盡
智慧之人有安忍力設遇惡人打罵
訶責正智安忍能調伏之譬如香象
既已調伏臨陣駭策能破敵軍菩薩

大衆經卷第九

第十五 經

摩訶薩亦復如是住無相忍不起瞋
恚無緣大悲廣度一切以是當知安
忍波羅蜜從般若波羅蜜生精進波
羅蜜亦從般若波羅蜜多而得發生
何以故若無般若波羅蜜多一切所
作皆不成就大菩提果無邊法門安
住最勝巧便大智周遍觀察要精進
力方能圓滿六波羅蜜以是當知精
進波羅蜜皆從般若波羅蜜生禪波
羅蜜亦從般若波羅蜜生所以者何
意業微細難可測量身口所作則易
除滅妄心所起難可制伏如風飄火
猛敵可制如海濤波亦可息之唯有
妄心甚難調伏何以故無始無明迷
心性故譬如世間多愚覺者妄起尋
求而伺察之如是妄想設入定門心
猶取著無智慧故經百千劫終不能
得三昧現前亦如愚人妄執諸見或
執我常或執我斷見不清淨云何能
得三昧現前有智慧人觀察二事一
者見其自身多有疾病苦樂等事皆
由先世妄想顛倒造作諸業而今受
之若無癡愛何有病耶身本自空因

大乘理趣經卷第九

第八段 莊

緣幻有無造無作誰受苦耶二者復
應重更觀察雖無我所作福業皆
不唐捐當願法界一切有情無盡福
德瞻令清淨悉得成就六波羅蜜戒
定智慧以為莊嚴以是故知一切万
行皆以般若波羅蜜而為其母猶如
大地皆依虛空而得安立而彼虛空
無有所依般若波羅蜜亦復如是以
是故知禪波羅蜜智慧為母非唯五
度從智慧生一切世間福德名聞人
天果報乃至出世無漏菩提皆以智
慧而為生處猶如大地皆依虛空而
得安立一切衆生執我取相有五怖
畏一不活畏常積資財恐不活故二
惡趣畏造不善業恐墮三途恒怖畏
故三者死畏愛惜身命恐喪失故四
者惡名畏恒作諸惡以自覆藏恐人
間知常怖畏故五者大衆威德畏於
大衆中所發言詞懷怖畏故菩薩摩
訶薩智慧觀察具證二空能益自他
無不活畏除斷邪行具淨尸羅必至
涅槃無惡趣畏係入緣起了本無生
則無死畏住無相理身心寂靜無自

大乘理趣經卷第九

第九段 莊

他相離惡名畏成就微妙四無所掛
慶衆無畏猶師子王是故名爲無大
衆畏
復次慈氏一切衆生根性若別慳貪
者今惠施瞋恚者今慈忍我憍者今
謙下愚癡者得智慧開示涅槃顯真
實相無量功德皆從般若波羅蜜生
一切諸佛及諸菩薩天龍八部咸皆
讚歎尊重恭敬猶如父母譬如慈母
唯有一子鞠育誨示漸漸成長今得
尊貴菩薩亦亦憐愛有情等如一子
般若甘露而為法食五波羅蜜為大
資糧十力四無所畏十八不共法諸
妙功德莊嚴法身成就無上法王之
位
復次慈氏有十種事能障智燈掩蔽
光明不能顯了增長癡闇無所覺知
一者懶墮於世事業皆不成就豈能
修行出世妙善二者近惡知識造諸
惡業增長無明三者耽著睡眠身心
昏昧不能修習無上菩提四者聽聞
大乘尋復忘失五者樂習世間一切
技藝不知如幻而生執著六者我憍

大乘理趣經卷第九

第十段 莊

覆藏雖遇善友不能諮問無上正法
七者於大乘教微妙深理不能解悟
我慢自高便生退屈八者耻已愚昧
不能親近有智之人九者攻乎異端
詐謂知見有所論難皆涉邪徒十者
於最上乘不生信樂設有所聞師心
邪解由是十事障尋大乘正法不聞
淪溺生死離此十事有十勝法便能
悟入無上菩提一者精勤樂習禪定
二者親近善友聽聞正法三者損減
睡眠恒自覺悟四者於大乘法所聞
不忘五者順世事業常觀如幻無所
著故六者無所藏隱決眾疑故七者
不輕已身勤修行故八者常樂法施
興大會故九者恒自謙下不誑眾生
故十者不自師心深入佛慧故菩薩
摩訶薩以此十事具足圓滿六波羅
蜜成就法身清淨解脫

大業經卷第九

第三十頌

二相故三者不與身見遠見乃至六
十二見而為相應四者不與世間八
風相應所謂利養憍讚毀譽樂衰
損等事而為相應五者不與隨煩惱
等忿恨相應六者不與我慢增上慢
等相應七者不與根本貪瞋癡等而
為相應八者不與煩惱魔死魔等而
為相應九者不與我相人相作者受
者養育士夫補特伽羅意生儒童業
障報障煩惱等障而為相應十者不
與妄念分別見聞覺知而為相應十
一者不與四顛倒法而為相應無常
計常常計無常無樂計樂樂計無樂
無我計我我計無我不淨計淨淨計
不淨如是妄計名顛倒法有情心行
乃至諸塵勞門而為相應十二者不
與慳慳犯戒瞋恚惡念散亂愚癡而
為相應亦不與有相行施持戒忍辱
精進禪定智慧相應十三者不與不
善等法性罪遮罪有漏有為而為相
應亦不分別世出世善法有漏無漏
而為相應十四者不與二十二根相
應所謂眼耳鼻舌身根相應亦不與

大業經卷第九

第三十一頌

苦樂憂喜捨受相應亦不與男女等
根意根命根信等五根三無漏根而
為相應十五者不與三界五趣種種
有情而為相應亦不分別大乘小乘
佛法僧寶差別之相而為相應十六
者不分別真諦俗諦有為無為有智
無智有識無識作意無作意有體性
無體性有相無相心意差別而為相
應慈氏當知摩訶般若波羅蜜多無
餘無著難諸分別平等清淨一相一
味不與如是差別等法而為相應
復次慈氏菩薩摩訶薩修方便行
深般若波羅蜜多時住奢摩他毗鉢
舍那住身寂靜了因緣法如幻如化
順勝義諦離有離無非斷非常隨順
因果無我人相真實不動不壞威儀
住三解脫門而不取證無動無靜是
如來禪遊戲神通深入實際不住生
死不入涅槃不盡有為不住無為雖
觀無相不捨大悲雖住三界而恒出
離知真無染而不修證離於戲論常
樂宣說

大業經卷第九

第三十二頌

羅蜜多應於善友聽聞正法具足八十四種勝上之心方能發生般若波羅蜜多微妙勝慧所謂住真實相最極微妙相般若相應相善知識相離情傷相恭敬相右遠相無量相善言相至誠相善作意相無亂相無定相妙寶相妙藥相除病相法器相示導相入智慧相聞法無厭相增長捨相善調象馬相敬事多聞相樂聞深法相觀身界滅相清淨適悅相聞法無倦相聞義相聞法相隨說修行相為他說法相聞所未聞相聞神通相不求餘乘相樂聞般若相樂聞菩薩藏相樂聞善巧方便相四攝法相聞梵行相念正定相能生善巧無生相大慈悲心相緣起相無常相苦相空相無我相不淨相寂靜相空相無相相無願相無不善行相勝義諦相不壞相自在相護自心相不捨精進相思惟妙法相對治煩惱相宗重正法相對治耶見相獲聖財相除斷貧窮相智者稱讚相智人極喜相智者所樂相崇重賢善相見諦相觀盡過失相有為

大乘理趣六波羅蜜多經

卷第六

大乘理趣六波羅蜜多經

卷第六

過患相依法相依義相依智相依了義經相不依不了義經相不作諸惡相自利益相利益他相善作業相無數惱相勝行相獲一切諸佛法門相慈氏當知聽法之人具足如是勝妙之心能善聽聞甚深般若波羅蜜多知一切法無我無人本來清淨生死涅槃平等無二復次菩薩摩訶薩觀於眼等五根苦樂等受男女意命能起煩惱生死根本信等五根三無漏根能捨煩惱是涅槃因知煩惱性從本以來不生不滅性相常住如是修習是名般若波羅蜜多

復次慈氏菩薩摩訶薩所修勝行與智慧相應及不相應無有分別二智平等不捨眾生恒起大悲普覆一切清淨不動如是修習是則名為般若波羅蜜多

句無著句無住句無所住句對治句寂靜句極寂靜句遍寂靜句無戲論句無起句即真句不致句無餘句無際句無對治句最勝句真實句如如句絕言句不別異句無彼此句三世平等句無三世句不住五蘊句不住六界句不住十二處句不住十八界句依法句依義句依智句依了義句如是句義是菩薩摩訶薩修行般若波羅蜜多不可思議故無因喻故無比量故無有上故自利利他故大希有故唯佛與佛能證能說餘無測知何以故般若波羅蜜多無性無相無比無喻唯佛如來方能究盡

復次慈氏此般若波羅蜜多非即蘊處界無依無止不生不滅不內不外不在中間是故般若波羅蜜多不可思議今時慈氏菩薩聞是般若波羅蜜多歡喜踊躍以偈讚曰

大雄世尊智無量 十力無畏真解脫
神通廣大無邊際 一切無能測量者
昔曾侍觀無量佛 獲得其深微妙智

大乘理趣六波羅蜜多經

卷第六

難行苦行恒沙劫 是故能成調御師
佛證自然一切智 住真寂滅難思議
唯佛如來自證知 能現無邊佛境界
法性真常離二邊 寂滅無為出三有
煩惱業苦悉皆除 法身清淨真解脫
菩提道場成最覺 唯有諸佛能證知
清淨湛然無去來 無相無行無說示
涅槃無比無能喻 凡夫二乘莫能測
等覺菩薩不能知 唯佛世尊獨明了
佛會一切聲聞眾 逮得已利如來讚
漏盡皆住最後身 此等不知佛境界
一切辟支佛利智 遍滿十方如稻麻
百千万劫共思惟 不能測知佛智慧

大乘理趣六波羅蜜多經卷第九

丙午歲高麗國大藏都監奉

勅雕造

大乘理趣經卷第九

第三十七

桓

大乘理趣六波羅蜜多經卷第十

桓

別當國三藏般若奉

詔譯

般若波羅蜜多品第十之餘

佛告慈氏菩薩摩訶薩有七種事能
得如是不思議無盡法門謂因無
盡有情界無盡大悲無盡妙用無盡
法門無盡壞生死魔故智無盡故如
是般若波羅蜜多無行無相無生無
滅菩薩於一切法應如是知佛說是
甚深般若波羅蜜多時會中有一外
道名微末底即從座起而白佛言世
尊佛說一切諸法本來不生自性清
淨此義不然自在天常而是一切万
物父母能生諸法能造能作安立世
間復有說云神我能生一切諸法
然此義者住於心中猶如拇指復有
說云一切諸法從和合生云何今者
乃說無生今時薄伽梵告微末底世
所問者隨汝意答新汝疑心應當諦
聽如汝所說自在天常能生一切万
生万物應同一性悉亦是常若謂所
生前後變易非常住者理亦不然用
不離體應是常住體不離用應非常

故自在常者生應常生云何有時或
生不生既不常生云何是常以是
義故同彼所生定是無常所生既
多亦非是一若是一者應無差別
万類區分如何是一又自在天能
生一切無有慈悲若有慈悲應令
有情悉生人天常受快樂云何令
諸有情受於八苦生三惡趣受種
種苦若有慈悲云何自生自立自害
若自在天是一是常所生一切應無
變易云何異類生滅無常五趣之中
受盡不淨辟如見果即知其因當知
自在非常非一若言妙好是自在作
獸不善畢舍遮為如是之言亦不應
理善由自在惡由舍遮善惡相違何
名自在又諸有情作惡人多修善者
少即畢舍遮鬼勝自在天又諸有情
所作善事自在靈分所作諸惡鬼所
教者汝諸弟子恒作是言為善生天
惡墮地獄若生天墮獄由造善惡云
何言彼自在作耶辟如國王使人宣
令賜財授職但言王賜終不言是宣
敕命人又如國王使人斷命但言王

設不言耽嗜是即造善歸自在天若造諸惡畢舍遠受有情何故受苦樂耶以是當知大自在天決定不能造作一切若言一者有情何故能生無量善惡心耶以是故知亦非是一若言一切由自在天即應純善何有惡耶如人有時於多人所作諸惡事即是惡人若眾生惡由自在者世間咸謂地獄罪人自作惡業汝獨云何推自在耶又如有人謗他作惡得無量罪汝謗自在獲罪亦然

復次微末底自在造作過失如前神我過失倍過於彼若我是常能造作者此身去住應得自由無人能害云何號突而懼死耶若我是常應能憶念過去造業受諸苦報故於今生不應造惡又我常者即應自在捨於衰老恒受少壯如脫故衣更著新好云何而有老病死耶以是當知我非作者

復次微末底我觀諸法亦非和合因緣所生所以者何因無生性因若有生不應待緣緣無生性亦復如是若說因緣我能和合此亦不然如二盲人

大乘理趣六波羅蜜多經

第三品 經

亦然當知神我和合因緣亦不能生若能生者應是無常有作用故如所生果定是無常以是當知離所生外無別能生或說五大極微是常能生諸法此亦不然猶如水米和合成酒飲即令醉如是醅力不從外來非水中出亦非米出水米和合轉變而生一切諸法無有作者亦無有我而為因緣所以者何大地虛空水火風界當知亦令空無情物生有情耶一切諸法假有實無非自在天亦非神我非和合因緣五大能生是故當知一切諸法本性不生從緣幻有無來無去非斷非常清淨湛然是真平等今時薄伽梵而說偈言

一切有為法 如乳聞婆城 眾生妄心取 雖現非實有 諸法非因生 亦非無因生 虛妄分別有 是故說唯心 無明妄想見 而是色相因 藏識為所依 隨緣現眾像 如人目有翳 妄見空中花 習氣擾濁心 從是生有現 眼識依賴耶 能見種種色 譬如鏡中像 分別不在外 所見皆自心 非常亦非斷 賴耶識所變 能現於世間

大乘理趣六波羅蜜多經

第四品 經

法性皆平等 一切法所依 藏識恒不斷 亦那計為我 集起說為心 思量性名意 了別義為識 是故說唯心 心外諸境界 妄見毛輪花 所執實皆無 咸是識心變 色具色功能 皆依賴耶識 凡愚妄分別 謂是真實有 瞞眼而昏醉 行住及坐卧 作業及士用 皆依藏識起 有情器世間 非由自在作 亦非神我造 非世性微塵 如木中火性 雖有未能燒 因燄方火生 由此破諸聞 屢轉手為因 賴耶為依止 諸識從彼生 能起漏無漏 如海遇風緣 起種種波浪 現前作用轉 無有間斷時 藏識海亦然 境界風所動 恒起諸識浪 無間斷亦然 如醉未醒搖 其醉人不見 施功既不已 醒睡方可得 賴耶妄薰習 隱覆如采藏 修習純熟時 正智方明了 諸識隨緣轉 不見本覺心 自覺智現前 真性常不動 猶如金在礦 塵石不堪用 銷練得真金 作象莊嚴具 賴耶性清淨 妄識所熏習 圓鏡智相應 如日出雲翳 若有修空者 順空而取空 觀空真色珠 不名真觀者 觀色即是空 色空不可得 此即勝義空 是真解脫者 客塵無自性

大乘理趣六波羅蜜多經

第五品 經

無明妄分別 實相非有無 衆生虛妄見
猶如日月明 流光能普照 如來清淨藏
具足諸功德 真妄未相重 猶如二鳥聞
弱者去無迴 妄盡無來去 蓮花性無染
出水離淤泥 若箇皆開敷時 見者皆歡喜
如來無垢識 永斷諸習氣 清淨智圓明
賢聖齊歸趣 猶如最勝寶 無復諸瑕翳
輪王為寶冠 常置於頂上 如來清淨藏
永離諸分別 體具恒沙德 諸佛之法身
住真無漏界 清淨解脫身 寂滅等虛空
法性無來去 佛現三界中 不生亦不滅
此界及他方 熾然常不動 平等真法界
佛與衆生如 非斷亦非常 大悲恒不盡
諸佛法性身 本覺自空智 是真勝義諦
唯佛方證知 自性體無生 牟尼本寂靜
流轉諸三有 畢竟歸依處 法無來去相
三世常寂然 住真三昧者 見彼法界身
清淨不思議 恒沙衆德備 此即無漏界
諸佛之所依 佛具三種身 體相用平等
甚深廣大性 勝義無差別 無漏無變易
遠離一切相 煩惱及所知 本性恒清淨
無垢無染著 是真調御師 性淨即涅槃
亦是法身佛 體備恒沙德 無垢不思議

大藏經卷第十

第六卷

經

六度常圓滿 此即薩婆若 廣大無邊際
永斷於思想 新習成菩提 具恒沙功德
於諸法自在 普現諸色像 大悲清淨果
常利一切衆 無漏無分別 願力皆圓滿
猶如摩尼珠 隨色皆能現 譬如工畫師
能畫種種相 所現諸境界 皆是識心變
衆生諸性欲 如來悉能知 法身恒不動
願力隨緣現 示現兜率天 降神乘自衆
生愛於三宮 出家修苦行 即詣菩提樹
降伏諸魔怨 成佛轉法輪 或現涅槃相
示現有生滅 真身恒不動 能攝衆小法
方便說涅槃 真如法界中 無有涅槃相
大悲樂饒益 引導於衆生 猶如大商主
誘進諸愚少 菩薩廣大心 咸令入涅槃
亦時微末底聞佛說已身心適悅歡
喜無量從座而起整理衣服右膝著
地合掌恭敬以妙伽他而讚佛曰
墮在生死河 邪見所纏縛 迦毗微野婆
迦那仙外道 凡愚被其惑 邪見由是生
十力善逝尊 慈念日朗明照 或聞那羅延
自在天等教 增長於貪著 令心發狂亂
正見破諸暗 是真如來教 我當正心聽
歸依大聖尊 大梵身四辟 四面蓮花生

大藏經卷第十

第七卷

經

演說四遠陀 增長於邪見 唯佛薄伽梵
慧目大聖尊 能破我等疑 真實諸法處
時微末底讚歎佛已而自佛言大聖
世尊我於今者得大勝利蒙佛慈日
正智光明邪見疑心一切都盡我今
歸依大聖世尊復自佛言世尊我今
所以名微末底為求異道心轉疑惑
今於佛前獲正法眼滅疑惑心名蘇
末底我及弟子同於今日歸佛法僧
修行大乘願無退轉所得善利迴施
有情皆向佛道今時薄伽梵為微末
底說是法時會中無量衆生發阿耨
多羅三藐三菩提心六十二那度多
菩薩證無生法忍
復次慈氏菩薩摩訶薩修行般若波
羅蜜多應修八法云何為八所謂蘊
善巧處善巧界善巧諦善巧緣起善
巧三世善巧一切乘善巧一切法善
巧云何蘊善巧謂觀色蘊猶如聚沫
愚人見之謂是自體入水而取其沫
散滅不可據摩若薩摩訶薩以正智慧
見第一義了色性空猶如聚沫以是因
緣名正知見復觀受蘊如水上的泡速

大藏經卷第十

第八卷

經

起速滅剎那不住菩薩摩訶薩以正智慧見第一義了受性空猶如水泡以是因緣名正知見復觀想蘊猶如陽焰如人熱渴遠見陽焰謂之為水馳走尋不近之則無菩薩摩訶薩以正智慧見第一義了相性空以是因緣名正知見復觀行蘊猶如芭蕉中無有堅實之不已竟無所得菩薩摩訶薩以正智慧見第一義知行性空以是因緣名正知見復觀識蘊猶如幻化如世幻師幻作金銀珠寶真珠璣瑤求其實體了不可得菩薩摩訶薩以正智慧見第一義了識性空猶如幻化以是因緣名正知見作是觀已於諸有情起大悲心興拔濟意如是觀察名蘊善巧復觀五蘊猶如幻夢皆從妄想顛倒心生無我無人無眾生無壽命非養育非士夫非補特伽羅意生儒童作者受者以善巧方便了蘊性空猶如夢想都不可得是名菩薩摩訶薩蘊善巧智復次菩薩摩訶薩觀蘊如響無我無人乃至無作者受者如是蘊性如空

響屬諸因緣如實了知等無二相是則名為菩薩摩訶薩善巧智復次觀蘊如影從業緣現無我無人乃至受者如是影性了不可得等無二相是名菩薩摩訶薩善巧智復次觀蘊如鏡中像無我無人乃至受者如是鏡像非內非外了不可得平等無二是名菩薩摩訶薩善巧智復次觀蘊從緣而有如幻如化無我無人乃至受者以善巧智如實了知等無二相是名菩薩摩訶薩善巧智復次觀蘊是變壞相無常苦空無我不淨性本空寂非壞非不壞如實了知名蘊善巧智

復次云何名為善巧謂觀眼處耳鼻舌身意處法性空寂無我我所色聲香味觸法處法性皆空無我我所非相應非不相應非善法非不善法不增不減無有二相本來空寂是名菩薩摩訶薩善巧智復有善巧智眼處色處本來自淨無染無著眼處堅固寂然常住如是耳聲鼻香舌味身觸意法性本清淨無染無著乃至意根堅固寂然常住不變是名菩薩摩訶薩善巧智復次云何名為善巧所謂聖人處非凡夫處能生聖道是名為善凡夫邪行生於惡道名為不善菩薩摩訶薩住八聖道起大悲心令諸有情入正定聚是則名為善巧智

復次云何名為善巧謂觀眼界色界眼界無我亦不屬我亦非眼界色界眼界為緣而起乃至意界法界無我亦不繫屬於我乃至意識界無我亦非意識為緣而起如是菩薩以正智慧觀第一義知十八界性即是空無我無人法界平等清淨不動是名菩薩摩訶薩善巧智復

有界善巧所謂了法界智了知地水火風界性是空堅濕暖動皆不可得同真際等法性是名菩薩摩訶薩了法界智復有了法界智了眼界乃至意界性空色界乃至法界性空眼識界乃至意識界性空亦無見聞覺知分別之相是則名為了法界智

復次云何名為諦善巧所謂四諦苦集滅道觀此五蘊苦若行苦壞苦名苦聖諦智了知無明增長五蘊名集諦智不起貪欲滅盡諸苦名滅諦智為此滅故修八聖道名道諦智是名菩薩摩訶薩諦善巧智復有諦善巧所謂知苦無生名苦諦智知集不起名集諦智了本不生今則無滅名滅諦智於不二相修中道觀名道諦智是則名為諦善巧智復次菩薩摩訶薩了知苦受空無自性能觀正智亦復皆空名苦中苦智觀集緣起從緣幻有能觀正智亦皆是空名集中集智知貪愛滅既本性空正智現前清淨平等名滅中滅智知出苦道了不可得正智觀察自性皆空名道中道智

大智度論卷第十

第十二卷 經

如是正智離諸分別名菩薩摩訶薩諦善巧智復次能知生苦體即無生名苦中真智知生集起集無和合名集中真智知生本無即無有滅名滅中真智知出苦道離有離無是名道中真智菩薩摩訶薩如實了知名諦善巧復有諦善巧所謂三諦世俗諦勝義諦實相諦世俗諦者謂一切世間語言文字見聞覺知勝義諦者謂心行處滅無復文字離於一切見聞覺知實相諦者所謂一切相即無相如是無相即是實相菩薩摩訶薩於俗不染觀真不住一相平等是則名為菩薩摩訶薩諦善巧智復有二諦所謂世諦真諦世諦者所謂一切世間色心等法如實而見稱實而知真諦者謂二空理清淨湛然究竟寂滅化之不散知真無取無法可得是名菩薩摩訶薩諦善巧智復有一諦謂即真如清淨法界無生無滅非斷非常遠離二邊究竟安樂於生無生心無二相是名菩薩摩訶薩諦善巧智復次云何名緣起善巧菩薩摩訶薩觀察

大智度論卷第十

第十三卷 經

緣起流轉不斷無明緣行行緣識緣名色名色緣六入六入緣觸觸緣受受緣愛愛緣取取緣有有緣生緣老死憂悲苦惱菩薩以正智慧如實了知緣起無性無生無滅法性現前無心無作無主無攝是名菩薩摩訶薩緣起善巧智復次所有善因不善因動因不動因生因死因涅槃因如此因等皆如實知所有眾生利損欲報如是報性如是因如是緣如是果報如是本末皆如實知隨其因緣生善能集而無所失是名菩薩摩訶薩緣起善巧智復次妄想滅則無明滅無明滅則行滅行滅則識滅識滅則名色滅名色滅則六入滅六入滅則觸滅觸滅則受滅受滅則愛滅愛滅則取滅取滅則有滅有滅則生滅生滅則老死憂悲苦惱憂惱滅菩薩摩訶薩以正智慧了知緣起無生無滅無三無攝是名緣起善巧智復次慈氏一切因緣皆假和合無有自性不從我人眾生命而得生長為是有情說如是法無量無邊無有窮盡如實了知是名緣起善巧智復

大智度論卷第十

第十四卷 經

次菩薩摩訶薩了知一切緣生之法無生無滅無盡之相此無盡相即菩提相是名菩薩摩訶薩緣起善巧智復次云何三善巧智謂念過去所有善法如實修行不善之法常當遠離如實知已悉皆迴施一切有情是名菩薩摩訶薩過去善巧智復次云何三善巧智謂念未來所有善根菩提資糧皆悉迴向一切智智是名菩薩摩訶薩未來善巧智復次現在所有正念相應善法不起邪念相應不善是名菩薩摩訶薩現在善巧智復次觀於過去皆悉是空現在未來亦復皆空三世平等住第一義是真解脫復觀過去現在未來一切諸佛福德智慧生隨喜心是名菩薩摩訶薩三世善巧智復觀過去已滅未來未至現在不住三世善法所修勝行悉願迴向無上菩提現在善法剎那不住而恒發起菩提之心是名菩薩摩訶薩三世善巧智復次過去已滅未來未至現在不住如是生滅念念不住心常覺悟是名菩薩摩訶薩三世善巧智復次菩薩不思議

大智度論卷第十

第六十三

在阿修諸善未來覺心當願圓滿願皆迴向無上菩提是名菩薩三世善巧智復次為欲成就諸有情故憶念過去所有善根一切有情隨彼彼根依願成就所有供養未來諸佛一切有情隨彼彼根當來成就所有現在一切有情神通說法種種教化隨根成就如是三世利益自他圓滿菩提勝妙之行是名菩薩三世善巧智

大智度論卷第十

第六十四

菩薩於聲聞乘而得善巧復次云何菩薩摩訶薩於獨覺乘善巧謂厭諸有為樂於出離少欲知足離諸戲論樂居閑寂於諸目緣自然覺悟諸法無常而得解脫是名菩薩摩訶薩於獨覺乘善巧智復次云何菩薩摩訶薩於大乘而得善巧大乘功德無量無邊悉令有情咸皆悟入彼最上乘無有障礙無生無滅得大智慧積集一切福德善根一切有情所受用故成就諸波羅蜜令諸心行善調伏故增長無上大菩提故有大威力諸菩提樹坐於道場觀衆生根大悲不捨無障無礙普於一切悉皆憐愍等如一子能越一切惡道諸怖畏故能令一切佛法皆現前故摧伏外道諸魔怨故建立菩提勝法幢故能除斷常諸結使故得佛如來無尋智故豐益佛法諸珍寶故隨根利益無錯失故養育有情大悲成就十力無畏不共佛法相好功德瓔珞莊嚴無過失故如是所有一切善巧是名菩薩摩訶薩大乘善巧智復次一切諸佛之所乘故具

大智度論卷第十

第六十五

足七法佛為大乘如轉輪王具足七寶云何為七所謂大觀察故大隨順故大智慧故大精進故大方便故大證悟故大善業故大觀察者菩薩摩訶薩親近善友聽聞正法於一剎那悟一切法實相現前大隨順者菩薩摩訶薩成就大智大定大悲利益自他故大智慧者菩薩摩訶薩見真實相我法皆空大精進者菩薩摩訶薩於無量阿僧祇劫大悲萬行能成辦故大方便者菩薩摩訶薩得平等忍不住生死不證涅槃大證悟者菩薩摩訶薩證力無畏不共佛法無量無邊大功德故大善業者菩薩摩訶薩於生死中得大菩提成就圓滿恒沙萬億佛事業故具足如是七種勝法而為法王是名菩薩摩訶薩大乘善巧智

復次云何一切法善巧謂有為無為菩薩於此二法巧便最勝於身善行口善行意善行清淨增長迴向無上正等菩提是名菩薩有為善巧智菩薩於身口意具三無作清淨平等迴

向無上正等菩提是名菩薩無為善巧智復有善巧謂菩薩摩訶薩於布施持戒乃至靜慮增長修習迴向無上正等菩提是名菩薩有為善巧智復以般若波羅蜜多離一切相修諸波羅蜜多迴向無上正等菩提是名菩薩摩訶薩無為善巧智復有善巧以方便智行四攝法攝取衆生是名菩薩摩訶薩有為善巧智復有善巧住第一義雖攝衆生而無取著迴向菩提是名菩薩無為善巧智復有善巧了知煩惱增長生死菩提分法斷絕生死是名菩薩有為善巧智復次知空無相無願三解脫門能於無上正等菩提安立平等無二無別無有退轉是名菩薩無為善巧智復次有為善巧行於三界不著三界是名菩薩有為善巧智了知三界性皆是空如幻如化而不取著是名菩薩無為善巧智復次如是了知法性清淨無相無名具一切智名為實智為度衆生假名方便如是分別是名攝智菩薩摩訶薩於此八法二智自在名為般若波

羅蜜多復次悉能了知一切法性名為智慧所有觀察善不善法名為方便隨順解脫離諸分別聖智現前名為般若波羅蜜多復能如是善巧分別諸見結使以奢摩他毗鉢舍那如是拔除是名方便而能圓滿無上大願是名智慧除彼熱惱使得清涼是名方便能解煩惱性不可得是名智慧除身心苦得輕安樂是名方便遊法園苑得念捨持理智現前是名智慧與諸有情作依止處是名方便能依所依無住無著是名智慧獲三十七菩提分法是名方便應常離念而與實相智慧相應得大法樂是名智慧復能生長五波羅蜜是名方便隨所樂乘同歸佛慧自性照明是名智慧能度一切生死瀑流是名方便實衆生得咸度者是名智慧建立正行是名方便見本性空是名智慧除客煩惱是名方便善能覺悟智性無染是名智慧行無所行是名方便悟於法空是名智慧不著三界是名方便令諸菩薩了第一義是名智慧攝諸衆生行於万

善是名方便一切賢聖同一法界是名智慧隨其根性除妄分別是名方便見本清淨寂滅無生是名智慧能起方便斷滅癡闇是名方便深入禪定不住禪定是名智慧誘導二乘是名方便除斷法執入佛知見是名智慧隨衆生根令生勝解是名方便了根性空是名智慧超妄境界是名方便示勝義諦是名智慧權說四諦是名方便於諸修行不可得是名智慧勤求功德悲願無盡是名方便了應非真不來不去法界平等是名智慧隨緣普示教化一切是名方便了煩惱性本來解脫是名智慧了知結使虛妄分別是名方便了衆生心本來寂靜是名智慧勸令修斷隨眠習氣是名方便一切衆生心行差別八万四千諸塵勞門即佛慧門是名智慧聲聞緣覺善巧勸修漸入佛道是名方便菩薩修行如是般若波羅蜜多疾證阿耨多羅三藐三菩提是名般若波羅蜜多佛說此摩訶般若波羅蜜多時會中三十二俱胝菩薩摩訶薩得

大般若經卷第十

第三十二

無生法忍七十万八千衆生發阿耨多羅三藐三菩提心此會大衆各以種種妙花寶幢幡蓋諸莊嚴具瞻蔔花香供養般若波羅蜜多敬於如來及慈氏菩薩摩訶薩等諸菩薩上一切諸天於虛空中作天妓樂種種歌頌讚歎如來於無量劫成就善提無邊功德今時佛告一切大衆慈氏菩薩摩訶薩汝等能問甚深般若波羅蜜多大衆功德無盡法門不可思議彼諸會衆聞是經者亦當圓滿如是功德若聞是經生信解心受持讀誦書寫解說如是等人利益無量不可思議亦非譬喻等數之所能及今時薄伽梵解絡掖衣授與慈氏而作是言善哉善哉善男子汝能問此甚深般若波羅蜜多一切十方諸佛如來悉皆隨喜時慈氏菩薩受佛衣已頂戴尊敬而作是言此交即是如來真身制底一切天龍人非人等皆應作礼右遶恭敬種種供養今時大衆忽見無量雜花寶幢幡蓋從十方來住佛頂上在虛空中須臾之間遍覆大會慈氏菩薩

大般若經卷第十

第三十三

大衆之上又於幢蓋供養具中出大音聲讚言善哉善哉慈氏菩薩摩訶薩使問斯義我等深心隨喜供養今時舍利弗白佛言世尊此等花鬘幢蓋從何而來是音聲讚歎隨喜今時薄伽梵告舍利弗言善男子此慈氏菩薩於過去世行菩薩行度脫無量百千万億諸衆生等今有住菩薩不退地者或在聲聞獨覺人天之中彼諸衆生以宿因緣於十方界各以種種寶花鬘蓋供養般若波羅蜜多經及佛如來讚歎慈氏如是功德有是音聲說此語已一切衆會於慈氏菩薩摩訶薩深生尊重咸作是言我等今日得大善利得見是人親近供養於如來所得聞是經世尊此諸衆生得聞佛名及慈氏菩薩摩訶薩名尚得無量無邊功德何況親於佛前得聞是經信解受持今時世尊告舍利弗若有善男子善女人於一劫中種種布施金銀琉璃珊瑚碼瑙真珠摩尼頭目髓腦無所吝惜護持禁戒安忍精進修諸禪定

大般若經卷第十

第三十四

若聞此經一四句偈我欲此人成就
大乘般若波羅蜜多而此功德勝前功
德若離此法諸波羅蜜悉不成就舍
利弗以是因緣若善男子善女人聞
此經典信解受持思惟修習我說是
人速能成就無上菩提當知是人則
為已得諸佛如來菩提法印舍利弗
若有菩薩說此經時應發是願我今
應當誦此經廣為人說能生此念
即名圓滿檀波羅蜜何以故一切施
中法施最勝若持此經守護法身即
是圓滿戒波羅蜜無生忍亦即名
為忍波羅蜜如理不懈此即名為精
進波羅蜜安住寂滅此即名為靜慮
波羅蜜得自然慧不由他悟是即名
為般若波羅蜜舍利弗若復有人受
持此經四句偈等速能圓滿無上菩
提若諸菩薩持此法要讀誦書寫或
持經卷所在之處則為有佛當知是
人已得如來一切法藏若有受持此
經典者形雖差別而菩提心無有二
相何以故舍利弗此經則是不退菩
提寶相法印以是當知若諸菩薩隨

順此經當知是人得不退轉無上菩
提若諸菩薩隨順此經當知則是隨
順一切佛法余時護世四大天王及
諸眷屬悉皆合掌尊重恭敬一心正
念而白佛言世尊我等四王今為如
來作護正法眾若善男子善女人持此
經者即是法師我當承事供養恭敬
如佛無異何以故一切諸佛及大乘
法皆從此經出故余時天帝釋白佛言
世尊我難從佛得聞餘經未曾得聞
如是甚深最勝經典我今堪任與諸
天眾隨此經典所在國土城邑聚落
山林樹下空閑之處有受持讀誦書
寫解說我等諸天為作聽眾以是經
故令彼國王后妃眷屬色力增盛永
無憂患大臣卿相一切人民及說法
師我等當常共作擁護令無衰患令
諸國界險陽順序無諸怨失一切怨
敵無能侵害稼穡成熟人民安樂增
彼法師色力辯才自在無礙又令法
師處大眾中得大無畏如師子王廣
為他說
余時薄伽梵告天帝言善哉善哉愍

尸迦汝於此經及說法師如是擁護
令無衰患汝今當知若護法師則是
護法若護法者則護國土及一切眾
生余時索訶世界主大梵天王白佛
言世尊我與梵眾天等捨禪定樂
隨此經典及說法師所在之處我當往
彼為現四相令彼法師知我等來云
何為四一者見大光明二者聞有異
香三者令彼法師辯才無礙四者令
諸聽眾專念一心以此四相知我在
會聽聞正法為作擁護余時魔王波
旬白佛言世尊佛說此經令我官殿皆
無光色震動不安力勢衰損所以者
何以諸菩薩摩訶薩聽此經故若此
經典在在處處有善男子善女人等
受持此經乃至一偈一句一經於耳
信解受持當知此人已受阿耨多羅
三藐三菩提記當紹佛位余時魔王
波旬白佛言世尊彼善男子善女人
以受持是經令我眷屬威德勢力悉
皆摧滅若有人受持讀誦書寫解說
此經典者所在之處我等同捨願常作
擁護不起一念障礙之心

余時薄伽梵告舍利弗當於未來
世受持讀誦流布此經為令正法得
久住故舍利弗言唯然世尊我當受
持復告阿難言汝當受持讀誦流布
此經阿難隨言唯然世尊我當受持
我等雖能奉行不得如諸菩薩廣宣
流布

佛告阿難勿憂此經不能流布無量菩
薩摩訶薩盡在此會悉願傳通會中有
六十俱胝菩薩摩訶薩為欲護持此經
與故從座而起白佛言大聖世尊我等
擔當於十方界流通此經此索訶世
界自有慈氏宣布是經不令斷絕若
佛滅後後五百歲有諸眾生於此經
典暫得聽聞一經於耳當知此人佛
所記別受持此經一偈一句當知皆
是慈氏菩薩摩訶薩威神之所建立
余時薄伽梵告諸菩薩言善哉善哉
善男子汝等今於我所護持此經當
於無量阿僧祇劫亦護持此經當
菩薩摩訶薩長跪合掌而白佛言大
聖世尊我聞此經觸犯如來今於佛
前至誠懺悔唯願慈悲哀恕我過及

大花嚴經卷第十 第三十

諸菩薩亦當受我如是悔過

佛告慈氏汝於是經得深理趣般若
波羅蜜多於大乘法無有疑惑於身
口意無有誤失一切諸佛共印可汝
我亦如是汝所說法如我無異余時
阿難白佛言世尊當何名此經我等
云何奉持時薄伽梵告阿難言此經
是過去現在未來菩薩摩訶薩大乘
理趣亦為一切眾生眼目亦為諸佛
本母所以此經名大乘菩薩理趣六
波羅蜜多無量無邊無盡義經以是
名字汝當奉持

佛說是經已具壽阿難陀等諸大聲
聞慈氏菩薩摩訶薩等諸大菩薩一
切世間天龍藥叉阿蘇羅健闍婆迦
嚕羅緊捺羅摩怛洛迦人非人等及
不眴世界無盡藏菩薩摩訶薩等一
切大衆聞佛所說皆大歡喜信受奉
行

大乘理趣六波羅蜜多經卷第十

丙午歲高麗國大藏都監奉
勅雕造

大花嚴經卷第十 第三十

大花嚴長者問佛那羅延力經

經

霸國三藏般若共利言譯

如是我聞一時薄伽梵在室羅筏悉
底國逝多林給孤獨園時大花嚴長
者從座而起整理衣服長跪合掌而
白佛言大德世尊一切有情施飲食
者當得何報

余時薄伽梵告長者言若施食者得
如來力時大長者復白佛言世尊其
如來力頗有譬喻而能宣說令我聞
不

佛告長者言有善男子不可以少因
緣而能說之復告長者如十凡牛力
等一犍牛力十犍牛力等一犀牛力
等一羆牛力等一凡為力十凡為力等
一設臘婆力八蹄四在背上一蹄地
行下腹地而行力能負重十設臘婆
力等一闍戰為力十闍戰為力等一
醉為力十醉為力等一野為力十野
為力等一羈黎縛迦為力十羈黎縛
迦為力等一拘牟頭花為力十拘牟
頭花為力等一盂鉢羅花為力十盂